



ԶԱՄԱՐ

1982

Ժ



ԼԹ
ՏԱՐԻ


ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՅ
Ս. ԷԶՄԻԱԾՆԻ

հոկտեմբեր

1982



ՀՐԱՄԱՆԱԻ

Տ. Տ. ՎԱԶԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱՋՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ

2891



ՎԵՀԱՓԱՆԻ ՀԱՅՐԱՊԵՏԻ ՔԱՐՈԶԸ ՄԱՅՐ ՏԱԺԱՐՈՒՄ
(10 հոկտեմբերի 1982 թ.)

«Յանուն Հօր եւ Որդւոյ եւ Հոգւոյն Սրբոյ, ամեն»:

«Լուսովդ քով, Քրիստոս, ամենեքեան լուսաւորեցար»:

«Քո լոյսով, Քրիստոս Աստված, բոլորիս լուսավորեցիր»:

Մեր համարյա ամենօրյա աղոթքներից մեկն է այս: Մենք հավատում ենք, որ մեր կյանքի բոլոր բարիքները և շնորհները, որ վայելում ենք այս անցավոր կյանքի ճանապարհին, արգասիքներն են այդ լոյսի շնորհների:

Նախ Մենք ուզում ենք Մեր գոհունակությունը հայտնել, որ այսքան մեծ թվով հավաքվել եք այսօր մեր այս սուրբ տաճարի կամարների ներքո, Մեր գահակալության 27-րդ տարեդարձի առթիվ: Դուք տեսնում եք, որ այսօր սովորականից ավելի հյուրեր ունենք նաև արտասահմանից, հայ Սփյուռքի տարածքից: Նրանք էլ մեր ժողովրդի և մեր Սուրբ Եկեղեցու հարապատ զավակներն են, որոնք եկել են այս անգամ երջանիկ մի առիթով՝ ներկա գտնվելու այն նորակառույց շենքի բացմանը, որը բարձրանում է Վեհարանի կողքին և որը կոչվելու է «Գանձատուն Մայր Աթոռ Սուրբ Էջմիածնի», որ պիտի կրի անունը նվիրատուների՝ Ալեք և Մարի Մանուկյանների, Միացյալ Նահանգներից, որոնք այժմ այստեղ են գտնվում հարապատների և բարեկամների հետ միասին: Ահավասիկ բացառիկ մի առիթ, երբ հայաստանցիների և արտասահմանից եկած հոգևոր Մեր զավակների աղոթքները միատեղ պիտի բարձրանան դեպի երկինք:

«Լուսովդ քով, Քրիստոս, ամենեքեան լուսաւորեցար»:

Սիրելի հավատացյալներ, ընթացիկ խոսակցության մեջ «լույս» ասելով հասկանում ենք նյութական լույսը, արևի լույսը, որ ամեն առավոտ լուսավորում է աշխարհը և կյանք տալիս աշխարհին, ծառ ու ծաղկին: Ճիշտ է, ծառն ու ծաղիկը և այն ամենը, ինչ որ կենդանի է մեր երկրագնդի վրա, իրենց սննդի տարրերը առնում են հողից, ջրից և օդից, սակայն այդ նյութական տարրերը սննդի վերածողը արևի լույսն է: Ահա թե ինչու արևի լույսը փառաբանվել է հնագույն ժամանակներից ի վեր, և մինչև այսօր բանաստեղծները երգում են արևն ու արևի լույսը: Մենք՝ հայաստանցիներս հատկապես, հպարտանում ենք մեր արևի լույսով, որովհետև տարվա բոլոր եղանակներին վայելում ենք արևի ճառագայթներն ու նրանց ջերմությունը: Ինչպես գիտեք, Հիսուս՝ Փրկիչը մեր, ասում է, թե մարդ չի ապրում միայն հացով, այլ նաև Աստուծո խոսքով: Հենց այդ Աստուծո խոսքը մենք նկատում ենք իմանալի լույս, մի լույս, որ նույն դերն է կատարում, այս անգամ, սակայն ոչ թե նյութական տարրերի վրա, այլ մարդկային հոգիների մեջ, որովհետև ինչպես ծառն ու ծաղիկը կարիք ունեն նյութական արևի լույսի, այնպես էլ մեր հոգիները կարիքը, ծարավն ունեն իմանալի լույսի, որով մեր մարդկային կյանքը հոգե-բարոյապես աճում, ծաղկում և պտղաբերում է: Մեր խոսքը վերաբերում է իմանալի լույսի ներգործությանը մարդկային հոգու վրա, նրա մտքի ու զգացումների վրա, որով նա պայծառակերպվում է վեհ ներշնչանքներով, որով մարդու հոգին արգասավորվում է, և մարդն իր կյանքի ճանապարհին դառնում է առաքինի ու ստեղծագործ, ջահակիրը բարոյական գաղափարների ու ստեղծում բազում արժեքներ, գիր-գրականությամբ, գիտությամբ, արվեստի գործերով բարձրանում է դեպի գաղափարական կատարները ոգեկանության: Մենք՝ քրիստոնյաներս, հավատում ենք, որ այդ հոգևոր սննդի աղբյուրը, հոգևոր լույսի աղբյուրը ինքը Հիսուս Քրիստոսն է, որովհետև Քրիստոս՝ աշխարհի քաղաքակրթության հորիզոնի վրա առաջինը եղավ, որ ամբողջապես վեր հանեց արժեքը, հոգե-բարոյական արժեքը իմանալի լույսի, այն գաղափարական-հոգեկան ճառագայթումի, որ բեղմնավորում է մարդկանց մտածումներն ու զգացումները, ծաղկեցնում և պտղառատ է դարձնում մարդկային կյանքը ոգեկանության մակարդակի վրա:

Սիրելի հավատացյալներ, այս խորհրդածությունները մղված ենք կատարելու մանավանդ այսօր, երբ հենց երեկ տոնախմբեցինք հիշատակը մեր սուրբ թաղմանիչների, որոնց գլուխը գտնվում են երանելի Սուրբ Սահակ կաթողիկոսն ու Սուրբ Մեսրոպ Մաշտոցը, որոնք Քրիստոսի լույսի ներգործության ներքո սկսեցին իրենց մեծ գործը:

Այդ լույսը ճառագայթել սկսեց Դ դարի սկզբում Հայաստան աշխարհում, երբ հիմնվեց Հայաստանյայց Եկեղեցին, հայ ժողովուրդը դարձավ քրիստոնյա և իր սիրտը բացեց Ավետարանի լույսին:

Խիստ հատկանշական, գուցե եզակի երևույթ է ժողովուրդների պատմության մեջ այն, որ հայ ժողովուրդը իր հոգին բացեց Ավետարանի լույսին ճիշտ այն պահին, երբ ինքը նոր էր կազմավորվել և հասունության մոտեցել: Հայոց պատմությունը, անշուշտ, քրիստոնեությամբ չի սկսվում: Մենք երևի մոտ իսկապար տարվա նախապատմություն ունենք հեթանոսական շրջանում, սակայն պետք է ընդունենք առարկայորեն, որ մինչև քրիստոնեություն, հայ ժողովուրդը թեև ցեղախմբերի մի միաձուլ համախմբում էր, բավական կազմակերպված ընկերայնորեն, պետական կերպով, սակայն չունեւ ոչ իր գիրն ու գրականությունը և ոչ էլ մշակույթի ազգային ձևերն ու ոճը: Հայ ժողովուրդի հասունացումը արդեն սկսվել էր, սակայն տակավին փափուկ էին կաղապարները նրա հոգեկան կազմավորման: Եվ ահա ճիշտ այդ պահին այդ փափուկ կաղապար-

ների վրա ընկավ Քրիստոսի լույսը և վերջնական ձև, հոգի, ոճ տվեց նրանց: Շուրջ հարյուր տարիների ընթացքում կատարվեց այդ ներգործությունը, այդ խմորումը, որ իր գազաթնակետին հասավ Ե դարի սկզբին: Քրիստոսի լույսով հայ ժողովուրդը ստեղծեց իր գիրն ու գրականությունը, թարգմանեց Սուրբ Գիրքը, և սկիզբ առավ հայ ազգային մշակույթը իր արտահայտության բոլոր ձևերով՝ ճարտարապետությամբ, քանդակագործությամբ, նկարչությամբ, երաժշտությամբ: Իր վերջնական ձևը գտավ նաև մեր ժողովրդի գաղափարական-բարոյական դիմագիծը: Ավետարանի լույսը այդ ներգործումը կատարած է նաև պայծառացնելով մեր ազգին գիտակցությունը՝ մարդասիրության, արդարության և պատության գաղափարներով:


Բնորոշ այն գիտնականները, Հայաստանում թե արտասահմանում, որոնք պեղում, ուսումնասիրում են մեր անցյալը, պեղում են հայ ժողովրդի ոգեկանության աղբյուրները, ամեն քայլափոխին հանդիպում են Քրիստոսի լույսի ցոլքերին: Առանց այդ լույսի իմացումին կարելի չէ հայ ժողովրդին ճանաչել, կարելի չէ հայ մշակույթը հասկանալ:

Ահա թե ինչ պետք է հասկանանք հոգևոր իմաստով «լույս» ասելով, թե ինչ վճռական, բարենորոգչական, ստեղծագործ դեր է կատարել մեր ժողովրդի պատմության մեջ Քրիստոսի Ավետարանը: Անշուշտ ուրիշ ժողովուրդներ էլ, տակավին Ա դարում, իրենց սիրտը բացեցին Քրիստոսի լույսին, սակայն, եթե չենք սխալվում, միայն հայ ժողովուրդն էր, որ քրիստոնեությամբ կերտեց իր ոսկեդարը: Հելլենները, օրինակ, իրենց քաղաքակրթության և մշակույթի ամենաբարձր գազաթններին հասան Քրիստոսից հինգ հարյուր տարի առաջ: Ուրիշ ժողովուրդներ, Ֆրանսիացիք օրինակ, շատ ուշ, ԺԷ դարում իրենց ոսկեդարն ապրեցին: Մեր ժողովրդի պարագային, իրար հանդիպեցին Քրիստոսի լույսը և մեր ոսկեդարը, մեկը մյուսից անբաժան, մեկը մյուսով շաղկապված, մեկը մյուսով պայծառացած:

Եվ այսօր էլ, սիրելի ժողովուրդ, թեև ժամանակները փոխվել են, և այլ պայմանների մեջ է ապրում հայ ժողովուրդը այստեղ թե արտասահմանում, այլ գաղափարախոսական հոսանքներն են ներգործում համաձայն մեր ժամանակների մարդկության առջև դրված հարցերի, սակայն խորքում ա՛յն, ինչ որ ստեղծվում է նոր, իր արմատներով կապված է մնում մեր նախնիների ստեղծարար ոգուն, որով մենք երջանիկ ենք, որ այսօր, մանավանդ մեր վերածնված մայր հայրենիքում, հայ ժողովուրդը իր մշակութաստեղծ առաքելությունը շարունակում է նույն ոգեշնչումով: Մեր ազգային հանձարի շնորհիվ մեր ժողովրդի բազում պավակներ, վերջին վաթսուն և ավելի տարիների ընթացքում, փայլեցին իրենց ստեղծած մշակութային արժեքներով:

Եվ այս ճանապարհի վրա, Քրիստոսի լույսի ճառագայթումների ներքո, Հայաստանյայց Եկեղեցին շարունակում է իր առաքելությունը, իր հոգևոր, բարոյական ու դաստիարակչական առաքելությունը մեր ժողովրդի ծոցում, ինչպես Հայաստանում, այնպես էլ արտասահմանում:

Ոգեշնչված մեր անցյալի ժառանգության արժեքներով, ոգեշնչված մեր կրոնական հավատքով և լուսավորված Քրիստոսի լույսով, մեր պարտքն է շարունակել մեր առաքելությունը մեր ժողովրդի ծոցում: Մենք վստահ ենք, թե այդ լույսը միշտ պիտի ճառագայթի հայ ժողովրդի երկնակամարի վրա: Թող Աստված իր հովանին հավետ տարածյալ պահի համայն մեր ազգի վրա՝ ի Հայաստան և ի սփյուռք աշխարհի, օգնական և պահապան մնա և հաջողությամբ պսակի նրա բոլոր լուսաշեն գործերը այժմ և հավիտյան, ամեն:



**Տ. Տ. ՎԱԶԳԵՆ Ա ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ
ԽՈՍՔԸ՝ ԱՐՏԱՍԱՆՎԱԾ «ԱԼԵՔ ԵՎ ՄԱՐԻ
ՄԱՆՈՒԿՅԱՆ ԳԱՆՁԱՏԱՆ» ԲԱՑՄԱՆ ԱՌԹԻՎ
(11 հոկտեմբերի 1982 թ.)**


«Եկայք շինեսցուք սուրբ վխորանն լուսոյ, քանզի ի սմա ծագեաց մեզ լոյս ի Հայաստան աշխարհի»:

Գոհությոն՝ բարյաց պարգևատու մեր Աստուծուն, որ այսօր ջնորհում է Մեզ օրհնյալ այս պահը, Մայր Աթոռ Ս. Էջմիածնի հողի վրա բացումը կատարելու այս նոր շինության, որը կոչված է դառնալու գանձատուն հայ եկեղեցական նշխարների և արվեստի գործերի:

Երջանիկ ենք, այո, որ այս շինության մեծանուն բարերար, Հ.Բ.Ը. Միության բազմավաստակ նախագահ տիար Ալեք Սանուկյանի հետ, առաջինները եղանք՝ մուտք գործելու այստեղ ձեր բոլորի հետ միատեղ:

Մեր լոյս հավատքի վեմ Միածնաեջ Մայր տաճարի կողքին, այստեղ պիտի պահպանվեն ու ցուցադրվեն մեր բազմադարյան պատմության մրրիկներից փրկված գանձեր՝ սրբապան մասունքներ, ձեռագրեր, հին մատյաններ, սրբանդկարներ, եկեղեցական արվեստի արծաթյա և ասեղնագործ հնագույն նմուշներ, հայ թագավորների դրամներ, նաև հայ արվեստի հին ու նոր գործեր, բոլորը անկորնչելի վկայություններ հայ ստեղծագործ հանձարի, հայ ոգեկանության:

Այս պահին Մեր մտածումը թռիչք է առնում դեպի հեռու-հեռուները մեր անցյալի, երբ սաղմնավորվեց այդ ոգեկանությունը, նույն այս հողի վրա, ուր մենք կանգնած ենք այսօր, չորրորդ դարի լուսաբացին Քրիստոսի Ավետարանի ճառագայթումով, և ապա մեկ դար հետո մեր ոսկյա դարից, երբ այդ ոգեկանու-



ՎԵՀԱՓԱՌ ՀԱՅՐԱՊԵՏԸ՝ ՇՐՋԱՊԱՏՎԱԾ ԻՐ ՀՈԳԵՎՈՐ ԵՂԲԱՅՐՆԵՐՈՎ ԵՎ
ՄԱՅՐ ԱԹՈՒՆԻ ԲԱՐԵՆԱՐՆԵՐՈՎ ՈՒ ՊԱՏՎԱՐԺԱՆ ՀՅՈՒՐԵՐՈՎ

թյունը հոգի, մարմին ու կյանք զգեցավ ու ծիածանվեց Հայոց աշխարհի հորի-
զոնի վրա և մնաց դարեր ու դարեր շարունակ լուսավորող ու առաջնորդող ան-
մար փարոս սերնդից սերունդ, մինչև մեր օրերը:

Մենք՝ այսօրվաններս, զավակներն ենք ծիածանված այդ ոգեկանության,
որ մեր օրերին էլ մեր Եկեղեցու և ազգի գոյության իմաստն է, ապրելու
նպատակը և իրավունքը, ճակատագիրը ու ապագան:

Մեր գիտակցության մեջ հառնում են ահա լույս կերպարները սուրբ լուսա-
վորիչներ՝ Գրիգոր Հայրապետի, Մեծն Սահակի և Մեսրոպ եռամեծ վարդապե-
տի, որոնց անմոռաց հիշատակին ենք նվիրում նաև այս նորակառույց Տունը,
որդիական երախտագիտությամբ ու խոնարհությամբ, ու մի անգամ ևս ուխտ
ենք անում հավատարիմ մնալու նրանց ժառանգությանը, նրանց տեսիլքներին,
նրանց պատգամներին: Չի ազգերը կարծեն այնքան, ինչքան կարծեն նրանց
հոգևոր գանձերը, նրանց ազգային մշակույթը: Առանց ազգային ոգեկանու-
թյան և սեփական ինքնատիպ մշակույթի, չկան ազգություններ բառի ամբող-
ջական իմաստով: Եվ այս է գաղտնիքը մեր Եկեղեցու և ժողովրդի գոյատևման,
մանավանդ վերջին հազար տարիների ընթացքում, երբ նրանք, թեև տևապես
հրո ճարակ դարձան մեր երկիրը ներխուժող անհոգի ուժերի սմբակների տակ
և կորցրին գրեթե ամեն ինչ ու իրենց մարմինն իսկ նախատակեցին սնհավա-
սար հերոսական մարտերում, սակայն տոկալով բոլոր այդ դաժան պայմաննե-
րին, շարունակեցին վառ պահել ջահը ազգային ոգեկանության, շարունակեցին
պայքարը «վասն հաւատոց, վասն հայրենեաց», միշտ հավատարիմ Քրիստոսի
պատգամին՝ «պիոգին մի՛ շիջուցանէք»:

Հայ ժողովրդի պատմությունը, աշխարհի ժողովուրդների պատմության հո-
րիզոնի վրա, մի դյուցավերժություն է հանուն հոգեկանության և հանուն հայ-
րենյաց ապատության: Նույնիսկ 1915 թվականի ցեղասպանությունը չընկճեց
մեր ազգի կենարար հոգին ու ազատ ապրելու կամքը: Հայ ժողովուրդը գերեզ-
մաններից հարություն առավ «իր քաջ որդւոց սուրբ արինով», վերակերտեց իր
նոր կյանքը, իր նոր երկիրը Սարդարապատի հաղթանակով և հայ պետության
վերականգնումով, արդի մեր մայր հայրենիքով, ապահովության, հարատև վե-
րաշինության ու ազգային մշակույթի սքանչելի ծաղկումի հաղթական երթով,
հայրենիք, որ բոլոր հայերիս մխիթարությունն է, հպարտությունը ու պար-
ծանքը:

Անցնող վաթսուն և ավելի տարիների ընթացքում Մայր Աթոռ Ս. Էջմիա-
ծինը ևս իր ուժերը մեկտեղեց, իր վերքերը բուժեց և իր կարելին ի գործ դրեց
իր մասնակցությունը բերելու նորաստեղծ հայ պետության ամրապնդման ու
վերաշինության և ազատագրված իր զավակների հոգևոր զարթոնքի գործին:
Երախտապարտ սրտով պարտավոր ենք հիշատակել Մեզ նախորդող երեք
Հայրապետներին՝ Գևորգ Ե, Նորեն Ա և Գևորգ Զ երջանկահիշատակ կաթողի-
կոսներին, որոնք իրենց խաչը քաջաբար վերցրած, իրենց պարտքը կատարե-
ցին հայրենաշինության և ազգային վերածննդյան առաջին չորս տասնամյակ-
ներին:

Հարգանք, լո՛ւյս և օրհնությունն նրանց պայծառ հիշատակին:

Քսան և յոթը տարիներ առաջ, 1955-ի աշնանը, Աստված և մեր Մայր
Եկեղեցին կամեցան, որ Մենք շարունակենք Մեր նախորդների առաքելությու-
նը: Թե ի՞նչ հնարավոր դարձավ իրագործել Մեր գահակալության տարիներին,
այդ մասին չէ որ պիտի խոսենք այստեղ: Սակայն թույլ տվեք միայն ասել, թե
Մեր գահակալության ջրջանի բազում շինարարական իրագործումների շարքը
պսակվում է այսօր մի նոր իրագործումով, մի նոր կառույցով, որ բացառիկ նշա-

նակություն ունի թե՛ իր ճարտարապետական կատարելությամբ, թե՛ իր ներքին բարեկարգումով և թե՛ իր բովանդակությամբ ու նպատակադրումով:

«Ալեք և Մարի Մանուկյան գանձատան» կառույցով, մայր հայրենիքի հողի վրա բարձրացավ մի նոր հայկական հուշարձան ևս, ընծա Ս. Էջմիածնին, ընծա հայ ժողովրդին, ընծա գալիք սերունդներին:

Ցնծացեք և ուրախ եղեք, որ անցյալի վշտի դարերն հայոց, չկան այլևս ողբ ու որբեր, չկա այլևս սարսափը յաթաղանի:

Կա մի հայոց երկիր, խաղաղ ու անվտանգ, որ վերաջինվում է օրեցօր իր պավակների բազուկներով ու հանձարով, հայրենի բարեխնամ պետության հովանու ներքո:

Կա ու ապրում և աճում է մի հայրենաբնակ ժողովուրդ, հպարտ, ինքնավստահ ու լավատես: Կա ու ծաղկում է մի նոր ազգային մշակույթ, նոր երգերով, նոր լույսերով, նախնայաց ոգեկանությամբ շաղախված, նույնպես՝ «արժանի գրոց յիշատակի», ինչպես պիտի վկայեր մեր պատմահայր Խորենացին:

Հարգարժան տիար Մանուկյան և ավնիվ տիկին Մարի, Ձեր անունները կրող այս գանձատունը Մենք նկատում ենք Ձեր սրտի պարզև ոչ միայն Մայր Աթոռիս, այլև մեր վերածնված հայրենիքին, հավերժական մեր Մայր Հայաստանին: Հանուն Մայր Աթոռ Ս. Էջմիածնի, հանուն մեր հայրենաբնակ ժողովրդի շնորհակալություն Ձեզ, սրտագին շնորհակալություն Ձեզ:

Թող Տերը օրինի Ձեր կյանքն ու Ձեր ազգաջեն առաքելությունը և թող Ձեզ պարզև կենաց խաղաղ ու արևոտ ևս բազում տարիներ, որպեսզի շարունակեք ուրախացնել մեր Մայր Եկեղեցին ու ժողովուրդը, որոնց հարապատագույն պավակներն են հանդիսանում Ձեր պանծալի ազգանվեր իրագործումներով:

Այսօր Մեր պարտքը լրիվ կատարած չէինք լինի, եթե Մեր երախտագիտությունը չհայտնեինք նաև մեր հանրապետության պետական մարմիններին, որոնք բացառիկ հոգատարությամբ մեզ օժանդակեցին այս կառույցի շինարարական աշխատանքների ողջ ընթացքում, հատկապես շինանյութերի հայթայթման գործում:

Մեր խոսքի մեջ, քիչ վերև, այս շինությունը գնահատեցինք իբրև մի կառույց, որ «բացառիկ նշանակություն ունի, թե՛ իր ճարտարապետական կատարելությամբ, թե՛ իր ներքին բարեկարգումով և թե՛ իր բովանդակությամբ»: Մեր այս գնահատանքը ուղղվում է հատկապես այն անձնավորությանց, որոնք իրագործեցին Մեր առաջադրանքները. նախ շինության նախագծի հեղինակ շնորհալի ճարտարապետ Բաղդասար Արզումանյանին, կառուցողներ՝ Մայր Աթոռիս գլխավոր ճարտարապետ Արծրուն Գալիկյանին, ինժեներ Մկրտիչ Հովհաննիսյանին և ճարտարապետ Սեպուհ Թեքնեճյանին: Պարտք ենք համարում Մեր շնորհակալությունը հայտնելու նաև Մայր Աթոռիս ճարտարապետական հանձնաժողովին, որ ընդ նախագահությամբ ճարտարապետ պրոֆ. Վարապետ Հարությունյանի և անմիջական մասնակցությամբ ժողովրդական նկարիչ Գրիգոր Խանջյանի, տնապես հետևեց շինարարական աշխատանքների ընթացքին իր օգտաշատ խորհուրդներով և թելադրանքներով: Մեր գնահատանքի խոսքը նաև այս կառույցի վրա աշխատող տասնյակ հմուտ արհեստավոր վարպետներին և ժրջան բանվորներին, որոնք կարգապահությամբ ու սիրով աշխատեցին ճշմարիտ հայ մարդու սրտացավությամբ, և իր լրումին հասցրին գանձատան կառուցումը:


Այսպիսով, ահա իրականություն դարձավ Մեր երազներից մեկը ևս:


Այսպիսով, նոր մի ջահ ևս վառվեց Սուրբ Լուսավորչի Տան մեջ:

Այսպիսով, մի նոր լույս ևս սկսեց ճառագայթել Երևանի լույսերի կողքին:

Ողջույն «Ալեք և Մարի Մանուկյան» նորակառույց զանձատան: Թող բարին Աստված օրհնի այս Տունը և պահպանի նրան անսփոփ ու անսափան, միշտ լուսնաբառ, միշտ պայծառ, ի վայելումն ազգիս հայրոց:

«Ի Տեառնէ եղև այս և է սքանչելո՛ւ առաջի աչաց մերոց: Այսօր է պոռար Տէր, եկա՛յք ցնծասցո՛ւք և ուրախ եղիցո՛ւք ի սմա» (Սաղմ. 117—24):
Ամեն:





ՎԵՀԱՓԱՌԻ ՀԱՅՐԱՊԵՏԻ ԽՈՍՔԸ՝ ԱՐՏԱՍԱՆՎԱԾ
ԽՐԻՄՅԱՆ ՀԱՅՐԻԿԻ ԱՂԲՅՈՒՐ-ՀՈՒԾԱՐՁԱՆԻ
ԲԱՑՄԱՆ ԱՌԻԹՈՎ
(12 հոկտեմբերի 1982 թ.)

«Հա՛յ մարդ, հիշիր դու միշտ երկաթ ջերեփը Հայրիկի»:

Մեզ համար հոգեկան անհուն մխիթարություն է այս պահին ողջունել ու օրհնել լուսաբնակ Հայրապետ Սկրտիչ Խրիմյան Հայրիկի հիշատակին նվիրված աղբյուր-հուշարձանը, կառուցված Սուրբ Էջմիածնի հողամասի վրա, ոչ հեռու նրա շիրիմից, արդյամբ Մայր Աթոռին բարերար տիար Միհրան Բուխանյանի, հարապատ զավակ Վասպուրական աշխարհի:


Խրիմյան Հայրիկը, կաթողիկոս Ամենայն Հայոց, հոգևոր դաստիարակ հայրենի հողը մշակող խոնարհ ժողովրդի, մարգարեաշունչ «նվագող վշտից հայրենեաց», բանաստեղծ և վարպետ կենդանի խոսքի, մարտի հրավեր կարդացող ռահվիրա ի խնդիր հայոց ապատագրության, վաղուց ի վեր պաշտամունքի առարկա է դարձել համայն հայության:

Հայ ապատագրական շարժման արյունոտ ճանապարհի վրա, Խրիմյան Հայրիկը իր ուրույն տեղն ունի, մանավանդ «երկաթե ջերեփ»-ի խորհուրդով:

Ընդհանուր ազգաց պատմության մեջ տասնևիններորդ դարը նկատվել է բռնակալ պետությունների, հատկապես Օսմանյան կայսրության լծից բազում ազգությունների ապատագրման դար: Այդ ճանապարհի վրա պատմական է 1878 թվականը, երբ ռուս-թուրքական պատերազմից հետո, Բեռլինում վեհաժողով էր գումարվում, որոշելու համար բախտը Օսմանյան կայսրության լծի տակ հեծող մի քանի ազատատենչ ազգությունների:

Այդ օրերին հայերը ևս Բեռլին ուղարկեցին իրենց պատմիրակներին, որպեսզի վեհաժողովին ներկայացնեն հայոց արդար դատը: Պատմիրակությունը գլխավորում էր Սկրտիչ Խրիմյան արքեպիսկոպոսը:

Պատմիրակության մեկնումի պահին հարց տվեցին Խրիմյան Հայրիկին, թե ի՞նչ լեզվով պիտի խոսի Բեռլինում, քանի որ, բացի հայերենից, նա այլ լեզու չգիտեր: Խրիմյան Հայրիկը պատասխանեց. «Ես պիտի գնամ Բեռլին, պիտի ներկայանամ վեհաժողովին ու պիտի արտասվեմ»: Նա հավատում էր, թե իր արտասուքով պիտի շարժեր խիղճը աշխարհի մեծամեծներին:



ԽՐԻՄՅԱՆ ՀԱՅՐԻԿԻ ՀԻՇԱՏԱԿԻՆ ԿԱՌՈՒՑՎԱԾ ԱՂԲՅՈՒՐ-ՀՈՒՇԱՐՁԱՆԻ ՀԱՆԴԻՍԱՎՈՐ ԲԱՑՈՒՄԸ

Եվ Խրիմյան Հայրիկը գնաց Բեռլին ու արտասվեց, սակայն մեծամեծների խիղճը չշարժվեց: Վերադարձին, հայոց դարավոր վշտի նվագող Հայրիկը, իր առաքելության մասին պատմեց հետևյալը. «Ժողովուրդ հայոց, Բեռլին գնացինք, ներկայացանք վեհաժողովին ու տեսանք, որ ժողովի մեջտեղում դրված էր մի մեծ կաթսա՝ մեջը լիքը հարիսա: Բոլոր ազգերը իրենց ձեռքերում երկաթե շերեփներ բռնած՝ իրենց բաժին հարիսան էին վերցնում: Մենք հայերս էլ մեր շերեփը մտցրեցինք հարիսայի մեջ, սակայն այն պոկվեց մեր ձեռքից ու հավեց կաթսայի մեջ: Մեր շերեփը թղթից էր»:

Հայ ազգը այդ օրվանից մանավանդ, հասկացավ երկաթե շերեփի պատմության իմաստը: Հետագա պատմական դեպքերը, հայերի հերոսական մարտնչություններն ու խարխափումները այլ բան չէին, եթե ոչ որոնումը մի երկաթյա փրկարար շերեփի, որ մի հուժկու հարվածով կարողանար փոխել սև ճակատագիրը հայ ազգի:

Եվ բավում հուսախաբություններից ու ողբերգություններից հետո, պատմական հեղաշրջումների գրեթե անսպասելի դասավորումով, վերջապես հնչեց փրկության ժամը հայոց, երբ մեր ժողովուրդը ձեռք բերեց երկաթյա իր շերեփը, իր քաջ որդիների սուրբ արյունով, Սարգսրապատի ճակատամարտում և նորաստեղծ հայկական պետության վերջնական ամրապնդումով 1920 թվի աշնանը:

Այո՛, պատմական իրողություն է, որ Սարգսրապատի հաղթանակը և 1920-ին ռուսաց կորքի հարվածը մեր դարավոր թշնամուն, հանդիսացավ մեր ժողովրդի այն երկաթյա շերեփը, որով նա ձեռք բերեց իր պետական անվտանգությունը և իր կյանքի ծաղկումը, որով թռիչք առավ մշակույթ ստեղծող իր ազգային հանճարը:

Ահա խորհուրդը երկաթյա շերեփի մեր օրերում: Ահա իմաստը այս հուշարձանի, մանավանդ այս տարի, երբ տոնախմբվում է վաթսունամյակը Խորհրդային Միության ազգային հանրապետությունների համադաշնակցության կազմավորման, որի լիիրավ անդամն է նաև Հայաստանի Հանրապետությունը:

Խրիմյան Հայրիկը այսօր մեզ պատգամում է՝ հայե՛ր, պի՛նդ բռնեցե՛ք ձեր ձեռքի երկաթյա շերեփը, հաստա՛տ մնացե՛ք այն վեմի վրա, ուր կանգնած եք այսօր, վա՛յ այն ազգին, որ իր հույսը դնում է հեռավոր մեծամեծների խղճի վրա:


Մենք վստահ ենք, թե այսպես պիտի խոսեր ինքը՝ Խրիմյան Հայրիկ, եթե այսօր մեր մեջ գտնվեր: Բայց նա մեր մեջ է այսօր և մեր մեջ պիտի մնա միշտ և ցույց պիտի տա նաև հետագա սերունդներին ճանապարհը երկաթե շերեփի, որով միայն մեր ժողովուրդը պիտի կարողանա պաշտպանել ու պահպանել իր հայրենի արդի պետությունը և այդ վեմի վրա հաստատ ու ամուր կանգնած, պիտի կարողանա իրականացնել բոլոր իր արդար երապանքները:

Նա պատգամում է նաև՝ «Ես կթողում ձեզ մեր հայրենի ժառանգությունս, դաշտեր ու հողեր...»:

Թե մեռնիմ, երթամ գերեզման, և այլևա չկարեմ խոսիլ ձեզ հետ կենդանի բարբառով ու գրով, ահա կթողում ձեզ գիրս իբրև մշտախոս կտակ ու հիշատակ, որուն միակ նպատակն է, որ հայն իր հայրենատուր հողեն չբաժնվի:

Այսպես, Թոռնիկ, հողն պետք է կենաց և մահու օր, սորա համար Պապիկն զքեզ հողին հետ կապեց ու պսակեց, որ պինդ գրկես փողոն, չթողուս որ ուրիշներ ձեռքեդ հափշտակեն, դու անհող մնաս»:

«Յիջեցէք վառաշնորդս ձեր որ խօսեցան ձեզ զբանն Աստուծոյ. հայեցեալք յելս գնացից նոցա, նմանողք եղերուք հաւատոցն» (Եբր. ԺԳ 7): Ամեն:



ԸՆԴՈՒՆԵԼՈՒԹՅՈՒՆ ՀԱՅԿԱԿԱՆ ՍՍՀ ՄԻՆԻՍՏՐՆԵՐԻ ԽՈՐՀՐԴՈՒՄ

Հոկտեմբերի 4-ին, ժամը 11-ին, Հայկական ՍՍՀ Մինիստրների խորհրդի նախագահ Ֆ. Տ. Սարգսյանը ընդունում է Ամենայն Հայոց կաթողիկոս Վալդեն Ա-ին և Մայր Աթոռի հյուրերին՝ Հայկական Բարեգործական Ընդհանուր Միության նախագահ Ալեք Մանուկյանին, Բարեգործական Միության ԱՄՆ-ը, Կանադայի, Լատինական Ամերիկայի բաժանմունքների ղեկավարներին, ԱՄՆ-ի հայոց արևելյան թեմի առաջնորդ Տ. Թորգոմ արքեպ. Մանուկյանին, Արևմտյան Եվրոպայի հայրապետական պատվիրակ և Ֆրանսիայի հայոց թեմի առաջնորդ Տ. Սերովքե արքեպ. Մանուկյանին և հոգևորական ու աշխարհական այլ անձանց:

Մեծարգո նախագահ Ֆ. Սարգսյանը ողջունում է բարձրաստիճան հյուրերին և, բարձր գնահատելով Վեհափառ Հայրապետի հայրենասիրական ու խաղաղասիրական գործունեությունը, քաջառողջություն և նոր հաջողություններ է մաղթում Նորին Սրբությանը՝ Նրա ավելի առաքելության ճանապարհին: Մեծարգո նախագահը գնահատանքի ջերմ խոսք է ուղղում նաև տիար Ալեք Մանուկյանին՝ սփյուռքահայության ծոցում նրա ծավալած հայրենասիրական և կրթական ու հայապահպանման գործունեության համար:

Վեհափառ Հայրապետը և պրն. Ալեք Մանուկյանը իրենց պատասխան խոսքերով շնորհակալություն են հայտնում ջերմ ընդունելության համար և սրտագին բարեմաղթություններ անում մայր հայրենիքի հետագա է՛լ ավելի ծաղկման համար:

Բարեկամական մթնոլորտում տեղի ունեցած սույն ընդունելությանը ներկա էին Հայկական ՍՍՀ Մինիստրների խորհրդի գործերի կառավարիչ Վ. Հ. Վարդանյանը և Հայկական ՍՍՀ Մինիստրների խորհրդին առընթեր Հայ Եկեղեցու գործերի խորհրդի նախագահ Ռուբեն Պարսամյանը:

ՊԱՇՏՈՆԱԿԱՆ ՃԱՇԿԵՐՈՒՅԹ

Հայկական ՍՍՀ Մինիստրների խորհրդին առընթեր Հայ Եկեղեցու գործերի խորհուրդը «Հրապղան» հյուրանոցում ճաշկերույթ է տալիս ի պատիվ Ամենայն Հայոց կաթողիկոս Վալդեն Առաջինի գահակալության 27-րդ տարե-

դարձի և այդ առթիվ Հայաստան ժամանած Հայկական Բարեգործական Ընդհանուր Միության նախագահ տիար Ալեք Մանուկյանի ու նրան ընկերակցող անձանց:

Ճաշկերության ընթացքում Հայկական ՍՍՀ Մինիստրների խորհրդին առընթեր Հայ Եկեղեցու գործերի խորհրդի նախագահ Ռուբեն Պարսամյանը ջերմորեն շնորհավորում է Վեհափառ Հայրապետին՝ Նրա գահակալության 27-րդ տարեդարձի առթիվ, ապա բարիգալստյան խոսք է ուղղում Հայկական Բարեգործական Ընդհանուր Միության նախագահ Ալեք Մանուկյանին, նրա տիկնոջը և մյուս հյուրերին:

Պարոն Ռուբեն Պարսամյանի խոսքից հետո ելույթ է ունենում Հայոց Հայրապետը: Նա մասնավորապես, նշում է, որ այս անգամ Իր գահակալության տարեդարձը հատուկ նշանակություն է ստանում «Ալեք և Մարի» գանձատան և Լորիյան Հայրիկի արյուր-հուշարձանի բացմամբ:

Նորին Սրբությունը ջերմ հուզումով վեր է հանում տիար Ալեք Մանուկյանի բացառիկ անձնավորությունը իբրև հարապատ ու հավատավոր զավակը Հայ Եկեղեցու, իբրև վաստակաշատ նախագահը Հ. Բ. Ը. Միության, իբրև հայ հայրենիքի գերագույն շահերի պաշտպան հասարակական գործիչ և իբրև ազնիվ ու առաքինի, իր շուրջ միայն լույս և բարիք բաշխող մարդ:

Ի պատասխան իրեն ուղղված գնահատանքի այս ջերմ խոսքերի Բարեգործական Միության նախագահ Ալեք Մանուկյանը հանդես է գալիս հետևյալ ճառով.

«Միրելի բարեկամներ, չափազանց խոնարհ կզգանք մենք զմեզ հարգանքի այն արտահայտությանց դիմաց, որոնք ուղղվեցան մեզի, հայրենիք հասնելու առաջին վայրկյանն սկսյալ, հայրենաբնակ ժողովուրդեն, թե՛ պետական անձնավորությանց և թե՛ Վեհափառ Հայրապետին: Կողմե:

Վստահաբար, բոլոր ազնիվ խոսքերը և գնահատանքի ջերմ արտահայտությունները մեր միջոցավ կերթան Սփյուռքի մեր հարուստ զանգվածներուն, որոնց սիրտը կբաբախն հայրենիքի ջերմ սիրով: Գիտենք, թե սփյուռքահայությունը կարևոր տեղ մը ունի ձեր մտածումներուն մեջ, խոսուն վկայություններով դուք հաստատած եք մանավանդ, թե սփյուռքահայությունը լրացուցիչ մեկ մասը կնկատենք մեր հայրենաբնակ ժողովուրդին: Ամեն սփյուռքահայ հոգևոր քաղաքացի է իր հայրենիքին, անբաժանելի մեկ մասնիկը անոր: Տասնամյակ մը առաջ էր, երբ եկանք հայրենիք՝ համբուրելու համար մեր նախահայրերուն սրբապան հողը: Երջանիկ էինք մեր ժողովուրդը իր ապահով օրրանին մեջ տեսնելով: Սակայն այսօր երջանիկ և մասնավորաբար հպարտ կըզգանք, որ մենք զավակն ենք ավելի շքեղացած, ավելի պորացած և ծաղկած հայրենիքի մը:

Ամեն սփյուռքահայ ուրախության սրցունքներով կգիմավորեն իր հայրենիքի հպոր վերելքը, և մենք բացառություն չենք կրնար կազմել, մանավանդ, երբ մեր դիմաց կգտնենք ձեզ՝ ճշմարիտ հեղինակները այդ մեծագործության:

Եթե իրավ է, որ մեր նախահայրերու հոգիները կսավառնին մեր գլխուն վերև, ապա ուրեմն անոնք բարի և ազնիվ նախանձով վերեն պիտի նային մեր սերունդին, որովհետև դարերու անհնարին զրկանքներն ետք մեր սերունդն է, որ բախտավորություն ունեցավ հայրենիքը տեսնելու:

Քանի՜ սերունդներ հայրենիքի կարոտով մեկնեցան այս աշխարհեն, ու քանի՜ սերունդներ հայրենիքի երապին համար պայքարեցան ու նահատակվեցան:

Եվ այսօր մեր սերունդն է, որ կտեսնե հայրենիքի վերականգնումն ու վրկայելն իրականացումը մեր հայրերուն դարավոր երազին...

Այսօր հայը տեղը դարձած է իր հայրենիքին՝ իր պատմական հողերու մեկ բեկորին վրա: Եվ թե ան ունի պետական կյանք՝ իր պաշտոնական լեզվով, ծաղկող մշակույթով ու գլուխնույթամբ:

Մեր հայրերը և անոնց հայրերը երազեցին այսպիսի խաղաղ օջախ մը ունենալ՝ պահպանելու և ծաղկեցնելու մեր ազգային մշակույթը, բայց դժբախտաբար արյունն ու աքսորը եղան իրենց բաժինը: Վեց դարեր ամբողջ հայ ժողովուրդը գրկված մնաց պետական կյանքէ: Ու երբ երկու տարի անտեր Հայաստանը ունեցանք, ան ոտքի կոխան դարձավ իր դարավոր թշնամիներուն՝ շեշտելով այն իրողությունը, թե մեր փոքրիկ երկրի վերապրումը կարելի է ապահովել միայն հզոր պետության մը պաշտպանությամբ:

Բազմաշարժար հայության այս վերջին կռվանը ունեցավ իր ճակատագրական պահերը, մանավանդ, երբ ստորագրվեցավ Ալեքսանդրապոլի դաշնագիրը: Սակայն բախտի անիվը, որ միջոտ աղետին ուղղությամբ դարձած էր, անգամի մը համար դարձավ ի նպաստ մեր ժողովուրդի, ու մեր փոքրիկ երկիրը փրկվեցավ վերջնական կործանումէն:

Ահա 62 տարիներէ ի վեր ապահով վերելք մը կապրի մեր հայրենիքը: Երկրորդ աշխարհամարտը ցնցեց երկիրը, սակայն չկրցավ վայն կործանել: Ասիկա ինքնին նշանակալից երևույթ մըն է. անցյալին՝ նման ցնցումներ կը կործանեին մեր երկիրը և ավերակի վրա ավերակ կոչուէին:

Արտասահմանը չկրցավ գործնապէս մասնակցիլ հայրենաշինության գործին՝ բացի առաջին տարիներու իր օժանդակութենէն: Հայրենի ժողովուրդն է, որ իր բազուկներով ու եղունգներով կերտեց այս երկիրը և հասուց այսօրվաս բարգավաճ ու շենջող վիճակին:

Այս բարգավաճման մեջ իր հիմնական ու նշանակալից դերը ունի նաև ֆիզիկական ու քաղաքական այն ապահովությունը, զոր Հայաստան վայելեց վերջին վաթսուամյակին, շնորհիվ ռուս ժողովուրդի պաշտպանության և օգնության:

Մենք արտասահմանի մեջ քաղաքական ու գաղափարական տարբեր դրության մը ներքև կապրինք, սակայն չենք կրնար քաղաքական ժամանակավոր չափանիշներով դատել Հայաստանի գոյության իմաստը: Մեզի համար ամենն թանկագինը ու նվիրականը մայր հայրենիքի կենդանի գոյությունն է, և այդ երևույթը մենք կտեսնենք իր պատմական ընթացքին մեջ: Հակառակ գաղափարական ամեն կարգի վերապահությանց՝ արդի ժամանակներու պատմությունը ցույց տվավ, թե ներկա դրությունը ամենեն ապահով գոյավիճակը երաշխավորած է մեր երկրին ու մեր ժողովուրդին համար: Նոյնիսկ մեր անկախ թագավորության շրջաններուն, երբ հայությունը բարօր ու մշակութային աճումով կյանք մը կարողացավ ստեղծել, ներխուժումներու սարսափը անպակաս էր մեր սահմաններուն վրա:

Եթե մեր բազում նահատակություններն ու տառապանքները բան մը սողվեցուցին մեզի՝ առիկա քաղաքական իրապաշտությունն է: Բարեբախտաբար, մեր փոքրիկ երկիրը 60 տարիներէ ի վեր կվայելէ պաշտպանությունն ու օժանդակությունը ռուս ազնիվ ժողովուրդին: Եվ ան, որ կսիրէ Հայաստանը և կգորգորա անոր գոյության վրա, չի կրնար չհարգել վայն պաշտպանող ձեռքը:

Երբ կնայինք այսօր աշխարհի քարտեզին, կճմվի մեր սիրտը, որովհետև խռովությունը ամեն տեղ է. սահմաններ կջնջվին, հողամասեր կգրավվին, վանգվածներ կբնաջնջվին, և արյունը կհոսի առատորեն: Այս վրդովիչ պատ-

կերի դիմաց՝ ապահով կմնան, սակայն, Հայաստանի նահանսները. ու կյանքը կշարունակվի իր խաղաղ ու ստեղծագործ ընթացքով:

Ահա այս է ոգեշնչող պատկերը մեր հայրենիքին, և արդեն այս է կարևորը. դրոշակի գույնին ու վարչաձևին մասին հարուցված վեճերը արտասահմանին մեջ աննշան կդառնան, երբ կանգուն է հայոց հայրենիքը:

Անմախքնաբար երևույթ է, որ վերջին վաթսուամյակի աշխարհացունց բախումներուն մեջ թիվ մը հող անգամ չպակսեցավ մեր երկրեն: Նորօրյա հրաշք կարելի է համարել այս իրողությունը:

«Տարբեր ես դուն մեր երազեն»,—ըսած է Սփյուռքը խորհրդանշող ամենն սիրելի բանաստեղծը՝ Վահան Թեքեյանը, և ապա անմիջապես ավելցուցած է. «ավելի լավ...»:

Այս օրվան ամուր և անխորտակելի Հայաստանը խարխիսն է մեր ապագա մեծ երազներուն: Անոր իրականությամբ է, որ կրնանք իրագործել մեր ապագայի երազները:

Դուք, սիրելի հայրենակիցներ, կկերտեք ոչ միայն ձեզի համար, այլ նաև մեզի համար, սփյուռքահայերուս համար: Արդեն հայրենիքի բարերար ձեռքը կհասնի ամեն տեղ, հայրենիքի շունչը կերաշխավորե սփյուռքի գոյատևումը: Ան կհասնի մեզի իր արվեստագետներով, իր դասագրքերով, իր երգերով ու պարերով:

Սփյուռք-հայրենիք մշակութային ու հոգեկան կապերու պահպանության գործին մեջ անփոխարինելի եղած է դերը Սփյուռքահայ կոմիտեին. ան հայրենիքը մոտեցուցած է Սփյուռքին և Սփյուռքը՝ հայրենիքին: Եվ այդ փոխադարձ ճանաչողությունն ու սերն են, որ պահպանած են հայ ժողովուրդի միասնականության ու մեկության գաղափարը:

Կույնք այսօր մեր սրտագին շնորհակալությունները հայտնել Սփյուռքահայ կոմիտեին և անոր միջոցով՝ նաև հայրենի պետությանը: Առանց հայրենի իրականության և օժանդակության, կարճ պիտի ըլլա Սփյուռքի պատմությունը, և աննպատակ՝ անոր գոյապայքարը: Մենք կպահենք Սփյուռքը այսօրվա ու վաղվա Հայաստանին համար:

Մենք հպարտությամբ և պոռացող հավատքով հետևեցանք նաև Ս. Էջմիածնի դարավոր Աթոռի ծաղկումին: Եվ այսօր կշնորհավորենք Ամենայն Հայոց կաթողիկոս Վազգեն Առաջինին հայրապետության 27-րդ տարեդարձը և կմաղթենք Իրեն երկար ու երջանիկ տարիներ:


Երբ Վազգեն կաթողիկոս արտասահման կուգա, ամբողջ Հայաստանն է, որ կբերե Ան Սփյուռքի տարահալած ժողովուրդին:

Ձեր վաթսուն տարիներու հաջողությունները, հաղթանակները, մշակութային և ազգային կոթողային իրագործումները մեզ կբերեն այն անխախտ համոզումին, թե վերջնականապես հարություն առած է հայոց դարավոր երկիրը և թե հավերժ է Հայաստանի կյանքը:

Մեր այս այցելությունը հոգեկան հարուստ և անփոխարինելի ապրումներով համակեց մեր հոգիները: Հայրենի պետությունը, մշակույթի գործիչները, Վեհափառ Հայրապետն ու մեր հարապատ ժողովուրդը ամեն ինչ կընեն, որ պեսպի անմոռանալի ուխտագնացության մը վերածվի մեր այս ճանապարհորդությունը դեպի մայր երկիր: Ձգացված ու երախտապարտ ենք բոլորս:

Մեր կողմն, ինչպես նաև մեզի ընկերակցող բոլոր հյուրերուն կողմն կուզեմ իմ խորին շնորհակալությունները հայտնել բոլորին ու կոչել ամբողջ սրտով.

Թող անսասան մնա մեր սուրբ հայրենիքը, և հավերժ ապրի մեր ժողովուրդը»:



**ՀԱՆԴԻՍՈՒԹՅՈՒՆՆԵՐ ՄԱՅՐ ԱԹՈՌՈՒՄ՝ ՆՎԻՐՎԱԾ
«ԱԼԵՔ ԵՎ ՄԱՐԻ ՄԱՆՈՒԿՅԱՆ ԳԱՆՁԱՏԱՆ»
ՆՈՐԱԿԱՌՈՒՅՑ ԾԵՆՔԻ ԵՎ ԽՐԻՄՅԱՆ ՀԱՅՐԻԿԻ
ՀԻՇԱՏԱԿԸ ՀԱՎԵՐԺԱՑՆՈՂ
ԱՂԲՅՈՒՐ-ՀՈՒՇԱՐՁԱՆԻ ԲԱՑՄԱՆԸ**

Ամենայն Հայոց Հայրապետի գահակալության 27-րդ տարեդարձի տոնակատարության արարողությանը պուգադիպեցին երկու անմոռաց հանդիսություններ: Բացվեցին Վեհարանի մոտ կառուցված «Ալեք և Մարի Մանուկյան գանձատունը» և Մայրավանքի շրջափակի հյուսիսային կողմում, Եղեռնի զոհերին նվիրված խաչքար-հուշարձանի կողքին՝ Մկրտիչ Խրիմյան Հայրիկ կաթողիկոսի հիշատակը հավերժացնող աղբյուր-հուշարձանը:

Վեհափառ Հայրապետի հրավերով Մայր Աթոռ էին ժամանել Արևմտյան Եվրոպայի հայրապետական պատվիրակ և Ֆրանսիայի հայոց թեմի առաջնորդ Ս. Սերովքե արքեպ. Մանուկյանը, Ամերիկայի Միացյալ Նահանգաց արևելյան թեմի առաջնորդ Ս. Թորգոմ արքեպ. Մանուկյանը, Ամերիկայի Միացյալ Նահանգաց արևմտյան թեմի առաջնորդ Ս. Վաչե արքեպ. Հովսեփյանը, Ռումինիայի և Բուլղարիայի հայոց թեմերի առաջնորդ Ս. Տիրայր արքեպ. Մարտիկյանը, Դամասկոսի հայոց թեմի առաջնորդ և Հունաստանի հայոց թեմի հայրապետական պատվիրակ Ս. Ոսկան եպս. Գալփաքյանը, ինչպես նաև Իրաքի հայոց թեմի առաջնորդ Ս. Ավագ եպս. Ասափուրյանը:

Նույն ուրախ առիթով, Վեհափառ Հայրապետի հրավերով, որպես պատվավոր հյուրեր Մայր Աթոռ էին ժամանել Գանձատան բարերար, Հայկական Բարեգործական Ընդհանուր Միության ցկյանս նախագահ տիար Ալեք Մանուկյանը՝ իր հարգելի տիկնոջ՝ Մարի Մանուկյանի, դստեր՝ տիկին Լուիլ Սիմոնի և թոռան՝ օրիորդ Քրիստին Սիմոնի հետ, Մայր Աթոռի բարերարներ՝ տեր և տիկին Էդվարդ Մարտիկյանը (ԱՄՆ), տիար ձորձ Բյուրքճյանը, տիկին Աստղիկ Բյուրքճյանը (Լոնդոն), տեր և տիկին Մելանգթոն Արսլանյանը (Բելգիա), տեր և տիկին Հրայր Հովնանյանը, տեր և տիկին Միհրան Բուխանյանը (ԱՄՆ), տիկին Էլիզ Զրբաշյանը (Մարսել), տիար Ժիրայր Մանասյանը (Փարիզ), տիար Ժան Թյությունջյանը (Ֆրանսիա) տիար Մկրտիչ Շելեֆյանը (Ժնև), Շավարշ Սևոնքյանը (Լոզան), տիար Արշավիր Կյորիկյանը (Ֆրանսիա), ինչպես



ՎԵՀԱՓԱՌԻ ՀԱՅՐԱՊԵՏԸ ԿՏՐՈՒՄ Է «ԱՆԵՔ ԵՎ ՄԱՐԻ ՄԱՆՈՒԿՅԱՆ ԳԱՆՁԱՏԱՆ» ՄՈՒՏՔԻ ԺԱՊԱՎԵՆԸ

նան հայագետ պրոֆ. Ժան Պիեռ Մահեն՝ իր տիկնոջ հետ, սփյուռքահայ ազգային հասարակական գործիչներ պրոֆ. Բարունակ Թովմասյանը, տիար Հրաչ Սեդրակյանը, տիար Հայկաջեն Ուլունյանը՝ իրենց տիկինների հետ, տիար Գևորգ Այվապյանը և ուրիշներ:

Հյուրերի հետ Մայր Աթոռ էին ժամանել ԱՄՆ-ի, Կանադայի, Լատինական Ամերիկայի և հայկական այլ գաղթօջախների մի շարք կապակերպությունների ղեկավարներ, հասարակական գործիչներ և պաշտոնական այլ անձինք:

ԺԱՄԱՆՈՒՄ ՍՈՒՐԲ ԷԶՄԻԱԾԻՆ

Հոկտեմբերի 2-ին, շաբաթ օրը, հարգարժան հյուրերին ընդունում է Վեհափառ Հայրապետը և տալիս իր օրհնություններն ու բարի մաղթանքները:

Այս հարգելի հյուրերը այցելում են Մայր տաճար, Հին ու Նոր Վեհարանների թանգարանները և դիտում այնտեղ ցուցադրված հայ եկեղեցական արվեստի թանկարժեք նմուշները և այլ արժեքավոր իրեր:

Հոկտեմբերի 3-ին, կիրակի օրը, մեծարգո հյուրերը Մայր տաճարում ներկա են լինում սուրբ պատարագի արարողությանը, որից հետո նրանք Մայր Աթոռի միաբանության հետ Մայրավանքի սեղանատանը մասնակցում են սիրո ճաշի:

ԱՅՅԵԼՈՒԹՅՈՒՆ ԾԻԾԵՌՆԱԿԱԲԵՐԴ

Հոկտեմբերի 4-ին, երկուշաբթի օրը, առավոտյան ժամը 10-ին, Վեհափառ Հայրապետի գլխավորությամբ հյուրերը ծաղկեպսակով և ծաղիկներով այցելում են Հայ Նահատակների հուշարձան-կոթող:

Հավերժական կրակի շուրջ բոլորված, լուռ և ինքնամիտ, նրանք խորին հուզմունքով ունկնդրում են կոմիտասյան մեղեդիները, որոնք կաթիլ առ կաթիլ լցնում են բոլորի հոգին:

Տեղի է ունենում հոգեհանգստյան արարողություն:



ԱՅՅԵԼՈՒԹՅՈՒՆ ՍՓՅՈՒՌՔԱՀԱՅՈՒԹՅԱՆ ՀԵՏ ՄՇԱԿՈՒԹԱՅԻՆ ԿԱՊԻ ԿՈՄԻՏԵ

Հոկտեմբերի 5, չորեքշաբթի: Այսօր Սփյուռքահայության հետ մշակութային կապի կոմիտեի դահլիճում հավաքվել են մայրաքաղաքի հասարակայնության ներկայացուցիչներ, մամուլի, ռադիոյի, հեռուստատեսության աշխատողներ, կոմիտեի անդամներ, որոնք եկել են՝ հանդիպում ունենալու Հայկական Բարեգործական Ընդհանուր Միության նախագահ Ալեք Մանուկյանի և նրան ընկերակցող անձանց հետ:

Բացման խոսքով հանդես է գալիս Սփյուռքահայության հետ մշակութային կապի կոմիտեի նախագահ Վարդգես Համապասայանը:

Այնուհետև Վարդգես Համապասայանը իր խոսքի մեջ վեր է հանում Հ. Բ. Ը. Միության նախագահ Ալեք Մանուկյանի անձնավորությունը, որին թե՛ մայր հայրենիքում և թե՛ Սփյուռքում ճանաչում և հարգում են բոլորը՝ իր անձնվեր գործունեության և հայրենասիրության համար:

Այս կոմիտեի նախագահը Ալեք Մանուկյանին հանձնում է Սփյուռքահայության հետ մշակութային կապի կոմիտեի ուղերձը Բարեգործականի 75-ամյակի առթիվ:



Հանդիպման ընթացքում ողջույնի խոսքով հանդես են գալիս բանաստեղծուհի Սիլվա Կապուտիկյանը, Ս. Մեսրոպ Մաշտոցի անվան Մատենադարանի փոխտնօրեն Բաբկեն Չուգասյանը և Հայաստանի հեռուստատեսության և ռադիոհաղորդումների պետական կոմիտեի նախագահի տեղակալ Գևորգ Խընտայանը:

Այնուհետև ելույթ է ունենում Ալեք Մանուկյանը:

«Այս հավաքույթն ինձի համար անակնկալ մըն էր,—ասում է նա,—այսքան բազմություն և այսպիսի մեծ ծավալով ցերեկույթ մը չէի սպասեր: Ուրախ եմ Հայաստան գտնվելուս համար: Եվ պիտի ջանամ ավելի երկար ապրիլ, որպեսզի վերստին գամ Հայաստան: Շնորհակալ եմ Բարեգործականի և իմ անձիս մասին ըսված բարի խոսքերուն համար:

Բարեգործականը Սփյուռքի ամենամեծ մարդասիրական և կրթական կազմակերպությունն է: Կան նաև բազմաթիվ ուրիշ կազմակերպություններ, որոնք նույնպես կաշխատին ազգապահպանումի համար: Եթե հնարավոր ըլլա հաջորդ քանի մը տարիներուն այս բոլոր կազմակերպություններու ներկայացուցիչներու մասնակցությամբ հավաք մը կազմակերպել՝ որդեգրելով Սփյուռքի հայապահպանության որոշակի ծրագիր մը, այնպես որ բոլոր միությունները լրացեն միմյանց գործը, յուրաքանչյուրն իր կարողության չափով, մեր կարծիքով Սփյուռքի գոյատևման, հայապահպանության ի խնդիր ճիգերն ու միջոցները ավելի կարգյունավորվին այս ձևով: Որովհետև ազգապահպանման գործը Սփյուռքի մեջ հետզհետե ավելի կդժվարանա: Հին սերունդը կա՛մ արդեն մեկնած է այս աշխարհեն, կա՛մ ալ հեռանալու վրա է: Այս սերունդը հոգեկան ուրիշ կերտվածք ուներ, ամուր կապված էր իր հայրենի հողին, ավանդություններուն, լեզվին: Եղեմն տեսած, ցավ ու տառապանք տեսած սերունդ էր: Դժբախտաբար նոր սերունդը հայրենի հողեն հեռու մեծցավ և հին սերունդին պես չզգար պայն: Բայց մենք կարելին կընենք նոր սերունդը մեզի հետ պահելու, մանավանդ պայն ներկա և ապագա Հայաստանի համար պահելու ի խնդիր: Շատ կարևոր է մայր հայրենիքի գործակցությունը այս գործին մեջ: Շատ կարևոր է սփյուռքահայ երիտասարդներու այցելությունը մայր հայրենիք: Ականատես եղած ենք դեպքերու, երբ հայ միջավայրն հեռացած երիտասարդը հայրենիք այցելութենեն ետքը հրաշալի հոգեփոխություն մը կրած է, հայացած, խանդավառված իր հայությամբ և ընդգրկված հայկական հասարակական կյանքի մեջ: Դպրոցները հայապահպանության գլխավոր կռիվներն են: Ամերիկայի մեջ տարվետարի հայկական ամենօրյա դպրոցներու թիվը կավելնա: Միայն այս տարի երեք նոր դպրոց բացվեցավ: Նյութական մեծ դժվարություններով կպահվին այս դպրոցները: Ունինք նաև որակյալ ուսուցիչներու և տնօրեններու պակաս:

Սփյուռքահայության հետ մշակութային կապի կոմիտեն շատ կարևոր գործ կտեսնեն Սփյուռքի հայապահպանության գործին մեջ: Մաղթենք, որ այդ դեռը ավելի ու ավելի մեծնա, մեր գործակցությունը ավելի ընդլայնվի, որպեսզի կատարենք մեր պարտքը մեր ժողովուրդի տարագիր հատվածին հանդեպ և ապագա սերունդներուն առջև պարտական և անոթով չմանաք»:

Ցերեկույթն ավարտվում է ճոխ համերգով, որին մասնակցում են հայրենի արվեստագետները:

ԱՅՑԵԼՈՒԹՅՈՒՆ ՀԱՅԱՍՏԱՆԻ ՊԵՏԱԿԱՆ ՊԱՏԿԵՐԱՍՐԱՀ ԵՎ Ս. ԳԵՂԱՐՂԻ ՎԱՆՔ

Հոկտեմբերի 6-ին, չորեքշաբթի: Այսօր Մայր Աթոռի հյուրերը այցելում են Հայաստանի պետական պատկերասրահ, որտեղ հետաքրքրությամբ ծանոթանում են հայ և օտար դասական ու ժամանակակից անվանի գեղանկարիչների ստեղծագործություններին:

Կեսօրին հյուրերը մեկնում են Գառնի՝ այցելելու հեթանոսական տաճար, ապա ուղևորվում են դեպի Ս. Գեղարդի վանք:

Վանքի վանահայր Տ. Եղիշե ավագ քահանա Սարգսյանը, ի գլուխ քահանայից դասի, դիմավորում է այցելուներին և առաջնորդում եկեղեցի: Տեր հայրը ծանոթացնում է Ս. Գեղարդի վանքի պատմությանը՝ վերջում նշելով, որ վերջին տարիներին վերանորոգվել են Ս. Գեղարդի տաճարները, սալահատակվել ու բարեկարգվել է բակը՝ վանքի բարերար Էդվարդ Մարտիկյանի նվիրատվությամբ:

Երեկոյան հյուրերը Երևանում դիտում են «Անուշ» օպերան:

ԱՅՑ ՍԱՐԴԱՐԱՊԱՏ

Հոկտեմբերի 7-ին, հինգշաբթի: Այսօր, առավոտյան ժամը 11-ին, սփյուռքահայ ուխտավորների խումբը այցելում է Սարդարապատի հուշահամալիր:

Մայր Աթոռի հարգարժան հյուրերը հիացմունքով են դիտում Սարդարապատի հոյակերտ կոթողն ու ոգեշնչվում հայրենիքի ապատության և անկախության համար զոհված և այժմ այստեղ քարե արժիվներ դարձած հայ պիևորների փառապանծ ու խրոխտ կեցվածքով:

Ապա հյուրերը երկար քայլում են Սարդարապատի թանգարանի գեղեցիկ և խորհրդավոր սրահներով՝ մանրամասնորեն ծանոթանալով թանգարանի նուրբ ցանկերին:

ԱՅՑԵԼՈՒԹՅՈՒՆ ԵՐԵՎԱՆԻ Ս. ՍԱՐԳԻՍ ԵԿԵՂԵՑԻ

Հոկտեմբերի 8-ին, ուրբաթ օրը, առավոտյան ժամը 11-ին, Ս. Սարգիս եկեղեցու գլխավոր մուտքի մոտ Արարատյան հայրապետական թեմի առաջնորդական փոխանորդ Տ. Արսեն եպս. Բերբերյանը, քահանայից դասի, թեմական և եկեղեցական խորհրդի անդամների հետ, դիմավորում է տիար Ալեք Մանուկյանին, Ս. Սարգիս եկեղեցու վերաջինության բարերար տիար Ճ. Քյուրքճյանին և նրանց ուղեկցող անձանց:

Սրբական հայրը հյուրերին ծանոթացնում է թեմական և եկեղեցական խորհուրդների անդամների հետ, ապա որոշ տեղեկություններ հաղորդում վերանորոգված Ս. Սարգիս առաջնորդանիստ եկեղեցու մասին:

Ավելի ուշ հյուրերն ուղևորվում են «Հայկաջեն» հայրապետական ամառանոց, որտեղ ի պատիվ նրանց տրվում է ճաշկերույթ:

Երեկոյան Երևանի Սպենդիարյանի անվան օպերայի և բալետի պետական ակադեմիական թատրոնում նրանք դիտում են Արամ Խաչատրյանի «Գայանե» բալետը:

ԱՅՅԵԼՈՒԹՅՈՒՆ ՀԱՅԱՍՏԱՆԻ ԺՈՂՈՎՐԴԱԿԱՆ ՏՆՏԵՍՈՒԹՅԱՆ
ՆՎԱՃՈՒՄՆԵՐԻ ՑՈՒՑԱՀԱՆԴԵՍ

Հոկտեմբերի 9-ին, շաբաթ օրը, Մայր Աթոռի հյուրերն անմոռանալի պահեր են անցկացնում Հայաստանի ժողովրդական տնտեսության նվաճումների ցուցահանդեսում: Նրանք ծանոթանում են Հայկական ՍՍՀ գիտության, տեխնիկայի, մշակույթի փառավոր նվաճումներին: Հյուրերը մեծ հետաքրքրությամբ են դիտում վերածնված հայ աշխատասեր ժողովրդի աշխատանքի հիանալի արդյունքները, որոնցից շատերը արտահանվում են աշխարհի բազմաթիվ երկրներ:

Նույն օրը, երեկոյան ժամը 18-ին, Մայր տաճարում տեղի է ունենում կիրակամտի հանդիսավոր ժամերգություն, որին ներկա են Ամենայն Հայոց Վեհափառ Հայրապետը, Մայր Աթոռի հոգևոր և աշխարհական բոլոր հյուրերն ու հավատացյալների հոծ բազմություն:

Ժամերգության ավարտից հետո, ի պատիվ հյուրերի, Մայր տաճարի երգչախմբի կատարմամբ տրվում է հայ և եվրոպական եկեղեցական հոգևոր երաժշտության ընտիր հատվածներից բաղկացած ձոխ համերգ՝ խմբավար Խորեն Մելիսանջյանի ղեկավարությամբ:

ՀԱՆԴԻՍԱՎՈՐ Ս. ՊԱՏԱՐԱԳ ԵՎ ՀԱՅՐԱՊԵՏԱԿԱՆ
ՔԱՐՈՋ ՄԱՅՐ ՏԱՃԱՐՈՒՄ

Հոկտեմբերի 10-ին, կիրակի: Այսօր մեծ հանդիսավորությամբ Ս. Տ. Վապգեն Ա Վեհափառ Հայրապետը մատուցում է սուրբ պատարագ:

Ժամը 11-ին հայ բարձրաստիճան հոգևորականներից և Մայրավանքի միաբանության անդամներից կազմված բազմամարդ թափօրը, որին հետևում է սփյուռքահայ ուխտավորների խմբերը, եկեղեցու պանգեի ղողանջների ներքո Վեհափառ Հայրապետին առաջնորդում է Մայր տաճար:


Արտասահմանից ժամանած բազմահարյուր ուխտավորներ և հյուրեր ավելի քան երեք հազար հայաստանցի հավատացյալների հետ միատեղ երկյուղածությամբ ունկնդրում են սուրբ պատարագի արարողությանը:

Խորհրդավոր լռության մեջ սկսվում է հայրապետական ս. պատարագը, որի ներջևող խորհրդով է ներթափանցված տաճարը լցնող հավատացյալների ողջ բազմությունը: Մայր տաճարի երգչախմբի կատարմամբ հնչում են հայոց պատարագի հոգեպարար մեղեդիները՝ ղեկավարության ներքո վաստակավոր խմբավար Խորեն Մելիսանջյանի:

«Հայր մեր»-ից առաջ Հայոց Հայրապետը արտասանում է Իր ոգեշունչ քարոզը (տե՛ս էջ 3):

Հավարտ սուրբ պատարագի Մայր Աթոռի հյուրերը հրավիրվում են Վեհարան, որտեղ ժամը 15-ին հայրապետական սեղանատանը տրվում է պաշտոնական ճաշկերույթ: Ճաշկերույթին ներկա են Հայ Եկեղեցու արտաքին և ներքին թեմերի թեմակալ առաջնորդները, հայ բարձրաստիճան հոգևորականներ, Հ. Բ. Ը. Միության նախագահ տիար Ալեք Մանուկյանը և Մայր Աթոռի բարերարները՝ իրենց տիկիններով, Գերագույն Հոգևոր Խորհրդի և Մայր Աթոռին առընթեր ճարտարապետների հանձնաժողովի անդամները, սփյուռքահայ և հայրենի մտավորականության ներկայացուցիչներ, հասարակական գործիչներ և պաշտոնական այլ անձինք:

Ճաշկերույթին հրավիրված են Հայկական ՍՍՀ Մինիստրների խորհրդին



ԾԱՂԿԵՊՍԱԿԻ ԶԵՏԵՂՈՒՄ ԾԻԾԵՌՆԱԿԱԲԵՐՈՒ ՀԱՅ ՆԱՀԱՏԱԿԱՑ ՀՈՒՇԱՐՁԱՆՆԵՐ



ԾԻԾԵՌՆԱԿԱՐԵՐԴԻ ՀԱՅ ՆԱՀԱՏԱԿԱՑ ՀՈՒՇԱՐՁԱՆԻ ԱՆՄԱՐ ԿՐԱԿԻ ՇՈՒՐՋ



ՎԵՀԱՓԱՌԻ ՀԱՅՐԱՊԵՏԸ ԵՎ ՏԻՍՐ ԱԼԵՔ ՄԱՆՈՒԿՅԱՆԸ՝ ԻՐ ԿՆՈՋ, ԴԱՏԵՐ ԵՎ
ԹՈՌԱՆ ՀԵՏ, ՆՈՐԱՐԱՅ ԳԱՆՁԱՏԱՆ ՍՐԱՀՆԵՐԻՑ ՄԵԿՈՒՄ

առնություններ Հայ Եկեղեցու գործերի խորհրդի նախագահ Ռուբեն Պարսամյանը և տեղակալ Անդրանիկ Հասարթյանը:

Ճաշկերույթի ընթացքում բաժակաճառներ են արտասանվում և բարեմաղթություններ ասվում Ամենայն Հայոց Հայրապետի քաջառողջության, արևջատության, Նրա եկեղեցանվեր ու հայրենաշեն գործերի հաջողության, ինչպես նաև Հայաստանյայց Առաքելական Սուրբ Եկեղեցու, նրա Մայր Աթոռ Ս. Էջմիածնի անասանության, բարգավաճման ու ծաղկման համար:

ՀԱՆԴԻՍԱՎՈՐ ԲԱՑՈՒՄ «ԱԼԵՔ ԵՎ ՄԱՐԻ ՄԱՆՈՒԿՅԱՆ ԳԱՆՁԱՏԱՆ»

Հոկտեմբերի 11-ին, երկուշաբթի:

Այսօր ուրախ և հիշարժան օր է Մայր Աթոռ Ս. Էջմիածնի համար: Հասնելով իրադրության մեջ կատարվում է բացումը «Ալեք և Մարի Մանուկյան գանձատան» նորակառույց շենքի:

Բացման հանդիսավոր արարողությանը մասնակցելու համար Մայր Աթոռ են հրավիրվել հարգարժան հյուրեր մայր հայրենիքից և Սփյուռքից, այդ թվում՝ հայրենի կառավարության բարձրաստիճան ներկայացուցիչներ և բազմաթիվ մտավորականներ:

Երեկոյան ժամը 18-ին Վեհափառ Հայրապետը, շրջապատված արքեպիսկոպոսներով, եպիսկոպոսներով, Մայր Աթոռի միաբաններով և հյուրերով, առաջնորդվում է գանձատան նորակառույց շենքի գլխավոր մուտք: Ներկաների խանդավառ արտահայտությունների և բուռն ծափահարությունների ներքո գանձատան բարերար Ալեք Մանուկյանը կտրում է բացման ժապավենը, և ներկաները մուտք են գործում գանձատան բոլորաձև դահլիճ: Այստեղ տեղի է ունենում բացման հանդիսավոր արարողություն, որից հետո Հայոց Հայրապետը հանդես է գալիս բացման ճառով (տես էջ 6):

Վեհափառ Հայրապետի ճառից հետո հանդես է գալիս Հայկական Բարեգործական ընդհանուր Միության նախագահ Ալեք Մանուկյանը հետևյալ ուղերձով.

ԱԼԵՔ ՄԱՆՈՒԿՅԱՆԻ ԽՈՍՔԸ ԳԱՆՁԱՏԱՆ ԲԱՑՄԱՆ ԱՌԹՎ

(11 հոկտեմբերի 1982 թ.)

Վեհափառ Տեր,

Գերաշնորհ, հոգեշնորհ և արժանապատիվ հայրեր,

Հարգելի պետական ներկայացուցիչներ, ուխտավորներ, բարեկամներ և հյուրեր,

Պատմական խորհուրդներով լի պահեր կապրինք բոլորս այսօր, ներկա գտնվելով Ս. Էջմիածնի նոր գանձատան բացումին: Պատմական՝ այն իմաստով, որ այս վայրին մեջ մեր քրիստոնեական առաջին կառույցները բարձրացած են Սուրբ Գրիգոր Լուսավորչի տեսիլքով: Ու պատմական՝ անոր համար, որ 17 դարեր ամբողջ մեր հայրերը եկած ու խոնարհած են այս սուրբ հողին վրա, պրույցի նստած են երկինքի հետ, և ասկե բարձրացող խունկին և մոմին աղերսող լույսերուն միացված են իրենց սրտին ցավն ու աղոթքի փշրանքները:

Ու մենք, Լուսավորիչներեն ու Շնորհալիներեն դարեր ետք, կուգանք աշխարհի միևնույն կետին վրա՝ մեր հայրերուն աղոթքը կրկնելու և անոնց սրբապան տեսիլքը կիսելու: Մեր դիմաց իր օրհնաբեր Աջը կբարձրացնի Ս. Գրիգորի

արժանավոր հաջորդ և անոր հավերժական Աթոռի առաքելատիպ նոր Գահավալը՝ Վազգեն Ա Ամենայն Հայոց կաթողիկոսը:

Այս պահուն մեր միտքին մեջ պատմությունը կմիախառնվի ներկային և երազը՝ իրականության, կարծեք մեր ականջներուն կհասնին դարավոր և իմաստուն մրմունջները մեր եռամեծ Հայրապետներուն: Այստեղ, հայոց հայրենիքի արյունաշաղախ և խնկաբույր այս հողաշերտին վրա Սփյուռքի տարագիր հայ մարդուն հոգին կթոթավե իր բոլոր բեռերը, կմերկանա իր հանդերձանքներեն ու ջպարներեն ու վճիտ լույսի մաքրությամբ կհամբուրե այն քարերը, ուր Միածինը ինք իջավ և ուրկե անցան հոգնած ոտքերը իր նախահայրերուն...

Գաղթական հայը դարերով կերտած է պալատներ ու եկեղեցիներ, դպրոցներ ու ազգային հաստատություններ, սակայն այդ բոլոր կառույցներեն և .ս. նոց մեջ հորդող կյանքեն՝ միայն գերեզմանաքարեր կմնան իբրև վկայություն՝ Սինգապուրեն մինչև Հնդկաստան և Ինդոնեզիայեն մինչև Լեհաստան: Միայն հա՛յ հողի վրա կերտվածն է, որ կմնա հավիտյան, միայն ա՛յս հողին վրա է, որ խաչքարին կողքին կենդանի՝ շունչով կողողանջե հայուն խաչապարզ գմբեթը:

Սփյուռքի այս տխուր ճակատագրի ամայության վզացումով կլեցնե մեզ՝ ու մեր հոգին կայրի դեպի հայրենի հող, ուր կենդանի՝ է հայ ժողովուրդը իր ճարտարարվեստով, մշակությամբ ու պետականությամբ: Այդ պատճառով ալ ավելի նշանակալից և հոգեպարար կդառնա հայրենի հողին վրա կոթող մը բարձրացնելու պատիվը: Սփյուռքի թափառական հայը լավ կհասկնա բանաստեղծ Հովհաննես Շիրազի հոգին, որ խոսքը ուղղելով Սփյուռքին կըսե.

Օտար աշխարհը մի հյուղ չի՝ տա քեզ,
Բայց թե պալատ էլ տա արևի տակ,
Թե հայրենիքում մի խրճիթ չունես,
Մոռացված որբ ես օտար լուսնի տակ:

Ամեն մարդ երազ մը կունենա կյանքին մեջ, ու մեզի համար ալ երազ մը եղած էր միշտ քար մը վետեղել հայրենիքի կառույցին վրա. և անապով Ամենայն Հայոց Հայրապետի կոչին՝ ուղեցինք բարձրացած տեսնել այս գանձարանը՝ Վեհարանի կողքին և Ս. Էջմիածնի դարավոր գմբեթի շուքին տակ. երազ մը, որ մարմին առավ Վազգեն Վեհափառի շունչով և Անոր անվրիպելի ճաշակով:

Մենք ներկա գտնված ենք բազմաթիվ մշակութային կեդրոններու բացումին, բայց այսօրվանը պիտի մնա եզակի մեր հիշողության մեջ, ինչպես եզակի պիտի մնա այս գանձարանը, ուր պիտի պահպանվին մեր նվիրական նշխարներուն հետ՝ հայ հանճարի ստեղծագործության նմուշները: Սուրբ Էջմիածնի այս ջրջափակին մեջ բարձրացած կառույցները դարերով և հսկա ժամանակներով բաժնված են իրարմե, սակայն բոլորը միասին կկապմեն ամբողջություն մը՝ անխորտակելի ամրոց մը, պահպանելու համար հայուն հավատքը և անոր միտքին ու սիրտին արգասիքները:

Ամենայն Հայոց Հայրապետին գահակալության 27 տարիները հատկանշվեցան շինարարությամբ. Ան Իր բարձր ճաշակով և Ներսես Շինողներու սրբազան կիրքով ամեն կողմ շինարարություն տարածեց, արդարորեն արժանանալով «Վազգեն Շինարար Հայրապետ» կոչումին: Ուրախ ենք, որ մեզի ևս պատեհությունը տրվեցավ քար մը վետեղելու մեր հայրենի նվիրական հողին վրա. և այդ վետեղումը կատարվեցավ հայ հողի ամենեն սրբազան մեկ անկյունին վրա, Ս. Էջմիածնի՝ հողին վրա: Երբեք չենք ստացած այսպիսի խոր գոհունակություն, ինչպես կզգանք այսօր, մեր սրտի պարտքը հատուցանելով Ս.

Էջմիածնի Սեդանին: Եվ այդ կերպով Մայր Աթոռին մեզի ներշնչած հավատքն է, որ կվերադարձենք կրկին այդ հավատքի խորանին. ըսելով՝ «Քոյդ ի քոյոց տացի քեզ...»:

Այսօրվան հանդիսությունը մեկ հանգրվանն է Վազգեն Վեհափառի բազմաբեղուն գործունեության: Ան Լուսավորչի գահուն վրա բարձրացավ հայ ժողովուրդի պատմության ամենաճակատագրական պահերեն մեկուն: Եվ ցարդ բախավոր եղավ հայ ժողովուրդը, որ կյանքը ավելի քան քառորդ դարու աշխույժ իշխանություն մը պարզենց իր բարի և ազգանվեր Գերագույն Հոգևոր Պետին: Սակայն չէ ավարտված Անոր առաքելությունը, Ս. Էջմիածնի մեջ, ինչպես ամբողջ աշխարհի վրա. հեռավոր ափերեն Իր հավատարիմ հոտը Իրեն կնայի ու կաղոթե Անոր արնշատության համար, որպեսզի Ան շարունակե Իր նախախնամական առաքելությունը հայ կյանքին մեջ: Վեհափառ Հայրապետը Իր առաքելությունը հայ կյանքի մեջ վարած է խոհեմությամբ, համբերությամբ և վայելուչ արժանավորությամբ: Ան ողջմտությամբ առաջնորդած է Իր աշխարհացրիվ հոտը երկրագունտի վտանգալից ճամփաներու վրա և պատկառանք ներշնչած է՝ ինչպես մեր Եկեղեցու զավակներուն՝ նույնպես և աշխարհի մեծերուն. և Հայ Եկեղեցվո վարկը բարձրացուցած է հոն, ուր արժանի էր որ Ան գտնվեր:

Հայ ժողովուրդը, ներկա ժամանակներուն Հայոց Հայրապետությունը մարմնավորված ու խորհրդանշված տեսած է Խրիմյան Հայրիկի առինքնող անձին մեջ: Ուրեմն զարմանալի չէր, որ հայ հավատացյալն ու հայ շինականը Վազգեն Վեհափառի գահակալության առաջին օրերուն ունեցան մեկ ուժեղ բաղձանք և իրենց աղոթքներուն ու մաղթանքներուն մեջ սրտագինս գոչեցին. «Խրիմյան Հայրիկին պես եղնիս»: Եվ իրոք, ներկա պայմաններուն մեջ Ան իրագործեց այդ մաղթանքն և եղավ մերօրյա Խրիմյան Հայրիկ մը՝ Իր միտքի վաստակով, Իր ազգային ըմբռնումներով և մանավանդ Իր հոգևոր կորովի առաջնորդությամբ: Եվ բախտը օգնեց որ Ան, Խրիմյան Հայրիկի «Լացին» փոխարեն կարենար Իր ժողովրդին բաշխել բարիք, շինարարություն ու մխիթարություն և Իր պատգամներուն մեջ ավետել մեր վերածնած երկրին շենջող իրականությունը:

Քանի մը օրեն պիտի բաժնվինք մայր հողեն, հիշատակ մը թողնելով մեր ետին սակայն, պիտի բաժնվինք ավելի հարստացած, հաճելի և հոգեպարար հիշատակներով, պիտի բաժնվինք հավատարմության նորոգված ուխտով, ուրպեսզի կարենանք արիությամբ շարունակել սփյուռքահայ մարդու կյանքին փշալից մեր առաքելությունը: Պիտի երթանք այն անկեղծ մաղթանքով, որ անխորտակելի մնա հայոց վերածնած երկիրը, միշտ պայծառ մնա Լուսավորչի Կանթեղը և բարօր մնա մեր աննման Հայրապետը:

Ալեք Մանուկյանի սույն խոսքից հետո, Հայոց Հայրապետի հրավերով, ելույթ է ունենում պատմական գիտությունների դոկտ., պրոֆ. ակադեմիկոս Բաբկեն Առաքելյանը: Իր խոսքում մեծարգո գիտնականը նշում է հայ ժողովրդի պատմության մեջ թագավորական պալատներին կից կառուցված գանձատների ունեցած կարևոր դերն ու նշանակությունը մեր ժողովրդի մշակութային կյանքում: «Այսօր,—իր խոսքն ավարտում է հարգելի պրոֆեսորը,—այս ուրախ պահին, մենք տեսնում ենք հայ ժողովրդի հարապատ զավակ Ալեք Մանուկյանի նվիրատվությամբ և ճարտարապետական գեղեցիկ ոճով կառուցված մի նոր գանձատուն, որը կծառայի հայ ժողովրդի ստեղծած մշակութային արժեքների պահպանմանն ու նրանց տարածմանը»:

Հանդիսավոր արարողությունը վերջանում է «Հայր մեր»-ով և Վեհափառ Հայրապետի «Պահպանիչ»-ով:

Այնուհետև հյուրերը մեծ հետաքրքրությամբ դիտում են գանձատան ընդարձակ դահլիճներում ցուցադրված հայ եկեղեցական արվեստի թանկարժեք ու բազմատեսակ նմուշները:

Ավելի ուշ, ժամը 19.30-ին, Վեհարանի հանդիսությունների դահլիճում, ի պատիվ մեծարգո հյուրերի, տրվում է համերգ հոգևոր ձեմարանի ուսանողության և «Շարական» խմբի մասնակցությամբ: Համերգին իրենց մասնակցությունը բերեցին նաև ՀՍՍՀ ժողովրդական արտիստուհի Վարդուհի Վարդերեսյանը՝ արտասանությամբ, և Մայր տաճարի երգչախմբի մենակատար Վալերի Հարությունյանը՝ ժողովրդական երգերի կատարմամբ:

ԱՅՑՅԵԼՈՒԹՅՈՒՆ ՀՈԳԵՎՈՐ ՃԵՄԱՐԱՆ ԵՎ
ԽՐԻՄՅԱՆ ՀԱՅՐԻԿԻ ՀԻՇԱՏԱԿԻՆ ՆՎԻՐՎԱԾ ԱՂԲՅՈՒՐ-ՀՈՒՇԱՐՁԱՆԻ
ԲԱՅՈՒՄ

Հոկտեմբերի 12-ին, երեքշաբթի օրը, առավոտյան ժամը 11-ին, Մայր Աթոռի հյուրերն այցելում են հոգևոր ձեմարան:

ձեմարանի մուտքի մոտ հյուրերին դիմավորում է ձեմարանի տեսչական կապը՝ տեսուչ Տ. Եվնիկ քահանա Պետրոսյանի գլխավորությամբ:

Հյուրերն առաջնորդվում են տեսչարան, որտեղ նրանց ծանոթություններ են տրվում ձեմարանի ներքին կյանքի, ուսանողության, դասախոսական կապի և ուսումնա-դաստիարակչական աշխատանքների վերաբերյալ: Այնուհետև հյուրերը կրույց են ունենում ձեմարանի սաների հետ:

Նույն օրը, ժամը 13-ին, Վեհափառ Հայրապետը, հանդիսավոր թափորով և հյուրերի ուղեկցությամբ, առաջնորդվում է Մայր տաճարի գավթի այն մասը, ուր ամփոփված են հայ ժողովրդի մեծանուն վավակ Նրիմյան Հայրիկի աճյունները: Այստեղ, Վեհափառ Հայրապետի գլխավորությամբ, կատարվում է հոգեհանգստյան կարգ:

Այնուհետև թափորը շարժվում է դեպի Մայր տաճարի հյուսիսային կողմը, որտեղ գտնվում է Նրիմյան Հայրիկի հիշատակը հավերժացնող նորակառույց աղբյուր-հուշարձանը: Հուշարձանի առաջ կատարվում է կրոնական հանդիսավոր արարողությունը: Հուշարձանի բարերար պրն. Միհրան Բուխանյանը և իր տիկինը հուշարձանի շուրջ հավաքված բազմության խանդավառ ծափահարությունների ներքո, ձգում են հուշարձանը ծածկող պաստառը: Հուշարձանի վրա երևում է մեսրոպյան մեծ տառերով փորագրված հետևյալ խոսքը. «Հա՛յ մարդ, հիշի՛ր դու միշտ երկաթ շերեփը Հայրիկի»:

Ապա Վեհափառ Հայրապետը հանդես է գալիս բացման ճառով (տես էջ 10):

Վեհափառ Հայրապետի բովանդակալից ճառից հետո, խոսքը տրվում է պարոն Ալեք Մանուկյանին:

ԱԼԵՔ ՄԱՆՈՒԿՅԱՆԻ ԽՈՍՔԸ՝ ԱՐՏԱՍԱՆՎԱԾ ԽՐԻՄՅԱՆ ՀԱՅՐԻԿԻ
ՀՈՒՇԱՐՁԱՆԻ ԲԱՅՄԱՆ ԱՌԹԻՎ
(12 հոկտեմբերի 1982 թ.)

Վեհափառ Տեր,

Գերաշնորհ ու հոգևոր հայրեր, պատվո հյուրեր, ուխտավորներ և սիրելի հայրենակիցներ,



«ԱԼԵՔ ԵՎ ՄԱՐԻ ՄԱՆՈՒԿՅԱՆ ԳԱՆՁԱՏԱՆ» ՆՈՐԱԿԱՌՈՒՅՑ ԸԵՆՔԸ ՄԱՅՐ ԱԹՈՌՈՒՄ



ՀՈԳԵՀԱՆԳԱՏՅԱՆ ԱՐԱՐՈՂՈՒԹՅՈՒՆ ԽՐԻՄՅԱՆ ՀԱՅՐԻԿԻ ԺՐԻՄԻ ՄՈՏ



Հ. Բ. Ը. ՄԻՈՒԹՅԱՆ ՆԱԽԱԳԱՀ ԱՂԵՔ ՄԱՆՈՒԿՅԱՆԸ ԵԼՈՒՅԹԻ ՊԱՀԻՆ ԽՐԻՄՅԱՆ
ՀԱՅՐԻԿԻ ԱՂԲՅՈՒՐ-ՀՈՒՇԱՐՁԱՆԻ ԱՌԱՋ

Հայ մարդը միայն իր հայրենի հողին վրա կրնա իր նախահայրերուն ահ-յուններուն մոտ զգալ ինքզինք և անդենականեն լսել անոնց վեճմ պատգամ-ները:

Այս պահուն այդպիսի պատմական ու երկյուղալի մթնոլորտի մը մեջ կգտ-նըվինք բոլորս խրիմյան Հայրիկի լուսավոր շիրիմին շատ մոտիկ. և կողջունենք բացումն անոր հուշարձանին: Սովորաբար հուշարձան կկանգնեն որպես երաշ-խավորություն ապագայի ավերներուն դեմ. հուշարձան կկանգնեն որպեսզի սե-րունդները չմոռնան սիրված անձ մը, հոգևոր առաջնորդ մը կամ մտավորա-կան մը: Սակայն ե՞րբ մոռացված էր խրիմյան Հայրիկ, որ կարիքը զգացվեր հուշարձանի մը: Ան իր մահվնե 75 տարիներ ետք այնքա՛ն կենդանի էր մեր կյանքին մեջ, որքան կենդանի էր իր ողջության. հետևաբար այս կոթողը ավե-լի մարմնացո՞ւմն է մեր սիրտյն և զգացումներուն՝ քան թե պատմեջ մը ժամա-նակի ավերներու դեմ. որովհետև խրիմյան Հայրիկը միշտ ո՞ղջ է մեր մեջ, ան կխոսի մեզի, կքալե մեր պատմության մեջ և արդեն մեզմե առաջ՝ կցոլա մեր ապագային վերև...:

Անմահ է խրիմյան Հայրիկը և այս հուշարձանը այդ անմահությունն է, որ կուգա կոթողել հա՛յ հողի սիրտին վրա: Խրիմյանի այս հուշարձանին առջև երկյուղ մըն է, որ կանցնի մեր էութենեն, և ամբո՞ղջ պատմությունը կպարզվի մեր առջև:

Ամենայն Հայոց Հայրապետը 1956-ին, իր առաջին կոնգակներեն մեկուն մեջ այնքան իմաստալից կերպով բնորոշած է խրիմյանի դերն ու տեղը մեր կյանքին մեջ գրելով. «Ամեն հայ մարդ երկու հայր ունի՝ ի՛րը և Ամենայն Հա-յոց Հայրիկը». այս իմաստով, քանի որ ամեն զավակի մեջ մասնիկ մը կա իր հորմե, ուրեմն, ամեն հայ մարդ իր մեջ փջրանք մը կապրեցնե խրիմյան Հայ-րիկեն:

Ան ծնավ պատմական հպոր ժամանակներու մեջ, երբ հայ հողն ու հայ մարդը կարթննային իրենց թմբիրեն, երբ հայ ապատագրության շունչը կփո-թորկեր հոգիները և երբ կայսրություններ իրար կկարնվեին մերթ փայլակներու լույսով և մերթ ալ արյան հեղեղներու սարսափով ողողելով հայոց պատմա-կան հողը: Ահա այսպիսի ժամանակներու վրա՝ տարածվեցավ անոր կյանքը, որ սկսավ իբրև դաստիարակ և հարստացավ հայրենաշունչ գրականության բազում հատորներով ու վերջապես փառավորվեցավ իբրև ոգևոր Գերագույն պետ՝ Սուրբ Էջմիածնի դարավոր գահուն վրա: Հայ ժողովուրդի ճակատագիրը զինք բալ-մաթիվ ուղղություններով առաջնորդեց՝ Պոլիս, Երուսաղեմ, Պեռլին, Մոսկվա և այլուր. սակայն ո՞ւր որ գնաց՝ ան իր հետ տարավ իր «Վասպուրականյի Վարժապետ»-ի հոգին, որովհետև Վասպուրականը պատմության մեջ հայոց հնագույն հայկական օրրաններեն մեկը հանդիսացած էր. այդ պատճառով ալ խրիմյան Հայրիկ իր հայրենաշունչ հատորներուն, քարոզներուն թե «Արծվի Վասպուրականի»-ի էջերեն, ջերմեռանդ սիրով կոչ կուղղեր հայ շինականին ամո՞ւր կառչիլ իր հողին, այդ հնամյա օրրանին:

Ան վանականի կյանքեն ու վարժապետութենեն բարձրացավ Պոլսո Պատ-րիարքության գահին, պահ մը հայոց վշտալի ճակատագիրը «լացի լեզվով» պարզեց Պեռլինի դիվանագիտական ատյաններուն և ապա իբրև Ամենայն Հա-յոց Հայրապետ՝ իր շունչը, գրական վաստակը, հայ շինականի բնածին իմա-տությունը բաշխեց իր աշխարհացրիվ հոտին:

Ան հանդիսացավ դառն երգիչը հայ խոնարհ ժողովուրդի ցավերուն. որ-քան բարձրացավ ան՝ այնքան մնաց խոնարհ. 1869-ին, երբ Պոլսո Պատրիարք

կընտրվեր, կհայտարարեր. «Իմ վրաս մի՛ նայեք որպես մի միայն Պոլսո Պառ-րիարք: Ես պատկերն եմ Հայաստանի ցավերո՛ւն»:

Ան անձնապես ունեցավ տխուր կյանք մը, բայց գիտցավ այդ տխուր փո-ձառութենէն իմաստութեան մարգարիտներ քամել և որպէս «Մարգարիտ ար-քայութեան երկնից» բաժնել իր ժողովուրդին ու պայքարիլ անոր երջանկու-թեան ու ապատ և ինքնիշխան կյանքի կերտումին:

Ան պաշտամունք ուներ հայ հողին հանդէպ, և այդ պաշտամունքը վճիտ կերպով կճառագայթեր իր բոլոր գրական հատորներէն, քարոզներէն և իր ընդհանուր գործունեութենէն. ան իր «Հրաշիրակ Արարատեան» խորագրով գիրքին մէջ, սրտառու կերպով կգոչէ. «Դեպի մայր երկի՛ր, ազգապահպան-ման միա՛կ վայրը, դեպի նվիրական վայրերը՝ համբարելու մեր փառավոր անց-յալի նշխարները...»:

Մենք այսօր այդ կոչէն գրեթէ մեկ ու քառորդ դար ետք, անսալով Հայրի-կի հայրենաշունչ կոչին՝ եկած ենք հայրենիք «համբարելու համար փառա-վոր անցյալին նշխարները», երբ ինք ևս դարձած է համբարելի նշխար, որուն առջև կուգանք խոնարհիլ հարգանքով ու երախտիքով:

Խրիմյան Հայրիկ պատմական հպոր դարաշրջան մը բացավ մեր ժողո-վուրդին առջև, երբ 1878-ի Պեդլինի վեհաժողովէն հուսախաբ վերադարձավ Պոլիս, ուր արտասանեց իր նշանավոր «հարիսա»-ի կաթսայի քարոզը. և իր «երկաթյա շերեփ»-ի պարզ խորհրդանշանը դարձավ ամենէն վճռակա՛ն ազ-դանշանը հայ ազատագրական պայքարի պատմութեան, և հնչեց նահանգե-նա-հանգ և երկրե-երկիր:

Ան համեստ ու խոնարհ էր հայ շինականին հետ, ցավակից ու վշտակից անոր: Սակայն, խրոխտ ու ձաղկող էր աշխարհի հպոր իշխանավորներու կա-մայականութեանց ու բռնութեանց դեմ. արդարև, ան 1903-ին հայ եկեղեցական կալվածներու գրավման որոշումին դիմաց կգոչէր. «Սիրասուն զավակներս, չե՛մ հանձներ և կբողոքե՛մ հպորագույնս»:

Իսկ երբ հայ ժողովուրդի ջարդարար սուլթանը շքանշան կհանձներ օր-վան Պատրիարք Ներսէս Վարժապետյանին, Խրիմյան Հայրիկ դառն ծիծաղով մը կըսէր. «Ոչխարներու ոսկորներէն մանյակ շինեցին ու հովվին վիպէն կա-խեցին...»: Ահա այսպիսի կոթողային դեմքի մը հիշատակն է, որ մեզ կհամա-խմբէ այսօր, այս պատմական վայրին մէջ:

Խրիմյան Հայրիկի հեղինակավոր ու խրոխտ ձայնը հնչեց հայոց պատմա-կան հողին վրա ու ժողովուրդի սրտին մէջ. սակայն, ինչ որ հատկանշական է ամերիկահայերուս համար, անոր ձայնը հասա՛վ մինչև մեր ափերը և 1895-ին, մեր թեմի հիմնադրութեան օրերուն, իր օրհնությունները հասցուց մեր գաղու-թին, որ այսօր կշարունակէ ապրիլ անոր իմաստուն պատգամով: Խրիմյան Հայրիկ, ամերիկահայութեան ուղղած իր խոսքին մէջ կըսէր մասնավորաբար.

«Ողջույն Ձեզ Արարատյան աշխարհէն...»

Ողջույն Ձեզ Հայոց Հայրիկէն, որ ավետիս տա Ձեզ իբրև Նոյան աղաւ-նին թե՛ ցամաքեցավ ջրհեղեղ, դարձեք Ձեր հայրենի աշխարհ: Սիրտ առեք, քաջալերեցեք անբախտ ու բախտավոր որդիք հայոց, զի Աստուծո այցելություն մոտ է մեր չարչարյալ աշխարհին»:

Ան վախճանեցավ 1907-ին և չտեսավ երբեք թե ե՛րբ և ինչպե՛ս խաղա-ղություն իջավ մեր «չարչարյալ աշխարհին», թե ինչպե՛ս հայ ժողովուրդը վերստին տները դարձավ իր ճակատագրին՝ այս սուրբ հողերուն վրա:

Բայց մենք, անսալով իր հայրապետական սուրբ կոչին, հեռավոր Ամերի-կաներէն կուգանք իր իսկ պատգամը բերելու իրեն, և ըսելու թե «ցամաքեցավ

ջրհեղեղ» ու հայը դարձավ հայրենի աշխարհ, առաջին հերթին խոնարհելու խորհմանի հիշատակին ու հուշարձանին առջև՝ իբրև կոթողված բռնացք մեր ապգային ինքնության և արի գիտակցության:

Կապրի խորման, Հայրիկը մեր մեջ և հավիտյան պիտի մնա անոր պատգամը հայոց պատմության վերև:

Ալեք Մանուկյանի ուղերձից հետո երախտագիտական խոսք ասաց խուշարձանի բարերար պարոն Միհրան Բուխանյանը: Նա խոր հուզումով իր գոհունակությունը հայտնեց Վեհափառ Հայրապետին, որի բարեհաճ կարգադրությամբ Մայրավանքի շրջափակում կառուցվեց սույն վեհաշուք աղբյուր-կոթողը:

Նույն օրը, ժամը 14.30-ին, Վեհարանի սեղանատանը տրվում է պաշտոնական ճաշկերույթ: Ճաշկերույթի ընթացքում բաժակաճպո է արտասանում Ալեք Մանուկյանը՝ առաջարկելով խմել Վեհափառ Հայրապետի կենաց արևշատության և Նրա գործերի հաջողության համար:

Ճաշկերույթին ելույթ են ունենում նաև Գերագույն Հոգևոր Խորհրդի ատենապետ Տ. Սիոն արքեպ. Մանուկյանը, Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ Տ. Սերովբե արքեպ. Մանուկյանը, տիար ձորձ Քյուրքճյանը, ճարտարապետ Վարպդատ Հարությունյանը, տիար Միհրան Բուխանյանը և հայրենի բանաստեղծուհի Սիլվա Կապուտիկյանը: Բաժակաճառով հանդես է գալիս նաև բանաստեղծուհի Մարո Մարգարյանը, որն իր խոսքի վերջում ոգևորությամբ արտասանում է Վեհափառ Հայրապետին ձոնված իր հետևյալ բանաստեղծությունը.

Կա ճանապարհ մի անթեք,
Կա մշտավառ մի կանթեղ,
Դեռ դարերից խոր խավար
Գալիս է մի լույս հավատ:

Խոր դարերից է գալիս
Մեր ջահերի շարքը մեծ,
Վեհությունը մեր պահող
Ավագների կարգը մեծ:

Եվ այսօր էլ մեկ համար
Հոգու պտուներ ու կամար՝
Ավագներից դու ավագ,
Երեցներից դու երեց,
Մեծ հայրերի սուրբ գծով
Նորից մեր բախտը բերեց:

Ճաշկերույթի վերջում Հայոց Հայրապետը «Ս. Գրիգոր Լուսավորիչ» ջբանշանով պարգևատրում է արն. պրն. Արշավիր Կլորիկյանին, Գևորգ Այվապյանին և Միհրան Բուխանյանին, իսկ «Ս. Ներսես Շնորհալի» ջբանշանով՝ պրն. ձորձ Քյուրքճյանին:


Հոկտեմբերի 13-ին, չորեքշաբթի օրը, տասներկուօրյա այցելությունից հետո, Ալեք Մանուկյանը և մյուս հյուրերը հրաժեշտ են առնում Վեհափառ Հայրապետից՝ իրենց ջնորհակալությունն ու գոհունակությունը հայտնելով բոլորի նկատմամբ ցույց տրված ջերմ ու սրտաբաց ընդունելության համար:

Վեհափառ Հայրապետը Իր օրհնությունն է տալիս և բարի ճանապարհ

մաղթում հյուրերին՝ ցանկանալով նրանց հաջողություններ իրենց հայրենանվեր և ազգօգուտ աշխատանքներում:

«Զվարթնոց» օդանավակայանում հյուրերին ճանապարհում են Մայր Աթոռի միաբանության ներկայացուցիչներն ու պատասխանատու աշխատակիցները:

Օդանավակայանում մեծարգո հյուրերին բարի ճանապարհ են մաղթում նաև Հայկական ՍՍՀ Մինիստրների խորհրդին առընթեր Հայ Եկեղեցու գործերի խորհրդի նախագահ Ռուբեն Պարսամյանը, տեղակալ Անդրանիկ Հասրաթյանը, ինչպես նաև պետական պաշտոնական այլ անձինք և հայրենի մտավորականության ներկայացուցիչներ:





ԽՐԻՄՅԱՆ ՀԱՅՐԻԿԻ ՀԻՇԱՏԱԿԻՆ ԿԱՌՈՒՑՎԱԾ ՍՂԲՅՈՒՐ-ՀՈՒԾԱՐՁԱՆԻ ԲԱՐԵՐԱՐ
ՄԻՀՐԱՆ ԲՈՒԽՍՆՅԱՆԸ ԵԼՈՒՅԹԻ ՊԱՀԻՆ ՀՈՒԾԱՐՁԱՆԻ ԱՌԱՋ



ԽՐԻՄՅԱՆ ՀԱՅՐԻԿԻ ՀԻՇԱՏԱԿԻՆ ԿԱՌՈՒՑՎԱԾ ԱՂԲՅՈՒՐ-ՀՈՒԾԱՐՁԱՆԸ
ՄԱՅՐ ԱԹՈՐԻ ԸՐՋԱՓԱԿՈՒՄ



ԱՂԲՅՈՒՐ-ՀՈՒՇԱՐՁԱՆԸ ԱՐԵՎԵԼՅԱՆ ԿՈՂՄԻՑ



ՀԱՂՈՐԴԱԳՐՈՒԹՅՈՒՆ ԵՐՈՒՍԱՂԵՄԻ ՀԱՅՈՑ ՊԱՏՐԻԱՐԷԱՐԱՆԻ

Ս. Աթոռույս Ամենապատիվ Պատրիարք Սրբազան Հայրը, ընդունած ըլլալով հրավերը Հռոմի Սրբազան Քահանայապետ Հովհաննես Պողոս Բ-ի, հինգշաբթի 30 սեպտեմբեր 1982-ին, օդային գծով մեկնեցավ Հռոմ, ընկերակցությամբ Ս. Աթոռույս նորընտիր դիվանապետ գերջ. Տ. Դավիթ եպս. Սահակյանի և Երուսաղեմի Ֆրանչիսկյան միաբանության մեծավոր (Քյուսթոտ) Հայր Մանչինիի, ներկա ըլլալու կիրակի, 3 հոկտեմբերին տեղի ունենալիք կրոնական այն արարողության, որով Պապը երանության վիճակին պիտի բարձրացնէր Ֆրանչիսկյան Հայր Սալվատոր-Լիլին, իր յոթը հայ հետևորդներով, որոնք նախատակված են 1895 նոյեմբեր 22-ին Մարաշի մեջ:

Հանդիսության օրը, հավարտ ս. պատարագի, Սրբազան Պապի ու Ամենապատիվ Պատրիարք Սրբազան Հոր միջև տեղի ունեցավ մտերմիկ տեսակցություն մը և նվերներու փոխանակում:


Ամենապատիվ Սրբազան Հայրը իր հետևորդներով վերադարձավ Ս. Աթոռ հինգշաբթի, 7 հոկտեմբերին:

ԴԻՎԱՆ Ս. ԱԹՐՈՒՈ

Ս. Աթոռ,

19 հոկտեմբեր 1982





ԱՄՍՎԵՐՋԻ ՀԱՆԴԵՍ ԵՐՈՒՍԱՂԵՄԻ ՀԱՅՈՑ
ՊԱՏՐԻԱՐԳՈՒԹՅԱՆ ԱԼԵՔՍ ԵՎ ՄԱՐԻ ՄԱՆՈՒԿՅԱՆ
ԺԱՌԱՆԳԱՎՈՐԱՑ ՎԱՐԺԱՐԱՆԻ ԵՎ ԸՆԾԱՅԱՐԱՆԻ
ԵՎ 50-ԱՄՅԱ ՔԱՀԱՆԱՅԱԿԱՆ ՀՈՐԵԼԻՆԱԿԱՆ
ՀԱՆԴԻՍՈՒԹՅՈՒՆ ՆՈՐԻՆ ԱՄԵՆԱՊԱՏՎՈՒԹՅՈՒՆ
Տ. ԵՂԻՇԵ ՍՐԲԱԶԱՆ ՊԱՏՐԻԱՐԳ ՀՈՐ
(19 հունիս 1982)

Ժառանգավորաց վարժարանի և ընծայարանի 1981—82 տարեշրջանի ամավերջի հանդեսը այս տարի տեղի ունեցավ բացառիկ շքեղությամբ, որովհետև 1982-ը քահանայության հիսնամյա հոբելյանն է Ս. Աթոռիս գահակալ Նորին Ամենապատվություն Տ. Եղիշե Սրբապան Պատրիարք Հոր:

Շաբաթ, 19 հունիսի երեկոյան ժամը ճիշդ 7-ին վարժարանի շքեղորեն պարզարված հանդիսասրահ ժամանեց հոբելյար Պատրիարք Հայրը, ի գլուխ Ս. Հակոբյանց բովանդակ միաբանության, և դիմավորվեցավ ժառանգավոր սաներու կողմե երգված «Սիրտ ի սիրտ» վարժարանիս քայլերգով:

Հանդեսի հայտագիրը բաժնված էր երկու մասերու: Բացման խոսքով հանդես եկավ վարժարանի և ընծայարանի փոխտեսուչ տիար Ալեքս Գալայճյան, որմե ետք տեղի ունեցավ արտասանության և երգի մրցանք: Չորս սաներ նախ արտասանեցին Եղիվարդի «Պարմաններ» և ապա իրենց ընտրած քերթվածը, որմե ետք տեղի ունեցավ երգի մրցանք, դարձյալ չորս սաներու մասնակցությամբ: Կապված էր վարժարանիս ուսուցչական կապմեն դատական մարմին մը:

Ապա գործադրության դրվեցավ հայտագրի Բ մասը, որ ամբողջությամբ նվիրված էր Նորին Ամենապատվություն Պատրիարք Հոր քահանայության հիսնամյակին: Հավուր պատշաճի խոսքով հանդես եկավ վարժարա-

նի և ընծայարանի տեսուչ, լուսարարապետ գերջ. Տ. Գարեգին արքեպ. Գապանճյան, որ շատ հուպիչ բառերով վերհիշեց իր աշակերտական օրերը Պատրիարք Հոր տեսչության շրջանին և ըսավ. «Դուք իրավ շարունակությունը եք տասնհինգ դարերու տևողությամբ հայ վանականության ժառանգության, որոնք իրենց գրչին լույսը տվին մեր մշակույթի անվաճ հարստության: Մենք այսօր Ձերդ Ամենապատվության մեջ կտոնենք հայ մատենագրության մեծ հանճարը՝ Ձեր սեփական դուրով հղկված ու գեղեցկացած և ստացած Ձեր իսկ դրոշմը Եղիվարդյան կոչվելով: Գիտեմ, երբ այս տողերը կըսեմ Ձեր իսկ ներկայության, պիտի նեղվիք ու մեղադրեք Վիս—ըստ Ձեր հին ու բարի սովորության իբրև մեկը, որ կու գա հրապարակավ վիրավորելու խոնարհության մեջ միշտ բարձրացող չքնաղ գեղեցկություն մը: Ի՞նչ ընեմ, ինչպես անցյալին, այսօր ևս թող վայրկյան մը Ձեր Վիշող և ներող քաղցր նայվածքը ինձ իմ սրտիս մեջ, զավակի մը՝ որ կույե այս պահուս անվերապահության մը հաճույքը վայելե, թարգմանը հանդիսանալով Սրբոց Հակոբյանց ողջ միաբանության և Ձերդ Ամենապատվության տասնյակ ու տասնյակ աշակերտական խումբին ամենաանկեղծ պագումներուն»:

Ապա Սարգիս սրկ. Թալալգյան մեներգեց Օհան Տուրյանի կողմե դաջնավորված Եղիվարդի «Լարդան»-ը: Արամ սրկ. Ալճան-

յան տված հոբելյար Սրբազանի կենսագրությունը, իսկ Լուսինյան արք. Շերպետյան մեներգեց գուսան Աշոտի «Օձախում» երգը: Միհրան արկ. Քչըքըրդյան հատված մը կարդաց Եղիվարդի «Օտարական»-են, իսկ Արամ արկ. Ալճանյան մեկներգեց Շահան Ռ. Պերպերյանի դաշնավորած Եղիշե Դուրյան Պատրիարքի «Խաչը», որմե ետք Սարգիս արկ. Թալալյան առենախոսեց Նորին Ամենապատվության գրական վաստակի մասին: Գերշ. տեսուչ Սրբազան Հոր հակիրճ տեղեկագրեն վերջ, տեղի ունեցավ մրցանակաբաշխություն, և ուսումնական լավագույն արդյունքներ ձեռք բերող ժառանգավոր սաներ արժեքավոր գիրքեր նվեր ստացան Նորին Ամենապատվությունեն: Իսկ ժառանգավորաց Ե դասարանի սաներ՝ Սարգիս արկ. Թալալյան, Միհրան արկ. Քչըքըրդյան, Արամ արկ. Ալճանյան և Պողոս արկ. Շահանյան Նորին Ամենապատվությունեն ստացան իրենց վկայականները: Մրցանակներ տրվեցան նաև արտասանության և երգի մրցանքի առաջին հանդիսացողներուն:

Ապա գերշ. տեսուչ սրբազանը խնդրեց Նորին Ամենապատվությունեն, որ ընե փանման խոսքը: Հոբելյար Պատրիարք Հայրը, պզալպես հուզված, ըսավ.


«Ներկա եղանք բոլորս ժառանգավորաց վարժարանի գեղեցիկ այս հանդեսին, լսեցինք երգերու և արտասանություններու մրցանքը, և վստահ եմ, թե բոլորս եկանք այն եպրակացության, որ նոր ոգի մը իր լուսավոր գլուխը սկսած է շարժել այս հաստատությունեն ներս, և այս, անտարակույս, ինչպես մեզի, այնպես ալ ձեզի համար սրտա-հույս երևույթ մըն է: Երուսաղեմի ժառանգավորաց վարժարանը կարևոր առաքելություն մը ունի: Մենք չենք ուզեր այս հաստատության մեջ պատրաստել հայերեն գիտցող բժիշկներ, փաստաբաններ և կամ ապատ ուսումներու ներկայացուցիչներ, այլ՝ մեր պատմության, լեզվին և անցյալին գիտակ մարդեր, որոնք կարենեն քննել և ուսումնասիրել մեր արժեքները:

Օրերը տրտում են. արտասանմանի մեր վիճակը իրապես տխուր է: Ժամանակն է, որ մեր երիտասարդ աշակերտները սրբեն իրենց հոգին ստորապագության փոշին և գիտնան, թե իրենք մեծ ժողովուրդի մը, մշակույթ ստեղծող մեծ ժողովուրդի մը վավակներն են: Մենք աղքատ Ղապարոսներ չենք՝ ուրիշներու պատին տակ կեցած. եթե եղանք ժամանակվան մը համար, իրագործեցինք նույնիսկ և կրցինք ըլլալ այն, ինչ որ մեր իրավունքն էր ըլլալ և ինչ որ մեր իրավունքն էր եղած դարերով: Ժամանակին, միջին դարուն, և անկե առաջ, մեր մշակույթի ջահը վեր բռնած էին մեր վանքերը: Անցած են ժամանակները, և այսօր կարծեք թե խաչաձևված ճամբաներու վրա և խաչաձևված ճամբաներու մեջեն նորեն մեր վանքերն են, որ պետք է ստեղծեն այն, ինչ որ անոնք ստեղծեցին իբրև պատվարներ, իբրև ոսկյա դղյակներ ժամանակի անորոշության մեջեն: Ըսի ձեզի թե մենք հայերեն գիտցող բժիշկներ և փաստաբաններ չէ, որ կուզենք տալ այս հաստատությունեն, անոնք չեն կրնար մեր գոյամարտին մեջ մեզ օգնել. մեզ փրկողը պիտի ըլլան միայն ու միայն մեր վանքերեն դուրս ելած մեր անցյալը, մշակույթը, մեր հոգեկան և մտքի արժեքները յուրացուցած տղաքը: Հետևաբար, սիրելի շրջանավարտներ, գոտեպնդվեցեք և կացեք ձեր ասպարեզին շեմին վրա և ըսեք թե, եթե ուրիշներ կիսանան մեր լեզվին, պատմության և մշակույթին վրա, մենք կը սքանչանանք անոնցմով և պիտի ընենք այն, ինչ որ մեր ժողովուրդը և նախնիքը ըրած են դարերով և եկած ու հասած են հոս»:

Հանդեսը վերջ գտավ Ս. Աթոռի օրհներգ «Օրհնեցեք ՎՏԵՐ» շարականի հոտնկայս երգեցողությամբ: Ապա Պատրիարքարանի շքեղ դահլիճին մեջ տեղի ունեցավ ընդունելություն:

ՏԵՍՏՈՒԹՅՈՒՆ ԺԱՌԱՆԳԱՎՈՐԱՑ
ՎԱՐԺԱՐԱՆԻ ԵՎ ԸՆԾԱՅԱՐԱՆԻ





ԵԿԵՂԵՑԱԿԱՆ ԲԵՄ. ԼՈՒՐԵՐ

Հոկտեմբերի 3-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Տ. Ներսես եպս. Պոպապայանը:

«Հայր մեր»-ից առաջ քարոզում է «Եթե պեկուս մարդկան խօսիցիմ եւ Կիրեշտակաց, եւ սէր ոչ ունիցիմ, եղէ ես իբրեւ պպղինձ որ հնչէ, կամ իբրեւ Կծնծղայս որ ղօղանջեն» (Ա Կորնթացիս ԺԳ 1) բնաբանով:

Սրբազան հայրը քարոզում է Փրկիչ Հիսուս Քրիստոսի աստվածային այն մեծ սիրո մասին, որը հիմքն է խաղաղության, եղբայրության, մարդկանց տալիս է բարին գործելու ներքին ուժ և մարդասիրական ավելի զգացումներ:

*
* *

Հոկտեմբերի 9-ին, շաբաթ.—Սրբոց թարգմանչաց վարդապետացն մերոց՝ Մեսրոպայ, Եղիշէի, Մովսիսի Քերթովին, Դաթի Անյաղթ փիլիսոփային, Գրիգոր Նարեկացուն և Ներսիսի Կլայեցուն:

Այսօր Օշականի Ս. Մեսրոպ Մաշտոց եկեղեցում, ի հիշատակումն «Սրբոց թարգմանչաց վարդապետացն մերոց» տոնի, մատուց-

վում է հանդիսավոր ս. պատարագ: Պատարագիչն է ուխտավորաբար Մայր Աթոռում գտնվող Իրաքի հայոց թեմի առաջնորդ Տ. Ավագ եպս. Ասատուրյանը:

Ս. պատարագի արարողության ժամանակ կատարվում է սարկավագական ձեռնադրություն: Սրբազան հայրը սարկավագ է ձեռնադրում Բունոս Արեսից ուխտավորաբար Հայաստան ժամանած Կարապետ Գույումճյանին: Ձեռնադրության արարողությունն ավարտվում է սրբազան հոր «Պահպանիչ»-ով:

«Հայր մեր»-ից առաջ պատարագիչ սրբազանը քարոզում է «Նմանեալ Մովսէսի, Տէր վարդապետ. բերելով զգիր օրինաց ի Հայաստան աշխարհ» (Շարական) բնաբանով:

Սրբազան հայրն իր քարոզում առանձնապես շեշտում է սուրբ թարգմանիչների կատարած բարձրարժեք և անգնահատելի թարգմանությունների մասին, որոնք համաշխարհային մշակույթի մեջ ունեն իրենց պատվավոր տեղը:

*
* *

Հոկտեմբերի 17-ին, կիրակի.—Այսօր Մայր

տաճարում, Ավագ խորանի վրա, ս. պատարագ է մատուցում Տ. Հայկապոն արեղա Նաջարյանը:

«Հայր մեր»-ից առաջ քարոզում է «Գնացե՛ք այսուհետեւ, աշակերտեցե՛ք զամենայն հեթանոսս, մկրտեցե՛ք զնոսա յանուն Հօր եւ Որդւոյ եւ Հոգւոյն Սրբոյ» (Մատթէոս ԻԸ 19) բնաբանով:

Սուրբ պատարագին ներկա էր Վեհափառ Հայրապետը:

*
*
*

Հոկտեմբերի 20-ին, չորեքշաբթի.—Այսօր, երեկոյան, Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ, որի ընթացքում մտքեր են փոխանակվում Հայկապոն արեղա Նաջարյանի՝ Մայր տաճարում հոկտեմբերի 17-ին արտասանած քարոզի կապակցությամբ:

*
*
*

Հոկտեմբերի 22-ին, ուրբաթ.—Այսօր Մայր Աթոռ է ժամանում Ավստրալիայի և Նոր Զելանդիայի հայոց թեմի առաջնորդ Տ. Աղան եպս. Բալիույանը:

Սրբապան հորը «Չվարթնոց» օդանավակայանում դիմավորում է Տ. Մոմիկ վարդապետ Սարգսյանը:

*
*
*

Հոկտեմբերի 24-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Տ. Մոմիկ վարդապետ Սարգսյանը:

«Հայր մեր»-ից առաջ քարոզ է խոսում «Եւ որ ոչ առնու վխաչ իւր եւ գայ վկնի իմ՝ չէ ինձ արժանի» (Մատթէոս Ժ 38) բնաբանով:

Սուրբ պատարագին ներկա էր Վեհափառ Հայրապետը:

*
*
*

Հոկտեմբերի 27-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, գումարվում է միաբանական հավաքույթ:

*
*
*

Հոկտեմբերի 28-ին, հինգշաբթի.—Այսօր, առավոտյան ժամը 10-ին, Ամենայն Հայոց Հայրապետը Վեհարանում ընդունում է Մեծ Բրիտանիայի, ԳՖՀ-ի, Դանիայի, Եվեդիայի, Նորվեգիայի, Բուլղարիայի, ԳՂՀ-ի, Հունգարիայի, Ճապոնիայի և այլ երկրների մի խումբ թղթակիցների, հեռուստատեսության ու ռադիոյի, ինչպես նաև հեռագրական գործակալությունների աշխատակիցների այցելությունը և վրոպց ունենում նրանց հետ:

*
*
*

Հոկտեմբերի 29-ին, ուրբաթ.—Այսօր, առավոտյան ժամը 12-ին, Մայր Աթոռ և Վեհափառ Հայրապետին է այցելում Սովետական Միությունում Ֆրանսիայի արտակարգ և լիազոր դեսպան տիար Կլոդ Առնոնին՝ իր հարգելի տիկնոջ հետ:

Հայոց Հայրապետի և մեծարգո պարոն դեսպանի միջև տեղի է ունենում վրոպց՝ բարեկամական ջերմ մթնոլորտում:


*
*
*

Հոկտեմբերի 31-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում ուխտավորաբար Մայր Աթոռում գտնվող Տ. Աղան եպս. Բալիույանը:

«Հայր մեր»-ից առաջ քարոզում է պատարագիչ սրբապանը՝ «Ահա ահա իմ մայր իմ եւ եղբարք իմ. Զի որ առնիցե վկամս Աստուծոյ՝ նա է իմ եղբայր եւ քոյր եւ մայր» (Մարկոս Գ 33) բնաբանով:

Սուրբ պատարագին ներկա էր Վեհափառ Հայրապետը:





ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ ՆԵՐԿԱՅԱՑՈՒՑԻՉՆԵՐԸ ՄԱՅՐ ԱԹՈՌՈՒՄ

Սույն թվականի հոկտեմբերի 12—15 օրերին պաշտոնական այցով Մայր Աթոռում եր գտնվում Եկեղեցիների Համաշխարհային Խորհրդի պատասխանատու աշխատողներից բաղկացած մի պատվիրակություն: Պատվիրակության կազմում էին ԵՀԽ-ի կենտրոնական կոմիտեի անդամ Մակարիոս արքեպիսկոպոսը (Եթովպական Եկեղեցի), Կորեայի քրիստոնեական ակադեմիայի տնօրեն և ԵՀԽ-ի գործադիր կոմիտեի անդամ դոկտ. Վոն Իոնգ Կանգը, Սեուլի ազգային համալսարանի պատմության ֆակուլտետի պրոֆ. Ին-Հո Լին և ԵՀԽ-ի գլխավոր քարտուղարի օգնական, Հավատո և Կարգի հանձնաժողովի ատենապետ պրոֆ. Տոդոր Սաբը:

Հոկտեմբերի 12-ին, երեքշաբթի օրը, «Ձըվարթնոց» օդանավակայանում Մայր Աթոռի հյուրերին դիմավորեցին և բարի գալուստ մաղթեցին Մայր Աթոռի դիվանապետ Ս. Ներսես եպիսկոպոս Պոպապայանը և Մայր Աթոռի միջեկեղեցական հարաբերությունների բաժնի աշխատակից Ս. Ստեփանոս վարդապետ Չաքալյանը:

Այնուհետև հյուրերը ավտոմեքենաներով առաջնորդվեցին Էջմիածնի Մայրավանք և տեղավորվեցին Մայր Աթոռի վանատանը իրենց հատկացված հարկաբաժիններում:

Հոկտեմբերի 13-ին, առավոտյան ժամը 10-ին, Վեհարանում ԵՀԽ-ի ներկայացուցիչներին ընդունեց և բարի գալուստ մաղթեց Ամենայն Հայոց կաթողիկոս Վազգեն Առաջինը: Հայոց Հայրապետի և Մայր Աթոռի հյուրերի միջև տեղի ունեցավ սիրալիր զրույց եղբայրական ջերմ մթնոլորտում:

Ժամը 12-ին հյուրերն այցելեցին հոգևոր ճեմարան, որտեղ նրանց ընդունեցին ճեմա-

րանի տեսուչ Ս. Եսնիկ քահանա Պետրոսյանը և փոխտեսուչ Ս. Հայկապոն արեղա Նաջարյանը: Հոգևոր ճեմարանի տեսչական կազմի և հյուրերի միջև տեղի ունեցավ զրույց, որի ընթացքում ԵՀԽ-ի ներկայացուցիչներին բացատրություններ տրվեցին հոգևոր ճեմարանի պատմության, դասախոսական և ունանողական կազմի, ուսումնադաստիարակչական աշխատանքների դրվածքի, դասավանդվող կրոնական առարկաների ուսուցման և հարակից այլ հարցերի մասին: Ապա Մայր Աթոռի հյուրերն այցելեցին Մայր տաճար, ծանոթացան Մայրավանքի թանգարաններին, եղան «Ալեք և Մարի Մանուկյան» նորաբաց գանձատանը, ինչպես նաև Ս. Հռիփսիմե և Ս. Գայանե վանքերում:

Նույն օրը, ժամը 14.30-ին, Վեհափառ Հայրապետը, ի պատիվ Մայր Աթոռի մեծարգո հյուրերի, Վեհարանի սեղանատանը տվեց պաշտոնական ճաշկերույթ, որին ներկա եղան հայ բարձրաստիճան հոգևորականներ:

Երեկոյան հյուրերը Երևանում ծանոթացան մայրաքաղաքի տեսարժան վայրերին:

Հոկտեմբերի 14-ին, հինգշաբթի օրը, առավոտյան, ԵՀԽ-ի պատվիրակությունն այցելեց Ս. Մեսրոպ Մաշտոցի անվան Մատենադարան, որտեղ մանրամասն բացատրություններ տրվեցին նրանց ձեռագրատանը ի պահ դրված հայ մշակույթի հնագույն գանձերի մասին: Ապա հյուրերը մեկնեցին Գառնի, այցելեցին տեղի հեթանոսական տաճարը և այնտեղից ուղևորվեցին դեպի Ս. Գեղարդի պատմական վանք, որտեղ նրանց ջերմորեն դիմավորեց և բարի գալուստ մաղթեց վանքի վանահայր Ս. Շղիշե ավագ քահանա Սարգըսյանը: Այստեղ ևս պատվիրակության ան-

դամները մեծ հետաքրքրությամբ ծանոթացան միջնադարյան այս հռչակավոր վանքի պատմությանն ու նրա վիմափոր տաճարներին:

Ժամը 14-ին վանքի հյուրասրահում, ի պատիվ Մայր Աթոռի հյուրերի, տրվեց ճաշերույթ, որն անցավ սիրալիր եղբայրական մթնոլորտում: Այնուհետև հյուրերը հրաժեշտ տվեցին վանահորն ու վանքի միաբաններին և լավագույն տպավորություններով վերադարձան Երևան:

Նույն օրը, երեկոյան, Երևանի Ս. Սարգիս առաջնորդանիստ եկեղեցում ԵՀԽ-ի ներկայացուցիչները ներկա եղան երեկոյան ժամերգությանը և մասնակցեցին եկումենիկ արդյթին:

Հետևյալ օրը, հոկտեմբերի 15-ին, առավոտյան ժամը 11-ին, ԵՀԽ-ի պատվիրակությունն այցելեց Ծիծեռնակաբերդ և ծաղկեպսակ վետեղեց Հայ նահատակաց հուշարձանին: Այստեղ տեղի ունեցավ հոգեհանգըստյան կարճ արարողություն, ապա հյուրերից յուրաքանչյուրն իր լեզվով հոգվոց արտասանեց Ապրիլյան եղեռնի զոհերի հիշատակին:

Ժամը 13-ին Մայր Աթոռի միջեկեղեցական

հարաբերությունների բաժնում ԵՀԽ-ի պատվիրակության և Մայր Աթոռի ներկայացուցիչների միջև տեղի ունեցավ խորհրդակցական հանդիպում: Սույն հանդիպմանը Մայր Աթոռի կողմից մասնակցեցին հյուրաբար Մայր Աթոռում գտնվող Ս. Շահե արքեպիսկոպոս Աճմյանը, Ս. Ներսես եպիսկոպոս Պոպապայանը, Ս. Ստեփանոս վարդապետ Չաքալյանը, Ս. Հայկապուն արքեղա Նաջարյանը, Ս. Եսնիկ քահանա Պետրոսյանը և Մայր Աթոռի միջեկեղեցական հարաբերությունների բաժնի ընդհանուր քարտուղար Պարզև Շահբապյանը:

Խորհրդակցության ընթացքում քննության առնվեցին մասնավորապես կրոնական դատարարական և Եկեղեցիների միության վերաբերող մի շարք այժմեական հարցեր:

Ժամը 13-ին հյուրերը Վեհարանում հրաժեշտ տվեցին Ամենայն Հայոց կաթողիկոսին՝ իրենց շնորհակալ զգացումներն արտահայտելով Նորին Սրբությանը՝ պատվիրակության նկատմամբ Մայր Աթոռի կողմից ցույց տրված սիրալիր և ջերմ ընդունելության համար:

Նույն օրը, երեկոյան, ԵՀԽ-ի պատվիրակությունը մեկնեց Մոսկվա:



ԱՐԴԱՄԱԿԱՆ ԺԱՌԱՆԳԱԿԱՆ ՄԵՂՔԸ

Երբ մեղքի մասին խոսվում է կրոնական իմաստով, նկատի է առնվում այն հարաբերությունը, որ գոյություն ունի մարդու և Աստծու միջև, ի տարբերություն մարդու զգացումների և գիտակցության միջև եղած հարաբերության:

Մեղքը, կրոնական տեսանկյունից դիտած, ամենևին կապ չունի մարդկանց կողմից երևույթների սուբյեկտիվ ընկալման հետ, ըստ որի, ինչ որ մեկի համար մեղք է թվում, մյուսի համար հակառակն է: Ե՛վ եբրայական, և՛ քրիստոնեական մտածելակերպը մեղքն ընդունում է որպես իրականություն, որպես գոյություն ունեցող աններդաշնակություն մարդու և Աստծու միջև: Աստվածաբանական մտածելակերպով ինչքան էլ ջանք թափվի մեղքը որպես բարոյականություն, որպես լույսի անհետացում և որպես ներդաշնակության կորուստ բանաձևելու, այսուհանդերձ չի կարելի ժխտել իրականությունը չարի, խավարի և աններդաշնակության: Պետք է ի մտի ունենանք, որ լույսը, բարին կամ ներդաշնակությունը սկզբնազո իրականություններ են, իսկ դրանց հակադիրը մեղքն է՝ արդյունքը գոյություն ունեցող այն նախանձոտ և բարությունից մերկացված ուժի, որ կրոնական լեզվով սատանայական իշխանություն է կոչվում, և որին հաճախ անձնատուր է լինում մարդկային ազատ կամքը:

Որովհետև մեր հավատքը հիմնված է աստվածային հայտնությունների վրա, կարելի է ասել, որ մեղքի գիտակցությունն էլ մեր մեջ առաջացել է այդ հայտնությունների շնորհիվ, որով և կարող ենք չարը բարուց պանականել: Աստվածային Ս. Հոգին «գալով» պիտի ապացուցի աշխարհին, որ նա սխալ է մեղքի և արդարության հարցում և դատաս-

տանի հարցում: Մեղքի հարցում որովհետև ինձ չեն հավատում. արդարության հարցում որովհետև իմ Հոր մոտ եմ գնում, և այլևս ինձ չեն տեսնի. դատաստանի հարցում որովհետև այս աշխարհի իշխանը դատապարտված է» (Հովհ. ԺՁ 8—11):

Որչափ Աստված մերձենա մարդուն, բաժնեկից դարձնի նրան իր գութին ու սիրույն, այն չափով էլ մարդն ավելի ու ավելի կսկսի ճանաչել իր մեղավոր վիճակը: Աստծու հետ ունեցած իրենց մերձավորությունն էր, որ մաքրավարդեց սրբերին մեղքի տիգից, ալլապես նրանք էլ այլոց նման պիտի նստեին «ի խաւարի»:

Երբ մեղքով է լցված մարդու սիրտը, աստվածայինը չի կարող այնտեղ բույն դնել: Մարդը կորցնում է Աստծուն ընդունելու իր ունակությունը: Այլ խոսքով՝ մարդն ի վիճակի չի լինում իր կարողության չափով փոխադարձել Աստծու անսահման գութն ու սերը:

Աստծու գութի կամ շնորհքի նկատմամբ անտարբեր չլինել և փոխադարձաբար սիրել Նրան՝ կնշանակի հեռանալ մեղքից. ավելին՝ պարտավորություն ստանձնել մեր նմանների նկատմամբ: Այդ պարտավորությունը կայանում է միմյանց սիրելու մեջ, որովհետև «ուլ չի սիրում իր եղբորը, որին տեսնում է, ինչպե՞ս կարող է սիրել Աստծուն, որին չի տեսել» (Ա Հովհ. Դ 20):

Այսպիսով, մեղքը խաթարում է սիրո կապը Աստծու հետ, ինքնաբերաբար նաև՝ սիրո կապը մարդկանց միջև: Սրան լավագույն օրինակ կարող է ծառայել Ս. Գրքում մեջբերված մարդու անկման պատմությունը, որտեղ երբ Ադամը Աստծուց պատասխանատվության է կանչվում, հանցանքը գցում է Եվայի

վրա և դրանով խորտակում մինչ այդ տղամարդու և կնոջ միջև գոյություն ունեցող վնասանության կապը: Նույնն է պարագան նաև ընտանեկան կյանքում, երբ մեկի գործած մեղքը անդրադառնում է բովանդակ ընտանիքի վրա և քայքայում գոյություն ունեցող ներդաշնակությունը:

Երբ խոսում ենք մեղքի մասին, չենք կարող ջրջանցել Սուրբ Գրոց արդի մեկնաբանների, այդ թվում և մի շարք հայտնի աստվածաբանների այն տեսակետները, որոնք մթազնում են մեղքի և նրա ծագման վերաբերյալ ավանդական տեսությունները: Ըստ նրանց, մեղքը դիտվում է որպես մարդկային ընկերության և վարք ու բարքի արտադրանք կամ որպես յուրատեսակ մի հիվանդություն, որն ինքնին դատապարտելի չէ: Սրանով տկարանում է մեղքի բարոյական հասկացությունը և այն դառնում է ինչ-որ հարաբերական ախտանիշ: Ինչ են սակայն այդ ախտանիշի դրդապատճառները. որտեղից է այն եկել ու հաստատվել հասարակության մեջ. ինչո՞ւ համար, օրինակ, դատապարտում ենք ավթոդական պատերազմները, ռասիզմը, գողությունը, կաշառակերությունը և այլն, եթե դրանք մեղանշական հասկացություններ չեն, այլ որևէ մի հասարակության պահանջը լրացնող արտադրանք, որը, նայած թե բժիշկը ինչ ակնոցով է դիտում, կարելի կլինի գնահատել որպես լավ կամ վատ: Երբ մեղքն այսպես հարաբերական հասկացության է վերածվում, բնականաբար նվազեցվում է նրա վտանգավոր և վնասաբեր բնույթը, այնպես որ նրա լծի տակ ընկնողը միշտ էլ կկարողանա արդարացման ինչ-որ հենակետ գտնել:

Ինչ չափով որ սխալ է մեղքը ընկերային արտադրանք նկատելը, նույնչափ և ավելի ևս սխալ է մեղքի հասկացության մեջ ընկնող հայտնի երևույթներին մի այնպիսի պորություն վերագրելը, որից անհնարին լինել ձերբազատվել: Եկեղեցին ընդունում է, որ մեղքը մի իրականություն է և ունի իր այլպան երեսները, սակայն այն հաղթահարվում է, երբ մարդ ապավինում է Աստծու շնորհին և պահքով ու աղոթքով սպառապինվում նրա դեմ (Հմտ. Մտթ. ԺԷ 20):

Մեղքը այնքան բազմատեսակ է և այնպիսի անդնդային խորություն ունի, որ վերևից դիտելիս չես կարող իմանալ նրա խորքը, չի երևի նրա հատակը, իսկ եթե ցածր իջնես, չես հասնի նրա հատակին: Հետևաբար մեղքը ինչքան էլ ուսումնասիրվի և տեսակավորվի, էլի մնում է խորհրդավոր և անսահմանելի:

Վերևում ասվեց, որ մեր հավատքը հիմնված է աստվածային հայտնությունների վրա, և որ մեղքի գիտակցությունն էլ մեր

մեջ առաջացել է շնորհիվ այդ հայտնությունների: Ուրեմն աստվածային առաջին հայտնության հետ Կուզնթաց գործվում է նաև Ս. Գրքում հիշատակված առաջին մեղքը, որը Եկեղեցին սկզբնական (Peccatum originale), ադամական կամ ժառանգական (Peccatum hereditarium) մեղք է անվանում:

Ինչ է նրա էությունը:

Հենվելով Ս. Գրքի տվյալների վրա՝ Եկեղեցին ուսուցանում է, որ սկզբում մարդկային կյանքը այնքան սերտ հաղորդակցության մեջ էր Աստծու հետ, որ նրա մեջ չէր կարող տեղ ունենալ մեղքը: Մարդու այս սկզբնական վիճակը բնութագրվում է որպես դրախտային դրություն կամ նախնական վիճակ:

Դրախտային այս դրությունից հեռացումը սկիզբ է դնում աստվածային փրկագործության խորհրդին, որն ուրիշ բան չէ, եթե ոչ մարդկանց վերադարձնել իրենց նախնական դրությանը (Հմտ. Ես ԾԹ 20. Մտթ. ԺԸ 11. Ա Պետր. Ա 18): Մյուս կողմից էլ հայտնի է, որ հակաստվածայինը, այսինքն՝ մեղքը խորթ մի վիճակ է մարդու համար: Մարդը կոչված է աստվածայինին, քանի որ Աստծու պատկերի նմանությամբ է ստեղծվել:

Մեղքի նկատմամբ դրսևորվող սուրբ գրային առաջին գիտակցությունն սկսվում է Ադամ և Եվայի կատարած մեղանշումով, մի մեղանշում, որ տարածվում է հետագա բոլոր սերունդների վրա, որովհետև մարդիկ իրենց ծննդով այն հանցապարտ իրավիճակն են ժառանգում, որն առաջացավ նախամարդու պատվիրապանցությամբ, երբ նա Աստծուն դեմ գալ փորձեց և ուզեց համեմատվել նրա հետ¹: Այսպիսով, սկզբնական մեղքը ստանում է ժառանգական բնույթ:

Ինչ վերաբերում է ժառանգական մեղքին, հարկավոր է նշել, որ արդի մի շարք աստվածաբաններ, մեծավ մասամբ ավետարանական Եկեղեցուց, հարցականի տակ են դրնում այս ավանդական տեսությունը: Նրանք գտնում են, որ նախամարդու հանցանքը չի կարող ամբողջ մարդկությունը պատռնասել, թե մարդիկ պետք է ձերբազատվեն անցյալից եկած այդ բեռան ճնշումից, թե մի ժառանգական մեղք չի կարող ժառանգորդին պատասխանատվության ենթարկել և թե, վերջապես, մեկի անհատական գործը չի կարող ուրիշի ժառանգությունը լինել²:

¹ Յուդաքանչյուր օրենք, լինի դա աստվածային թե մարդկանց կողմից հաստատված, նախադրում է այդ օրենքը զանցելու մարդկային ապատությունը: Աստվածադիր օրենքը կապում է մարդկանց Աստծու հետ, որպեսզի նրանք իրենց ապատ կամքի շնորհիվ չընտրեն հակաստվածայինը:

² K. Barth. Die Kirchliche Dogmatik, IV, էջ 855:

Հին Կտակարանի կանոնական գրքերում էլ թեև մահը մեղքի արդյունք է համարվում (Սիրք. ԻԵ 33, Իմաստ. Ա 13—16), սակայն ոչ մեկ տեղ ակնարկություն չկա աղանակական ժառանգական մեղքի մասին, այլ շեշտը դրվում է անհատական մեղքի վրա:

Նոր Կտակարանում, սակայն, վարդապետում է մի տեսություն, որն իր հիմքում նկատի ունի աղանակական մեղքը, և որի հիման վրա Եկեղեցին առաջ է քաշում ժառանգական մեղքի գաղափարը: Հիսուսը, օրինակ, Աբրահամի հայրությանը հպարտացող հրեաներին, որոնք մերժում էին լսել Աստծու ձայնը, հասկացնում էր, թե իրենք մեղանշական ծագում ունեն և ասում էր. «Դուք հոր կողմից սատանայից եք, և ձեր հոր ցանկություններն եք կամենում կատարել»³. այսինքն՝ հեռացած եք Աստծուց և հակաաստվածային դրություն մեջ եք: Իսկ ի՞նչ պետք է անել նորից մերձենալու համար Աստծուն: Հարկավոր է վերստին ծնվել. «Ճշմարիտ, ճշմարիտ եմ ասում քեզ, եթե մեկը չի ցույց տա ինչ կարող Աստծու արքայությունը մտնել, որովհետև մարմնից ծնվածը մարմին է, իսկ Հոգուց ծնվածը՝ հոգի»⁴:

Պողոս առաքյալը իր թղթերում պարզաբանում է ժառանգական մեղքի գաղափարը: Ա Կորնթ. ԺԵ գլխում, ակնարկելով ժառանգական մահվան, նա ասում է. «Քանզի մի մարդով մահ եղավ և մի մարդով՝ մեռելների հարություն: Ինչպես Ադամով բոլորը մեռնում են, նույնպես և Քրիստոսով ամենքը պիտի կենդանանան»: Մի ուրիշ տեղ, Հռոմեացից թղթի հինգերորդ գլխում, նույն առաքյալը Ադամ-Քրիստոս համեմատությունը կատարելիս՝ գեղեցկապես բառերով բացատրում է, թե ինչպես ապաստվեց մարդկությունը Ադամի ժառանգ թողած մեղանշական դրությունից՝ ստանալով Աստծու շնորհքն ու պարգևները՝ Հիսուս Քրիստոսի շնորհիվ:

«Այա ուրեմն, ինչպես մեկի հանցանքով բոլոր մարդիկ դատապարտության մատնվեցին, նույնպես և մեկի արդարությամբ բոլոր մարդիկ պիտի հասնեն կյանքի արդարության. որովհետև մեկի անհնազանդությամբ մեղավորները բազում եղան, նույնպես և մեկի հնազանդությամբ արդարները բազում պիտի լինեն»⁵:

Այս կասկածությանը արժե կարգալ նաև նույն թղթի վեցերորդ գլուխը: Պետոս առաքյալի ընդհանրական թղթում նույնպես հանդիպում ենք հետևյալ մտքին. «Իմացեք, որ ապականացու արժաթեղենով և ոսկեղե-

նով չէ, որ փրկվեցիք ձեր հայրենավանդ ունայն ընթացքից, այլ թանկագին արյամբ Քրիստոսի, որ անբիծ և անարատ է, ինչպես գառը»⁶:

Նոր Կտակարանով կարելի է հակադրվել և հերքել ավետարանական Եկեղեցու աստվածաբանների և տարբեր մտածողների տեսակետները ժառանգական մեղքի նկատմամբ: Թե՛ կրոնական և թե՛ մարդկային տեսակետներից դիտելով՝ վտանգավոր է մեղքը մարդկային բնության մեկ հատկանիշ նկատել և ընդունել գոյությունը միայն անհատական մեղքի, որովհետև դրանով պարտավոր ենք ընդունել նաև, որ մարդու մեջ գոյություն ունի մի «չար սկզբունք», ինչ որ նշանակում է դուալիզմի մոլորության մեջ մտնել: Սուրբ Գիրքը ամբողջ ստեղծագործությունը, ներառյալ մարդը, հայտարարում է բարի: Մեղանշական դրությունը ժառանգաբար մեկ հասած մի ժամանակավոր դրություն է, որից ձեր բազմապատկում է մարդ, երբ մկրտությամբ երկնավոր Հոր որդեգրությունն է ստանում՝ լինելով ժառանգակից Քրիստոսի և տաճար Հոգվոյն Սրբո՛ւ:

Ժառանգական մեղքը անհնար է բաժանել փրկագործության խորհրդից և հակառակը: Մարդկանց ապականված դրության պատճառով էր, որ տեղի ունեցավ ջրհեղեղը, այդ նույն դրությունն էր, որ վրկեց ուխտագրո՞ւմ հրեա ժողովրդին Աստծու ընտրյալ ժողովուրդ լինելու հանգամանքից, այդ նույն դրությունն էր, որ պատճառ եղավ Աստծու գթասրտության, որով նա իր Միածին Որդուն՝ Հիսուս Քրիստոսին, երկիր ուղարկեց՝ նրա արդար արյամբ մի նոր ուխտ կնքելու համայն մարդկության հետ՝ վերահաստատելու համար նրանց սկզբնական անարատ դրության մեջ: Եթե հավատում ենք փրկագործության խորհրդին, ուրեմն պետք է ընդունենք նաև ժառանգական մեղքի գոյությունը: Եթե նախա-մարդու գործած մեղքը անձնական բնույթ ունի և ազդեցություն չի կարող թողնել ապագա ժառանգների վրա, ուրեմն Քրիստոսով եղած փրկագործությունը վերաբերում է միայն նախամարդուն և ոչ թե համայն աշխարհի մարդկությանը, իսկ նրա զոհագործումն էլ չի կարող արժեք ունենալ Քրիստոսին հաջորդող սերունդների համար: Այս տեսակետը սխալ է, և ուղղափառ Եկեղեցին փրկագործության խորհրդով ջնջված աղանակական ժառանգական մեղքի նկատմամբ իր

³ Հովհ. Ը 44:

⁴ Հովհ. Գ 5—6:

⁵ Հռոմ. Ե 18—19:

⁶ Ա Պետր. Ա 18—19:

⁷ Այս մասին տես Հայց. Եկեղեցվո մկրտության բանաձևը:

հավատքն արտացոլում է Սուրբ Մկրտության խորհրդի մեջ:

Այժմ բերենք այս մասին մի քանի վկայություններ եկեղեցական հայրերից:

Գրիգոր Նյուսացին «Լեռան քարոզ»-ի մասին գրած իր մեկնության մեջ նշում է. «Փոխանակ դրախտային բերկրալի կյանքի, ժառանգեցինք մի երկիր՝ լիքը տառապանքով և հիվանդությամբ: Փոխանակ այն երանելի դրության, բազմապիսի դժբախտություններ հնձեցինք: Փոխանակ հրեշտակների հետ միասին լինելով՝ վեհագույն ընկերակցությունը վայելելու, դատապարտված ենք ապրելու երկրի կենդանիների հետ, որովհետև մենք հրեշտակային և բերկրալի կյանքը փոխանակեցինք կենդանիների կենաց հետ»⁸:

«Զարը որոշ չափով դարձել է մեր բնության բաղկացուցիչ մեկ մասը՝ մեր նախահոր և նախամոր կատարած հանցանքի հետևանքով: Նրանք իրենք իրենց մեղքին հանձնեցին և իրենց անհնազանդությամբ ընթացք տվեցին հիվանդությանը»⁹:

Եփրեմ Խուրի Ասորիի «Մծբնական երգեր»-ում մարգարեներն ու արդարները սատանայի կողմից նկատվում են Ադամի մարմին զգեցած մարդիկ, սակայն նրանցում գոյություն ունի նաև աստվածայինը, նրանք մարդ և Աստված են, ու սատանան ի պորտ չէ նրանց վրա իշխանություն բանեցնելու: Այնտեղ, ի միջի այլոց, կարդում ենք նաև հետևյալը. «Ես տեսա Ադամին, որն այն աշխարհ է, որտեղից դուրս են գալիս բոլոր սերունդները: Քննեցի նրա զավակներին և փորձեցի յուրաքանչյուրին, սակայն նրանցում ոչ ոքի չգտա, որ լինեի մեկ մասով Աստված, իսկ մյուս մասով՝ մարդ: Ես փորձեցի նույնպես Մովսեսին, որը լուսի փայլով էր ճառագայթում, և նրան, իր իսկ լեզվով, շփոթության մեջ գցեցի»¹⁰:

Գրիգոր Նազիանզացին գրում է. «Նա, որ սկզբում մարդուն ստեղծեց՝ ապառ ու ինքնիշխան անելով, միայն պատվիրանի օրենքին ենթարկեց նրան և դրախտային բերկրության առատությամբ օծեց: Առաջին մարդուն հատկացնելով և նվիրելով այս շնորհները՝ դրանք նվիրած եղավ նաև հաջորդող բոլոր սերունդներին: Միայն նրան, ով պահում էր պատվիրանը, տրված էին առատությունն ու ապատությունը. պատվիրապանությանը սակայն հետևում էր աղքատություն և ստրկություն»:

«Այն օրվանից, երբ հանդես եկան նախանձն ու կռվարարությունը, ինչպես նաև օձի խորամանկ ուժը, որ միշտ հակամետ է զգայական թուլությամբ մոլորեցնելու և ուժեղներին տկարների դեմ գրգռելու, տրոհվեց միասնականությունը այլապանության մեջ, և բնության անվագույնը քայքայվեց ընչասիրության հետևանքով և բռնատիրական օրենքների օժանդակությամբ: Ուշադրություն դարձրու սկզբնական միության և ոչ թե հետագա քայքայվածության, Արարչի օրենքներին և ոչ թե բռնապետների հրահանգներին»¹¹:

«Պետք չէ, որ լուծը ավելի ծանր լինի և ժառանգական մեղքի պատիժը՝ ավելի ճնշի: ...Մեր թշվառության պատճառ եղողը [դրախտի] այն ծառն է, այն անիծյալ ճաշակումը, այն մոլորեցնող օձը, այն անհնազանդությունը, որ ճակտի քրտինք շարտեց կյանքին»¹²:

Իրենեոս Լիոնացին «Ընդդեմ հերետիկոսաց» գրքում¹³ գրում է. «Բայց սա Ադամն է, և եթե մարդ ճշմարտությունն է ուզում անել, սա այն առաջնաստեղծ մարդն է, որի մասին, համաձայն Սուրբ Գրքի, Տերն ասում է. «Հորինեց մարդուն մեր պատկերի նմանության համաձայն»: Մենք բոլորս նրանից ենք և այդ իսկ պատճառով նրա անունն ենք ժառանգել: Բայց եթե մարդը փրկվելու է, ուրեմն փրկվելու է նաև այն մարդը, որն սկզբից գոյացավ: Անմտություն կլինեի, եթե նա, ով ուժգինս խոցված էր թշնամուց և ով գերվածների առաջինն էր, չփրկվեր նրանից (այսինքն՝ Քրիստոսից), ով հաղթեց թշնամուն, այլ փրկվեին միայն նրա զավակները, որոնց նա միևնույն գերության մեջ էր ծնել»¹⁴:

Լիոնացու հիշյալ հատվածում ցույց է տրվում մինչև Ադամ հասնող մարդկային բոլոր սերունդների առնչվածությունը միմյանց հետ: Այս իսկ պատճառով Քրիստոսով եղած փրկությունը վերաբերում է բոլորին, այդ թվում և Ադամին:

«Նրա զավակները» արտահայտությամբ Լիոնացին նկատի ունի Ադամին հաջորդող սերունդները, որոնք թեև մեղքի գերության մեջ են ծնվում, սակայն Քրիստոսով փրկվում են:

¹¹ *Gregor von Nazianz*, I Band, München, 1928, էջ 294:

¹² Անդ, էջ 401:

¹³ Սույն գրքի Դ և Ե մասերը հայերեն մի տարբերակ ունեն, որոնք լույս են տեսել գերմաներեն լեզվով Կարապետ Տեր-Մկրտչյանի և Երվանդ Տեր-Միսայանի կողմից, Լայպցիգ, 1910 թ.:

¹⁴ *Irenaeus*, München, 1912, էջ 311:

⁸ *Gregor von Nyssa*, München, 1927, էջ 204:

⁹ Անդ, էջ 216:

¹⁰ *Ephräm der Syrer*, I Band, München, 1919, էջ 291:



ԿԱՐՃ ՔԱՐՈՉՆԵՐ

Հաճույքով և գնահատանքով հրատարակում ենք Տ. Կարեն քին. Կտանյանի «Կարճ քարոզներ» խորագիրը կրող ժողովածուից քաղված հետևյալ երեք քարոզները, որոնց մեջ շինիչ և դաստիարակիչ բովանդակության հետ ի հայտ է գալիս աշխույժ ու գրավիչ մի ոճ:

ԽՄԲԱԳՐՈՒԹՅՈՒՆ

«ԲԱՐԿԱՆԱՅՔ ԵՒ ՄԻ ՄԵՂԱՆՉԷՔ»

Բարկությունը մարդկային կյանքի մեջ, ամենօրյա, ընդհանրական և ընդունված իրականություն մըն է: Ամեն մարդ կբարկանա, ամեն մարդ կջղայնանա, ամեն մարդ կհույսի: Եվ սակայն բարկության վանապան կերպեր գոյություն ունին, պայրույթի վանապան աստիճաններ կան: Ասոր համար է թերևս, որ սաղմոսներու հեղինակը, ասկե հապարավոր տարիներ առաջ, քարոզած և ըսած է. «Բարկացեք, բայց մի մեղանչեք»:

Բարկությանց մեկ կարևոր մասը կարելի է իրավացի կամ բնական անվանել: Առօրյա խոսակցության մեջ շատ հաճախ «արդար պայրույթ» ասությունը կգործածենք: Աստված անգամ կբարկանա: Հիսուս երբ բարկացավ, խարապան առավ և Աստուծո տունը շուկայի վերածող մարդիկը վռնտեց: Մովսես իր պայրույթեն պատվիրաններու տախտակը փշրեց, և Հովհաննես Մկրտիչ իր հույումեն փարիսեցիները «օձի ծնունդ» անվանեց: Աստուծո պայրույթը միշտ ալ արդար է:

Մարդկային բարկությանց տեսակներ կան, որոնք ոչ միայն արդար չեն, այլ մանավանդ խիստ վտանգավոր են: Կկործանեն, կջարդեն և ահ ու դող կպատճառեն: Բարկացողին բուն նպատակն է դիմացինը ցավցնել, լաց-

նել, վշտացնել: Սույն բարկությանց միակ նպատակն է «Ակն ընդ ական և ատամն ընդ ատաման»: Մեղմություն, ապկություն և ներում գոյություն չունի:

Տակավին բարկության այլ տեսակներ գոյություն ունին, որոնք կամքե անկախ պատճառներով երևան կուգան և մտային խանգարմանց արդյունք են: Այսպիսի անձինք ջղայնոտ կորավկին: Անոնք ամեն վայրկյան բարկացոտ միձակ մը ունին: Եվ ամեն պլյուսիկ բանի կբարկանան: Այսպիսի բարկություններ թեև անվնաս են, և սակայն անտանելի են: Անոնք դիմացինն անգամ խելագարության կրնան առաջնորդել:

Մտային խանգարմանց արդյունք է նաև անձին, եսին, աշխարհին, ինքզինքին, կյանքին և գործին դեմ բարկանալու հիվանդությունը: Հոգեբան մարդիկ կըսեն, թե այսպիսի բարկությունը բարկությանց ամենեն խրդալին և գեշն է: Անձին, հոգիին և կյանքին դեմ բարկացողը հուսահատ և ընկճյալ կանվանենք: Անհավատ, անհույս և անսեր մարդիկ անձնասպանության կմղվին, եթե չըբժշկվին:

Կա նաև քաղաքական կամ քաղաքացիական բարկություն: Ամբոխային, դասակարգային և ցեղապաշտական բարկություն: Իրողություն մը, որ աշխարհիս պատմության մեջ միշտ գոյություն ունեցած է և այսօր ալ գոյություն ունի: Բայց այս տեսակի բարկությունը մեր քարոզին մաս չենք ուզեր ընել:

Եթե բարկացոտ մարդոց թիվը շատ է, և եթե բարկության պատճառներն ու տեսակները այլապես են, աշխարհիս վրա կան նաև մարդիկ, որոնք բարկանալ չեն գիտեր: Ասոնք անպայրույթ ծնած են: Վախկոտ և դողդոջուն կյանք մը կապրին: Կարծես թե հոգի, սիրտ և միտք չունին: Միշտ ասոր անոր

«այո, այո» կըսեն: Ամեն իրականություն կընդունին առանց գանգատելու: Կարծես թե ստորոկի կյանք մը ունեցած ըլլային:

Եվ ի վերջո, կան մարդիկ որոնք ոչ թե չեն կրնար բարկանալ, այլ չեն ուզեր բարկանալ: Ասոնք հանդարտաբար, ինքնավստահ, և ըրածին ու ըսածին գիտցող մարդիկ են: Անոնց երեսին և հոգիին մեջ խաղաղություն կիշխէ: Այս մարդիկ գիտեն իրենց վայրույթը վսպել և կառավարել:

Հոգեբուժության դաշտին մեջ մասնագետ ճանչցված մարդիկ և հեղինակներ կքարոզեն, թե մարդ արարածը պետք է բարկանա և բարկութենէն պետք չէ վախնա, եթե կուզէ առողջ կյանք մը ապրիլ: Եթե ջղայնոտ մեկն էս, ինքզինքդ մի վսպեր, կըսեն, մի պրկվիր, կըսեն, ընդհակառակը, ջանա ինքզինքդ դուրս հանել պէպ խենթացնող ուժերը: Պոռա, կանչէ, և մարմինդ ու հոգիդ արձակէ պէպ բանտարկող վզացումները: Բայց դիմացինդ մի ցավցներ:

Եթե մեկը ծեծել կուզես, սենյակդ մտիր, դուռը գոցե, բարձ մը առ, և պոռալով ու ճըջալով բարձը ծեծե որքան որ կուզես: Թող ուրիշներ խորհին թե դու խենթ ես, հոգդ մի ըներ, դուն այսպեսով է որ պիտի խաղաղիս և հանդարտիս:

Դեռևս Սաղմոսերգուն նպատակն արդի հոգեբաններուն պես էր, երբ կխրատեր «Բարկացեք, բայց մի մեղանչեք»: Բարկացիր, և թող բարկանան կամ բարկացնեն քեզ: Բայց ներե և հաշտվե օրը իրիկուն չեղած: Թող ուրիշը յոթն անգամ քեզ վայրացնէ, դուն պատրաստ եղիր անոր 77 անգամ ներելու: Մոռնալ գիտցիր: Բարկության հետ խնդալ սորվե: Խնդուք և վայրույթ կյանքի անբաժան մասնիկներն են: Եթե բան մը քեզի կբարկացնէ, անմիջապէս լքե վայն և ուրախ գործի մը սկսե: Տես, թե որքան պղտղաբեր և երջանիկ պիտի ըլլաս:

«ԵՂԻՑԻ ԶԵՐ ԲԱՆ՝ ԱՅՈՆ ԱՅՈՆ, ԵՒ ՈՉՆ ՈՉ»

Ճշմարտախոսությունը առաքինություն մըն է, և ստախոսությունը մեղք մըն է: Ճշմարտախոս անհատը հարգելի, սիրելի և վստահելի մեկն է: Միևեդեռ ստախոսը ատելի, գարշելի, անարժեք անձնավորություն մըն է:

Քրիստոնեական կրոնի ուսուցմանց մեջ ճշմարտախոսությունը բարձր և կարևոր տեղ մը կգրավէ: Մեր Տերը՝ Հիսուս Քրիստոս, ճշմարտախոսության մեծ արժեք ընծայեց և վայն «Լեռան քարոպին» մասնիկը ըրավ: Քրիստոսի համար ճշմարտախոսությունը պարզ և հստակ օրենք մըն է և կպահանջ-

վի ամեն անհատն ամեն պարագայի տակ: «Թող այոդ այո և ոչդ ոչ ըլլա» ըսավ Քրիստոս: Այո-ին և ոչ-ին կապված պանապան խոստումներ և երդումներ բացարձակապէս ավելորդ են և չարության աղբյուր են, ըսավ Ան:

Հին Ուխտի մեջ երդումներ ընելը և պանապան խոստումներ ընելը երկարապատում սովորություն մը և պահանջք մըն էր: Երդում ընելու սովորությունը այսօր ևս գոյություն ունի, մանավանդ կառավարական և դատական գործառնությանց մեջ: Ըստ Քրիստոսի քարոզության, սակայն, երդում ընելը ավելորդ և անպետ սովորություն մըն է: Ճշմարտախոս և խոսքին տեր քրիստոնյա մը պետք չունի յոր խոսքին վստոված վկա կանչելու և կամ երկնքի և Սուրբ Գրոց անունով երդում պատառ ըլլալու: Աստված, սրբությունք, կյանք, մահ և սիրտ խաղալիք բաներ չեն և թեթևությամբ պետք չէ առնվին: Երդում ընելը չար արարք մըն է և այլ մեղքերու կառաջնորդը: Շատ է թիվը անոնց, որոնք իրենց երդումը և խոստումը դրժած են: Անոնք «Աստուած վկայ» կկանչեն, «Քրաս մայ հարթ» կգոչեն, բայց սուտ են և կեղծ են:

Ստախոսությունը և կեղծավորությունը, սուտը որպէս ճշմարիտ ծախելու արվեստը ամենօրյա իրականություն մըն է: Այս արվեստը շատերու մտ առաքինություն կնկատվի: Առնենք, օրինակի համար, առևտրական աշխարհի մեջ, ամեն արտադրություն որպէս «լավագոյն» և «գերազանց» և «չնաշխարհիկ» հռչակելու սովորությունը: Մըտիկ տվեք շուկայի մեջ եփած, ճշմարտախոս ձևացող առուծախի մարդոց խոսքերը: Անոնք մեկ վայրկյանի մեջ կարող են հարյուր սուտ խոսիլ առանց խղճահարության: Անոնք կհավատան թե, այսօր ապրուստ շահելու համար մարդս պետք է սուտ խոսի:

Սուտն ու կեղծիքը, առաքինություն մըն չէ սակայն և չի կրնար ըլլալ: Շատ ողբերգություններ գոյություն չէին ունենար եթե մարդիկ ճշմարտախոսութենէ չվախնային և հետեւին Քրիստոսի քարոզության: Ով բարեկամ, թող այոդ այո, և ոչդ ոչ ըլլա:

Այո-ի և ոչ-ի խնդիրը հոգեբանության դաշտին մեջ ևս կարևորություն ստացած է: Այս օրերս հրապարակի վրա գիրք մը կա, որ կըքարոզէ. «Եթե ի սրտե կփափաքիս «ոչ» ըսել, այն ատեն «այո» մի ըսեր»: Շատեր կըսիրեն կեղծավորություն ընել, անտեղի փափկանկատություն ցոյց կուտան և քաղաքավարության վոհ կերթան: Կուզեն մերժել, կուզեն «ոչ» ըսել, կփափաքին «այո» չըսել, բայց անկարող են: Ահա այսպիսաց այս գիրքը խրատ կուտա և կըսէ. «Փոփոխամիտ, տկարամիտ, վախկոտ և տա-

տամստոտ մի ըլլար: Եթե «այո» ըսիր, մի՛ խղճահարիր: Մյուս կողմեն համառ, հաստատամիտ և աներեր մի՛ ըլլար: Եթե «այո» ըսած էիր և կուզես միտքդ փոխել, մի՛ վախենար, փոխե՛: «Ըսածս ըսած է» «Ես թուքս չեմ կլեր» մի՛ ըսեր:

Ավետարաններուն մեջ երկու եղբայրներու առակը կա: Ասոնցմէ առաջինը խոստացավ դաշտ երթալ և գործել իր հորը համար, բայց չգնաց: Ան սուտ խոսեցավ և յոր հայրը խաբեց: Երկրորդը սակայն «չեմ երթար» ըսավ և հետո պղծաց, իր հորը վրա մեղքցավ և միտքը փոխելով՝ գնաց և գործեց: Ան, որ իր խոսքին տերը չէ, անարժեք մեկն է: Ընկերության մեջ պատիվ չունի: Իր խոսքին տերը եղողը սակայն քաջ, անկեղծ, հասուն և ճակատաբաց անձնավորություն մըն է: Նմանող եղիր այս վերջինին:

«ԵՍ ԵՄ ԼՈՅՍ ԱՇԽԱՐԻԻ»

«Ես եմ լոյս աշխարհի» խոսքը թեև կարճ, սակայն չափազանց կարևոր և գեղեցիկ խոսք մըն է: Չայն կկարդանք Հովհաննու Ավետարանի 8-րդ գլխուն մեջ: Մեր Տերը Հիսուս Քրիստոս այս խոսքը արտասանեց փարիսեցիներու և դպիրներու հետ լուրջ խոսակցություն մը ըրած ատենը:

Ի՞նչ ըսել է «Ես եմ լոյս աշխարհի»: Ի՞նչ է լույսին պաշտոնը: Հիսուս ինչո՞ւ «լոյս» բառը ընտրեց յոր ինքնությունն ու էությունը մեզի հասկնալի և իմանալի ընելու համար:

Լույսը աշխարհի ստեղծագործության մեջ առաջնակարգ տեղ մը կգրավե: Աստված լույսը ստեղծեց ուրիշ ամեն բանէ առաջ՝ ըստեղծագործության առաջին օրը: Լույսի գոյությունն առաջ տիեզերքը անկայուն, անորոշ և խավարային վիճակի մը մեջ էր: Եվ երբ Աստված գոչեց՝ «Եղիցի լոյս», լույսը գոյություն առավ, արևը, լուսինը և աստղերը հաստատվեցան, խավարը հալածվեցավ, և թե՛ երկինք, թե՛ երկիր լույսերով ողողվեցան: «Եվ ետես Աստուած Կի բարի է»:

Եվ ահա, լույսերու արարիչ և խավարներու հալածիչ Հայր Աստուծո Միածին Որդին կը մարդանա, աշխարհ կուգա և կհայտարարե. «Ես եմ լոյս աշխարհի»: Այո՛, թեև աշխարհ լույսերով ողողված է, արև կա, լուսին կա, և մարմնավոր լույսը անպակաս է, և սակայն այս աշխարհը դեռ լույսի պետք ունի, քանզի մարդիկ հոգևոր և մտային խավարներու մեջ կընակին: «Աչք ունին և ոչ տեսանեն» կըսե մեր Տերը՝ Հիսուս Քրիստոս: «Ես եկա որպէս լույս: Եկա, որ ձեր հոգևոր աչքերը բացվին: Ան որ Կիս կտեսնե, խավարն

լույսին եկած կըլլա և լույսի կյանքը ստացած կըլլա»:

Առաքյալք Քրիստոսի լուսավոր էության մասին առաջին անգամ վերահասու եղան, Թաբոր լեռան վրա, երբ Հիսուս պայծառ կերպարանք զգեցավ, և յոր երեսները արևի պէս լուսավորվեցան: Պողոս առաքյալ այս լուսավոր Քրիստոսն էր, որ տեսավ Դամասկոսի ճամբուն վրա և կուրացավ: Այս օրերս գիրք մը տպված է «Լայֆ աֆթըր լայֆ» անունով: Այս գրքին մեջ մահը տեսնող հիվանդներ կվկայեն, թե իրենք լուսավոր էակ մը տեսած են, և այդ էակը Քրիստոսն է:


Արեգակն ու լուսինը, լույսն ու կրակը միշտ ալ կրոններու և պաշտամանց առարկա եղած են: Բայց ոչ մեկ կրոնի առաջնորդ, ըլլա ատիկա Մուհամմետ, Պոտտա կամ Գոնֆոկիոս, ինքզինք «լոյս» հռչակած է: Միայն Հիսուս Քրիստոսն է, որ «Ես եմ լոյս աշխարհի» կըսե:

Որպէս «լոյս» ճանչցվեցավ նաև Քրիստոսի քարոզած կրոնը: Քրիստոնեությունը որպէս լույս տարածվեցավ խավարյալ աշխարհի չորս ծագերուն: Հայերս Թադեոս և Բարթողիմեոս առաքյալները «Առաջին Լուսավորիչ» անվանեցինք: Եվ Տրդատ թագավորն ու ամբողջ հայ աշխարհը քրիստոնյա ընող մեր Ս. Գրիգոր Պահլավունի Հայրապետը «Լուսավորիչ» որակեցինք: Մենք տակավին «լուսավորչական» բառը կգործածենք մենք Կմեկ ուրիշներուն ծանոթացնելու համար:

Հայ Եկեղեցվո մեջ Քրիստոսի նվիրյալ բոլոր տերունի տաղավարներն ու տոները կը ճանչցվին որպէս լույսի տոներ: Թե՛ Մանդիկ և թե՛ Չատիկի նախագիշերին կատարվող պատարագը ճրագալույց կանխենք: Տյառնընդառաջը Կոստ լույսի տոն է, և Վարդավառը Քրիստոսի Պայծառակերպության օրն է: Եկեղեցիներու մեջ մոմ, լույս, կանթեղ և ջահ կգործածենք: Եվ մեր Աստվածը «Լոյս արարիչ լուսոյ» կհռչակենք:

Մարդիկ կան, որոնք լույսը չեն սիրեր: Լույսը կատեն: Խավարը կնախընտրեն: Կարծես թե խավարը կպաշտեն և խավարամիտ են: Այսպիսյաց համար Հիսուս ըսած է. «Քանզի գործք նոցա չարութեան են»: Մենք՝ քրիստոնյաներս, լուստ որդիներ ենք սակայն: Քրիստոս մեզի պարտականություն տված է խավարին դեմ պայքարի: Եթե Քրիստոս յոր լույսին շնորհիվ մեզ խավարն փրկած ու մեզի կյանք շնորհած է, մեզի կմրնա այդ լույսը տարածել:

ԿԱՐԵՆ ՔԱՀԱՆԱ ԿՏԱՆՅԱՆ



ԹԵՄԱԿԱՆ ԿՅԱՆՔ

ՌՈՒՄԻՆԻԱՅԻ ՀԱՅՈՑ ԹԵՄՈՒՄ

1982 թվականը Ռումինիայի հայկական համայնքի կրոնական կյանքում եղել է աշխույժ և բեղմնավոր գործունեության մի տարի:

Սուչավայի հոգևոր հովիվ երիտասարդ Ս. Արամայիս արեղա Շլուկյանի եռանդուն ջանքերի շնորհիվ Սուչավայի հայոց Ս. Խաչ եկեղեցին այժմ հոգևոր կենդանություն է ապրում իր կալմակերպված կյանքով: Ամեն կիրակի այնտեղ կանոնավոր կերպով տեղի ունեցող սուրբ պատարագի արարողությունները դեպի իրենց են քաշում մեծ թվով հայ հավատացյալներ, որոնք հոգեկան մեծ բավարարությամբ հետևում են արարողություն-



Ռումինիայի հայոց թեմի առաջնորդ Ս. Տիրայր արքեպ. Մարտիկյանը և Ս. Արամայիս արք. Շլուկյանը Ս. Հաճկատար վանքի բակում, ուխտավորների հետ (15 օգոստոս 1982 թ.)

ների ընթացքին և հաճույքով լսում հայկական եկեղեցական երաժշտությունը: Բացի այդ, ամեն հինգշաբթի և ուրբաթ օրերը, ուխտավորների հոծ խմբերի ներկայությամբ, Հաճկատար վանքում կատարվում են եկեղեցական մասնավոր պաշտամունքներ և աղոթքներ հայերեն լեզվով, որոնց մասնակցում են ուխտավորներ, խոր հավատքով և սիրով:

Հոգեշնորհ Ս. Արամայիս արեղան Էջմիածնի հոգևոր ճեմարանի նախկին ջրջանավարտ սաներից է: Նա միաժամանակ հոգևոր հովիվն է Բոթոջանի, Թրկոկնայի, Յաջի և Ֆոկչանի հայ եկեղեցական համայնքների, ուր ժամանակ առ ժամանակ այցելում է և պատարագ մատուցում տեղի հայոց եկեղեցիներում՝ Ռումիկայի հայոց թեմի բարեխնամ առաջնորդ Ս. Տիրայր արքեպիսկոպոսի կարգադրությամբ:

Այս տարի Սուրբ Աստվածածնի տոնական հանդիսություններն անց են կացվել անսալընթաց խանդավառությամբ Ս. Հաճկատար վանքում: Հանդիսավոր ս. պատարագ է մատուցել Ս. Տիրայր արքեպիսկոպոս Մարտիկյանը: Պատարագին ներկա են եղել հարյուրավոր հայ ուխտավորներ և մեծ թվով օտար հավատացյալներ՝ եկած արտասահմանից և Ռումիկայի գանապան քաղաքներից:

Վանքի եկեղեցում և նրա ջրջանակում հայր Արամայիսի ջանքերով այս տարի հաջողվել է անցկացնել էլեկտրական սարքավորում և հաստատել մի շանթարգել:

ՔԱՀԱՆԱՅԱԿԱՆ ՉԵՌՆԱԴՐՈՒԹՅՈՒՆ ՄԻԱՅՅԱԼ ՆԱՀԱՆԳՆԵՐԻ ՀԱՅՈՑ ԱՐԵՎՍՏՅԱՆ ԹԵՄՈՒՄ

Միացյալ Նահանգների հայոց արևմտյան թեմի եկեղեցական դասն ու համայն հավատացյալները հոգեկան անսահման հրճվանքի մի օր են անցկացրել կիրակի, սեպտեմբերի 26-ին, 1982 թ., Վարագա Սուրբ Խաչի տոնի օրը: Այդ օրը Միացյալ Նահանգների հայոց արևմտյան թեմի բարեջան առաջնորդ Ս. Վաչե արքեպիսկոպոս Հովսեփյանը, ի գլուխ թեմի հոգևոր հովիվների, քահանայության սուրբ կարգին է կոչել բարեշնորհ Հովսեփ սարկավազ Մովսիսյանին՝ օծելով նրա ճակատն ու ձեռքի փերը և նրան վերանվանելով Ս. Վազգեն քահանա:

Այդ առթիվ առաջնորդ սրբապան հայրը նորընծա քահանային մաղթել է արդյունաշատ հոգևոր ծառայություն՝ ի պայծառություն Հայաստանից Առաքելական Սուրբ Եկեղեցու:

Չեռնադրության արարողությանը մասնակցել և ներկա են եղել Ս. Արիս եպիսկոպոս

պոս Շիրվանյանը, Ս. Իսահակ ծ. վարդապետ Ղապարյանը, Օջենդի հայոց հոգևոր հովիվ Ս. Լևոն վարդապետ Աբելյանը, Լուս Անջելոսի հայոց հոգևոր հովիվ Ս. Արշակ ծ. վարդապետ Խաչատրյանը, Ս. Սիմեոն վարդապետ Մխայանը, քահանա հայրեր և բազմաթիվ հավատացյալներ:

Արժանապատիվ Ս. Վազգեն քահանա Մովսիսյանը ծնվել է 1956 թվականին Կալիֆոռնիայի Նահանգի Լոս Անջելոս քաղաքում: Փոքր հասակից, որպես դպիր, ծառայել է Լուս Անջելոսի հայոց Ս. Հակոբ եկեղեցում: Հետագայում նա իր գործոն աշխատակցությունն է բերել թեմի Հայաստանյայց Եկեղեցու Երիտասարդաց Կապակերպության մեջ, ինչպես նաև մասնակցել է թեմի կողմից կապակերպված բազմաթիվ ձեռնարկումներին:

1973—1977 թվականներին Ս. Վազգեն քահանան սովորել է Հարավային Կալիֆոռնիայի համալսարանում և ուսման ջրջանը հաջողությամբ ավարտելուց հետո ստացել է Պաակավոր Արվեստից տիտղոսը հոգեբանության և կրոնական առարկաների գծով:


1977 թվականին նա եկել է Մայր Աթոռ Ս. Էջմիածին և մեկ տարի ուսանել հոգևոր ճեմարանում՝ հետևելով հայագիտական, կրթական և ծիսագիտական դասընթացներին: Նույն տարին Ս. Էջմիածնի Մայր տաճարում, ի ներկայության Ամենայն Հայոց Հայրապետի, ձեռնադրվել է սարկավազ:

Ապա, վերադառնալով Լոս Անջելոս, նա մեկ տարի հետևել է Բլեքմոնթի աստվածաբանական ուսումնարանի դասընթացներին և 1981 թվականին, ավարտելով իր թեզը, ստացել է աստվածաբանական գիտությունների մագիստրոսի տիտղոս:

1980 թվականից սկսած նա ծառայել է Լուս Անջելոսի Ս. Հակոբ և ապա Սանտա Կլարա հովտի հայոց եկեղեցիներում որպես հոգևոր հովիվ օգնական և հոգևոր մատակարար:

Ս. Վազգեն քահանան այժմ իր քառասունքն անցկացնում է Լուս Անջելոսի հայոց Ս. Հակոբ եկեղեցում՝ հոգևոր ղեկավարության ներքո Ս. Արշակ ծ. վարդապետ Խաչատրյանի:

«Էջմիածին» ամսագրի խմբագրությունը, հանուն Վեհափառ Հայրապետի, շնորհավորում է նորընծա Ս. Վազգեն քահանա Մովսիսյանի քահանայական ձեռնադրությունը և բարեմաղթում, որ նա ավելությամբ, հավատքով ու նվիրումով իր ապագա կյանքն ու գործը կապի Հայաստանյայց Առաքելական Սուրբ Եկեղեցու անսակարկ ծառայության վսեմ գործին՝ հանդիսանալով անձնորհի հոգևոր սպասավորը իր Մայր Եկեղեցու և հարապատ ժողովրդի:



ԷԿՈՒՄԵՆԻԿ ԴԱՍԱԽՈՍՈՒԹՅՈՒՆ ԼԻՈՆՈՒՄ

Հայ ժողովրդի դարձը քրիստոնեության տեղի ունեցավ Միլանի հրովարտակից առաջ, չորրորդ դարի սկզբին, երբ հռոմեական հալածանքները դեռ ծանրորեն ճնշում էին քրիստոնեական կյանքի վրա կայսրության բոլոր սահմաններում: Այդ նույն ժամանակաշրջանը, սակայն, հանդիսացավ աստվածաբանական վեճերի և բանաձևումների մի շրջան, երբ, Կոստանդիանոս կայսեր դարձով, քրիստոնյա հավատացյալները դուրս եկան Հռոմի գետնադամբարաններից՝ կառուցելու համար իրենց եկեղեցիները և դավանելու իրենց հավատքը ապատորեն: Բոլոր քրիստոնյաների համար հավատքի մի միություն ստեղծելու անհրաժեշտությունը աշխուժացրեց արիոսական բանավեճերը և 325 թվականին հանգեց Նիկիո տիեզերական ժողովին: Այս ժողովի նախաձեռնողը և նախագահը եղավ ինքը կայսրը, որի գլխավոր մտահոգությունն էր հաղթական եկեղեցին տեսնել միավորված իր Հավատո հանգանակի մեջ: Նիկիո ժողովին մասնակցեց Սբ. Գրիգոր Լուսավորչի որդին՝ Արիստակեսը: Նա իր հետ Հայաստան բերեց Նիկիական հանգանակը և այն ներկայացրեց իր հորը, որն այդ ժամանակ արդեն քաջվել էր մի լեռ՝ ավարտելու իր կյանքի օրերը ճգնության և մենակեցության մեջ: Ժողովը այդ հանգանակի վերջում ավելացրել էր մի հայտարարություն՝ մի նպով, որը մինչև այսօր արտասանվում է պատարագի ընթացքում սարկավագի կողմից. «Իսկ որ ասեն՝ էր երբեմն, յորժամ ոչ էր Որդի. կամ էր երբեմն, յորժամ ոչ էր սուրբ Հոգի, կամ թե՛ յոչեից եղեն, կամ յայլմէ էութենէ ասեն լինել Վրդիին Աստուծոյ և կամ զսուրբ Հոգին, և թե՛ փոփոխելիք են կամ այլայլելիք, զայնպիսիս նպովէ կաթուղիկէ և առաքելական Եկեղեցի»: Սուրբ Գր-

րիգոր հայրապետը դրան ավելացրեց հետևյալը. «Իսկ մեք փառադրեսցուք որ յառաջ քան պաիտեանս, երկիրպագանելով սրբոյ Երրորդութեանն և միոյ աստուածութեանն Հօր եւ Որդւոյ եւ Հոգւոյն սրբոյ այժմ և միշտ և յաիտեանս յաիտենից. Ամէն»: Եվ նույն այս խոսքերը կրկնելով՝ պատարագիչ քահանան երկրպագում և համբուրում է Ավետարանը, որ նրան մեկնում է սարկավագը: Հայ Եկեղեցին այդ նպովի մեջ երկու անգամ հիշատակել է սուրբ Հոգին բացահայտ մի մտահոգությամբ՝ հաստատել ուղղափառ հավատքը եռանձն Աստուծո նկատմամբ: Հավատո հանգանակը նույնպես մի փոքր տարբերվում է հռոմեական կաթոլիկ եկեղեցում գործածվող Հավատո հանգանակից, որը ծանոթ է «Նիկիական-Կոստանդնուպոլսական հավատամք» անունով: Տարբերությունը հետևյալ երկու կետերի մեջ է. «Համագոյակից» բառը փոխարինված է «նոյն ինքն է բնութենէ» Հոր արտահայտությամբ: Այնուհետև երկու անգամ ավելացված է «մարմին» բառը. «Գալոց է նովին մարմնովն և փառօք Հօր՝ ի դատել...», ինչպես նաև վերջում, վերջին դատաստանի հիշատակության մեջ՝ «Ի յարութիւն մեռելոց, ի դատաստանն յաիտենից հոգւոց և մարմնոց»:

Հայ Եկեղեցին, հաստատված լինելով և ծաղկում ապրելով Կապադոկիայի արևելքում, ինչպես նաև սկզբնական շրջանում դրված լինելով Կեսարիայի դպրոցի հովանու տակ հենց իր՝ Սբ. Գրիգոր Լուսավորչի կողմից, շատ խորը ապրեց արիոսական տագնապը: Երկու հեղինակավոր աստվածաբաններ իշխեցին նրա մտածողության վրա՝ Սբ. Բարսեղ Կեսարացին Վեցօրյակի մասին իր քարոզներով—գրվածք, որ դասական մի շարադրանք է աշխարհի ծագման, կառուցված-

քի և վարդազման վերաբերյալ—ինչպես նաև Սբ. Աթանասը, որն իր «Ընդդեմ արիոսականների» աշխատությանը հերքում է աշխարհի ստեղծագործության որոգինեայան ըմբռնումը և Աստուծո Երրորդության գաղափարի հիմքերն է դնում: Հայոց եկեղեցիներում արտասանվող Հավատո հանգանակը վերագրվում է Սբ. Աթանասին, «Համազոյակից» (ὁμοούσιος) բառի բացթողումը, որի շուրջ ծավալվեցին արիոսական բանակոծիվները Նիկիո ժողովից հետո, պատահական չէ: Նախ՝ այդ բառը մի քիչ շատ փիլիսոփայական տերմին է և երկրորդ՝ չափից դուրս վարդապետականություն է բուրում, ըստ մեր եկեղեցու Հայրերի ճաշակի, որոնք նախընտրեցին ավելի պարզ մի բառ՝ «Բնութիւն», երբ խոսքը Երրորդության անձերին էր վերաբերում: Նիկիո ժողովին հաջորդած դարերում բորբոքված աստվածաբանական բանավեճերի ամբողջ ընթացքում մեր եկեղեցու Հայրերը տևապես հակադրվեցին հավատքի ավանդությունը իմացականացնելու կամ վարդապետականացնելու բոլոր փորձերին: Ներանք նախընտրում էին հավատարմորեն պահպանել «Քրիստոսի ոգին» եկեղեցու ծեսի, սրբության, ավանդության և ճշմարտության կենդանի ճանաչման մեջ: Հավատքի ճշմարտությունների սիստեմավորված ամեն տեսակի բացատրության մեջ նրանք տեսան բանական կատեգորիաների կաղապարների մեջ բռնի կերպով կրոնական մի մտածում մտցնելու վտանգը, որի բնույթն իսկ օտար է այդպիսի մի կարգի:

Քրիստոնեական մտածողության հեղինականացման դեմ մղվող այդ պայքարի ժամանակաշրջանում, պայքար, որը առաջ էր եկել նոր-պլատոնական տերմինոլոգիայի և աշխարհի ստեղծագործության որոգինեայան ըմբռնման որդեգրումով, Տերտուլիանոսը չէ՞ր ասել միթե՝ «Մեզ համար չկա այլևս հետաքրքրություն՝ Հիսուս Քրիստոսից հետո, չկա այլևս որոնում՝ Ավետարանից հետո: Քանի որ մենք հավատում ենք, ուրիշ ոչինչ չենք ցանկանում, քան հավատալը, որովհետև նախ մենք հավատում ենք, որ հավատալուց այն կողմ չպետք է անցնենք» (De Praescriptiones haereticorum VIII) և մի ուրիշ տեղ՝ «Փիլիսոփաները հերետիկոսների նախամայրերն են» (De anima 3):

Եփրեմ Ասորին, որի ազդեցությունը մեծ է եղել հայ աստվածաբանական մտքի վրա, «Կնիք հավատո» անունը կող աշխատության մեջ, որը եկեղեցու Հայրերի գրվածքներն ամփոփող մի ժողովածու է՝ հայերենի թարգմանված է դարում, խոսելով Երրորդության խորհրդի մասին՝ ասում է. «Ուզում եմ մոտենալ, բայց վախենում եմ... չմոտենանք,

որպեսզի չհեռանանք, չհեռանանք, որպեսզի չմոլորվենք... Արիամարիելի փոշու հատիկին թույլատրված է միթե խոսել համազոյակից իր Արարչի մասին... Դու ճանաչեցիր նրա անունը, դավանի՛ր նրան և մի՛ վերլուծիր բնավ, քանզի դու չես կարող ճանաչել նրա բնությունը...»:

Ճանաչել Աստծուն՝ հնարավոր է միայն այն չափով, որչափով որ նա հայտնում է իրեն, որչափով որ Երրորդությունը հայտնվում է փրկության տնտեսության մեջ, որչափով վերանցականը՝ անձանաչելին (transcendant) գործում է ներումակի՝ ճանաչելիի (immanent) մակարդակի վրա:

Աստուծո առաջին գործը ստեղծագործությունն է, և Տիեզերքի Արարիչ Աստուծո նկարագրության մեջ է, որ եկեղեցու Հայրերը փորձեցին հաստատել Երրորդության վարդապետությունը:

Աթանաս Ալեքսանդրացին, որին հետևեցին կապադովկիացիներն ու հայերը, վարդաջնում է Աստվածաշնչից ժառանգված տիեզերաբանության մի տեսություն, որը հակադրվում է ստեղծագործության վերաբերյալ հունական ըմբռնումներին իբրև ցիկլային հավիտենական կրկնություն աշխարհներին: Ըստ այդ ըմբռնումների, սկզբնական, իմացական ստեղծագործությունը կայուն է: Այն իր տրամաբանական բացատրությունը գրտնում է Աստուծո էության հայեցողության մեջ, և նրա առաջին շարժումը ապստամբության մի ձև է Աստուծո դեմ: Ստեղծագործության մեջ փոփոխությունն ու այլապականությունը անկման հետևանքներ են և հետևաբար՝ հիմնովին վատ:

Ստեղծագործության այս ըմբռնմանը, որը դուրս է բերված Աստուծո փիլիսոփայական անանձնական գաղափարից, որպես բացարձակի, Աթանասը և Բարսեղը հակադրում են ստեղծագործական արարքի մեջ դրսևորվող աստվածային բացարձակ վերանցականության և ապտության աստվածաշնչական հոլացքը: Աստվածային նախախնամությունը, որը աշխարհին տվեց էությունը, պահպանում է նաև նրա գոյությունը, բայց ոչ ի վնաս աշխարհի ստեղծված սեփական դինամիկի, որը հենց իր՝ ստեղծագործական ծրագրի մասն է կազմում:

Ըստ աստվածաշնչական ըմբռնման, այնպես, ինչպես այն հասկացված է մինչև այսօր հրեա մտածողների կողմից, ստեղծագործության մեջ կա մի պայմանականություն: Աստված աշխարհը չստեղծեց, որպեսզի հետո նրան տար կանխագծված մի կողմնորոշում, որի համաձայն, աշխարհը անհրաժեշտաբար առաջ ընթանար սկզբից դեպի մի վախճան: Աստված աշխարհին ստեղծեց պայմանով, վր-

տանգով, արմատական մի անապահովությամբ: Թալմոդական միդրաշը հետևյալն է ասում Աստուծո բերանով, մինչ նա արդեն կործանել էր քսանվեց աշխարհ—որոնցից ոչ մեկն այն չէր, ինչ նա ուզում էր—և նոր էր ստեղծել քսանյոթերորդը՝ մեր աշխարհը. «Միայն թե այս մեկը գոյատևի»: Աստված ինքն իսկ երաշխիք չունի, որ աշխարհը կգոյատևի, որովհետև աշխարհը կարող է գոյատևել այն դեպքում միայն, եթե մարդը իրենից ինչ-որ բան դնի այնտեղ: Ըստ Աբրահամ Հեղելի խոսքի՝ «Աստված կարիք ունի մարդուն»: Աստված աշխարհը չէր ստեղծի նրա համար, որպեսզի աշխարհը ինքնաբերաբար հետևեր աստվածային ջալդին: Աշխարհի ստեղծագործությունը մի վտանգ է, որ Աստված հանձն է առել, և մարդիկ այդ վտանգը պետք է բաժանեն:

Սբ. Աթանասը և նրանից հետո կապադովյան Հայրերը, ապա նաև Սբ. Օգոստինոսը և Արևմուտքի քրիստոնյա մտածողները ստիպված եղան ուրվագծել մի տիեզերաբանություն և մասնավորապես մի տեսություն ստեղծագործության վերաբերյալ, որպեսզի կարողանային պայքարել Արիոսի դեմ և պաշտպանել Քրիստոսի աստվածությունը: Նմանորը վերաբերում էր Հովհաննեսի Ավետարանի նախաբանի հետևյալ խոսքերը հասկանալուն. «Ամենայն ինչ նովալ եղև, և առանց նորա եղև և ոչինչ որ ինչ եղև: Նովալ կեանք էր...» (Հովհ. Ա, 3—4): Քանզի Աստուծո առաջին գործը և նրա հանձն առած առաջին վտանգը աշխարհի ստեղծագործությունն է. դա առաջին գործն է նաև փրկության տնտեսության: Արևելքի քրիստոնեական միտքը Աստուծո ուսմունքն ընդհանրապես դրել է միշտ քրիստոսաբանությունից առաջ, յուրովի ետև նրա առաջնահերթ մղտահոգությունն է եղել հասկանալ Քրիստոսի անձը որպես երկրորդ եղելություն, երկրորդ վտանգ, որ Աստված հանձն է առել՝ ապահովելու համար մարդկանց երջանկությունը: Աշխարհի մեջ Աստուծո գործով հայտնված «տնօրինական» Երրորդությունը ուրեմն միակ հիմքն է, որը թույլ է տալիս հաստատելու, որ Աստված իրականում, պարադոքսալ կերպով և անհասկանալիորեն, վերանցական և «ներունակ» մի Երրորդություն է:

Ահա թե ինչու «Աստուծո իրականության մերձեցումը» նշանակում է կենդանի Աստծուն վերաբերող մարդկային հարցը բերել հասցնել ճիշտ այնտեղ, որտեղ կենդանի Աստվածն ինքը հայտնում է իրեն իր ամբողջ լրիվությամբ, այսինքն Աստծու մեջ, որը Քրիստոսի միջոցով հաղորդվում է Սուրբ Հոգով:

«Որ ետեսն վիս՝ ետեսն չՀայրն» (Հովհ.

ԺԴ 9), Երրորդությունը չի հայտնվել որպես «վարդապետություն», այլ՝ որպես Որդին ինքը, որն ապրում է մեր մեջ, որն օծոված է Հոգով և այն ուղարկում է մեզ:

Եփրեմ Ասորու այն սարսափը, թե ինքը կարող է կորցնել իր հավատքը՝ չափազանց հեռու մղելով, կամ ավելի շուտ, չափազանց շատ մոտենալով Երրորդության խորհրդին, ցույց է տալիս նրա գլխավոր մտահոգությունը, որ է՝ **փրկությունը Քրիստոսով**: «Աստված մեզ հետ» — Երրորդության այս վարդապետությունը հաստատվեց Նիկիո ժողովում և արտահայտվեց նրա Հանգանակի մեջ: Մեր Եկեղեցու Հայրերը Նիկիո ժողովի որոշումը հասկացան որպես **Քրիստոսեղելության** հռչակում. այն է՝ Աստված մարդացավ մեր փրկության համար, այսինքն՝ դեպի Աստված մեր վերադարձի համար:

Մինչ արևմտյան աստվածաբանությունը գլխավորաբար պատկերացնում է Մարդեղությունը որպես աստվածային «մեկ» անձի մարդացում՝ բացահայտելու համար այնուհետև պատշաճության պատճառները, որպեսզի այդ անձը լինի Որդին, Արևելքի աստվածաբանները մարդեղությունն ընդունում են որպես Աստուծո մաքուր և պարզ հայտնություն: Հետևաբար, մարդացած Աստվածը չէր կարող այլ բան լինել, քան Որդի-Լոգոսը:

Բյուզանդացիները, Քաղկեդոնի պատճառած խզումից հետո մանավանդ, միշտ մեղադրել են մեզ «քրիստոսակենտրոն» լինելու մեջ, ի հակադրություն իրենց երրորդապաշտական հայեցողությունների, որովհետև մեր Եկեղեցու բոլոր Հայրերը հայտնված և «մեր մեջ բնակվող» Աստծուն տեսել են Քրիստոսի անձի մեջ, սուրբ Հոգու ներգործությամբ. «Քրիստոս է իմ Աստուծո և փառաւոր արարից վնա, Աստուծո փրկութեան իմոյ»: Մեզ համար նրա աստվածային անձը կարիք չունի բացատրության: «Բան» փիլիսոփայական հասկացությունը ջնջվում է «Որդի» հասկացության առաջ: Լոգոսի արարչագործական իր դերով չէ, որ բացատրվում է նրա աստվածային անձը, որովհետև այդ կարգի մի բացատրություն մեզ կտաներ դեպի Արիոսը, որն ասում էր, թե Աստված չի կարող հաղորդել իր գոյացությունը «substance») և հետևաբար՝ Լոգոսը. քանի որ այն արդյունք է, չի կարող լինել Աստված:

Սուրբ Աթանասի գովածքի հետևյալ հատվածը հստակորեն բացատրում է Եկեղեցու փաստարկումը. «Եթե Բանը ինքը ևս մասնակցությամբ և ոչ թե ինքն իր մեջ լիներ աստվածությունն ու Հոր գոյացական պատկերը, ապա չէր կարողանա աստվածացնել ուրիշներին, քանի որ ինքն աստվածացված կլիներ»: Նաև նույն հեղինակի հետևյալ

հատվածը. «Մենք չենք պաշտում արարածին, մենք պաշտում ենք Բանն Աստուծուն, որ մարմնացած Տերն է ստեղծագործության... Մենք չենք պաշտում այդ մարմինը առանձին՝ այն է բաժանելով Բանից, մենք Բանը չենք բաժանում իր մարմնից. այլ, ինչպես արդեն ասել ենք, գիտնալով, որ Բանը մարմնացավ, մենք այն ընդունում ենք որպես Աստված, որ գոյություն ունի մարմնի մեջ...»:

Այստեղ մենք դիպչում ենք Քրիստոսի նկատմամբ մեր Հավատո դավանանքի պատմության մի կետին, որ ես վարանում եմ ներկայացնել ընդարձակորեն՝ վախենալով, որ իմ կաթոլիկ եղբայրներն ինձ մեղադրեն հնադարյան մի վեճ վերաբերվող մեջ: Դա հայերի կողմից չորրորդ՝ Քաղկեդոնի ժողովի մերժումն է Քրիստոսի մեկ կամ երկու բնությունների մասին գոյություն ունեցող աստվածաբանական տարակարծությունների պատճառով: Ես կփորձեմ այստեղ համառոտակի ներկայացնել էականը և հասկացնել այդ մասին մեր Եկեղեցու դիրքը ավելի շատ մեջբերումներով, քան թե քննադատություններով կամ մեկնաբանություններով:

Ժ դարում Հայ Եկեղեցու կաթողիկոսներից մեկը, Խաչիկ անունով, մի պատասխան է գրել Բյուզանդիայի պատրիարքներից մեկի մի նամակին, որ Հայոց Հայրապետին ուղարկվել է Մելիտիների միտրոպոլիտ Թեոդորոսի միջոցով: Ուզում եմ սկսել՝ մի հատված մեջբերելով այդ երկար պատասխանից. «...Արդ, թե մենք մկրտվել ենք նրա մահվամբ, ինչպես ասում է Առաքյալը (Հռոմ. 2, 3—4), դավանում ենք չարչարանքներից վերժ նրա աստվածության և չարչարանքների ենթարկված նրա մարմնի մեկ բնություն, որովհետև այդպիսով մեր մկրտությունը կատարյալ կլինի Աստուծով և կկատարվի Տիրոջ մահվամբ: Դրա համար մենք չենք ընդունում Քաղկեդոնի ժողովի և Առնի Հատվածի նորամուծությունը, որոնք խոսում են Աստծու՝ մարմնացած Լոգոսի երկու բնությունների մասին, այլ մենք դավանում ենք Քրիստոսին ոչ թե Աստված կամ մարդ միայն, ոչ թե Աստված և մարդ իրարից պատրոշված, այլ՝ մարմնացած Աստված, և, ինչպես Միածին՝ Հորից, նույնպես Միածին՝ իր մորից, մեկ Որդի, և որպես մեկ Որդի՝ մեկ Քրիստոս, և որպես մեկ Քրիստոս՝ մեկ անձ, և որպես մեկ անձ՝ մեկ անձնավորություն (ὁ πρὸς τῷ αὐτῷ), և որպես մեկ անձնավորություն՝ մեկ կամք, և որպես մեկ կամք՝ մեկ պորություն, և որպես մեկ պորություն՝ մեկ բնություն, քանի որ նրա բնությունը մի է»:

Քրիստոսաբանական մեծ բանակոխվը, որը 431 թվականին հանգեց Նեստորի դատապարտմանը Եփեսոսի ժողովի կողմից, ըս-

կիպ առավ մեկ բառից՝ Թեոսոկոս-Աստվածամայր: Նեստորը անխոհեմությունն ունեցավ հարձակվելու այս բառի գործածության դեմ՝ ասելով, որ Մարիամը մի արարած է, նա չի կարող ուրեմն ճշտվել Աստուծո մայր լինել: Միայն Հայրն է բացարձակապես Թեոսոկոս:

«Մեկ անձ և երկու բնություն՝ միավորումից հետո», բնություններից յուրաքանչյուրը պահելով իր հատկությունները անխառն և որոշակի: Քաղկեդոնական այս հաստատման մեջ Արևելքի աստվածաբան հայրերը տեսան մի վերադարձ դեպի նեստորականություն, որ այս անգամ կասկածի տակ էր դրում երկու կարևոր հավատո մասեր, որ Եկեղեցու առաջին երեք տիեզերական ժողովները մեծ դժվարությամբ էին հաստատել:

Աստվածամայր՝ Մարիամի համար.
Աստվածորդի՝ Հիսուսի համար.

Առաջին հաստատման մեջ նրանք երկորդն է, որ ուզում էին ակնհայտնի դարձնել, որովհետև Լրանց համար խնդիրը ամենից առաջ Հիսուսի մեջ տեսնելն էր իրենց պաշտամունքի առարկան: Աթանասը Աղեֆիոսին ուղղված իր նամակի մեջ հայտարարել էր. «Մենք չենք պաշտում արարածին, մենք պաշտում ենք Բանն Աստուծուն, որ մարմնացած Տերն է ստեղծագործության... Մենք չենք պաշտում այդ մարմինը առանձին՝ այն բաժանելով Բանից, և ոչ էլ Բանը պաշտելու օգտին՝ այն բաժանում ենք իր մարմնից. այլ, ինչպես արդեն ասել ենք, գիտնալով, որ Բանը մարմնացավ, մենք այն ընդունում ենք որպես Աստված, որ գոյություն ունի մարմնի մեջ»: Իսկ Գրիգոր Նազիազանցին էլ ավելացրել էր. «Եթե մեկը սուրբ Մարիամին չի ընդունում որպես Աստվածամայր, նա բաժանված է աստվածությունից...»:

Քրիստոսի մարմնի վերքերի և նրա մարդկային բնության մասին խոսող բյուզանդացիների առարկությունների դեմ հայերը վկայակոչում էին Գրիգոր Նյուսացու հետևյալ խոսքերը. «...Բառերով պիտի բացատրվեն, թե վերքերը ծառային են, որի մեջ է Տերը, և պատիվները՝ Տիրոջը, որի շուրջ է ծառան, այնպես որ վերքերն ու պատիվները դառնում են հասարակաց յուրաքանչյուր տարրի համար՝ Տերը ընդունելով իր մեջ ծառայի վերքերի կապտանշանները, իսկ ծառան փառավորվելով Տիրոջը մատուցված պատվով: Դրա համար էլ խոսվում է փառքի անձնավորության Տիրոջ խաչի մասին, և ամեն լեզու խոստովանում է, որ Տեր Հիսուս Քրիստոսը Հայր Աստուծո փառքի մեջ է»:

Հայ Եկեղեցին հարել է Սուրբ Կյուրեղ Ալեքսանդրացու դպրոցին և Եփեսոսի ժողովի որոշումներին հավանություն տալուց հետո այլևս չի ուզեցել շարունակել քրիստոսաբանական մի բանավեճ, որը խանգարում էր նրա հավատքին: Կյուրեղյան այդ քրիստոսաբանությունը հաստատում էր, որ միավորումը մարդկային և աստվածային բնության միջև սկսվել է հենց Հիսուսի հղացումով: Այդ միավորումից առաջ է եկել մեկ էություն, մեկ Քրիստոս, մեկ Տեր: Քրիստոսի միությունը միավորման արդյունք չէ: Կյուրեղի համար Քրիստոսը մեկ է ոչ թե միավորումով, այլ՝ հակառակ միավորման: Մարդեղությունից առաջ հավիտենական Բանը մի կերպարանք էր, մի գոյացություն, մի բնություն (Prosopon hypostasis, phusis): Այդ Բանը, մարդեղությամբ, յուրացրեց անիմանալի մի միավորում, սուրբ Կույսից առնված մի մարդկություն: Սակայն նա ոչ մի փոփոխություն չկրեց այդ միավորումից. նրա անձը մնաց այն, ինչ որ էր. նա գոյություն ունի, միայն թե մի նոր վիճակի մեջ՝ մարմին զգեցած: Բանը աշխարհ եկավ մարդու սիրտյն և փրկության համար: «Մի է բնութիւն Բանին մարմնացելոյ»: Եվ սուրբ Հովհան Ոսկեբերանը փակում է բանավեճը իր հետևյալ նշանավոր խոսքով. «Թե ինչպե՞ս եղավ այդ միությունը, իսկուր է որոնել. Քրիստոս միայն գիտե այն»:

Այդ միությունը հաստատելու համար է, որ Հայ Եկեղեցին, պահելով ընդհանրական Եկեղեցու հին ավանդությունը, հունվարի 6-ին տոնում է ոչ միայն Սուրբ ծնունդը, այլև **Աստվածափայտությունը**. Ավետում, Ծնունդ և Մկրտություն. «Նորիորդ մեծ և սքանչելի, որ յայսմ ատուր յայտնեցաւ մեզ...», քանզի աստվածության այդ հայտնությունը, որ տեղի ունեցավ Քրիստոսի աշխարհի մուտք գործելու

երեք պահերին, այն չէ միայն, ինչ մենք մեր օրերին կոչում ենք «եղեղություն-Քրիստոս», որին ներկա ենք լինում, որի մասին խորհում ենք, որը փորձում ենք հասկանալ, այլև լույսի մի ժայթքում, որով Աստված մուտք է գործում մեր պատմության և մեր կյանքի մեջ, ինքն իրեն հայտնելով մեզ, ինչպես հայտնեց երեք առաքյալներին Թաբոր լեռան վրա. դա մի հեղափոխություն է, որ ապատագրում է մեր բնությունը և մեզ տեղափոխում աստվածային կյանքի ոլորտը:

Մեծ պահոց երեկոյան ժամերգության մի շարականի մեջ, որը հորինված է սաղմոսների ձևով, ամենապարզ բառերով նկարագրված է հավատացյալի հետևյալ զգացումը.

«Եւ ժողովուրդ որ նստեր ի խաարի՝ ետես
վոյս մեծ.

Ձի Աստուած ընդ մեզ է:


Եւ որ բնակեալդ էք ի խաարի և ի
ստուերս մահո՛ւ
Լոյս ծագեսցի առ մեզ. զի Աստուած ընդ
մեզ է:


Եւ քանզի մանուկ ծնաւ Որդի և տոաւ
մեզ.

Ձի Աստուած ընդ մեզ է»:

Քրիստոսի լույսի մեջ շողացող այդ կյանքը Եկեղեցու ծխական և խորհրդական կյանքն է, կյանքը՝ Եկեղեցու մեջ և Եկեղեցիով: Այնտեղ, ստեղծված և անկյալ մարդը հանդիպում է Քրիստոսին, ընդունում է սուրբ Հոգու ներգործությունը և այդպես հաղորդության մեջ է մտնում եռանձն Աստուծո հետ:

(Հատված Հահե արքեպիսկոպոսի ֆրանսերեն լեզվով տված մի դասախոսությունից Լիոն քաղաքի Սուրբ Իրենեոս էկումենիկ կենտրոնում 1982 թ. մայիսին)





«ԿԱՐԼՈՎԻ ՎԱՐԻ Ե» ԽՈՐՀՐԴԱԿՑԱԿԱՆ ՀԱՆԴԻՊՈՒՄԸ ՊՐԻՆՍՏՈՆՈՒՄ

Սույն թվականի հոկտեմբերի 5—8 օրերին Պրինստոն քաղաքի (ԱՄՆ) Աստվածաբանական կոլեջում տեղի ունեցավ «Կարլովի Վարի Ե» խորհրդակցական հանդիպումը: Հանդիպմանը մասնակցում էին ինչպես Սովետական Միությունում և Արևելյան Եվրոպայի մյուս երկրներում գործող Եկեղեցիների, այնպես էլ Ամերիկայի Միացյալ Նահանգների տարբեր Եկեղեցիների բարձրաստիճան հոգևոր ներկայացուցիչներ և պատասխանատու եկեղեցական այլ գործիչներ՝ թվով շուրջ 50 հոգի:

Խորհրդակցությունը, որ տեղի ունեցավ «Վատահության ամրապնդումը—Արևելքի և Արևմուտքի ժողովուրդները Եկեղեցիները» թեմայով, իրար մոտ էր բերել Արևելքի և Արևմուտքի Եկեղեցիների մի շարք ներկայացուցիչներ՝ եղբայրական փոխադարձ հասկացողությամբ շարունակելու քսան տարի առաջ սկսված իրենց համագործակցությունը և միասնաբար նպաստելու միջազգային լարվածության թուլացմանն ու խաղաղության ամրապնդմանը մեր օրերի աշխարհում:

Սույն հանդիպմանը իր մասնակցությունը բերեց նաև, հանուն Մայր Աթոռ Ս. Էջմիածնի, Երևանի թեմի առաջնորդ Ս. Նարեկ Եպիսկոպոս Շաքարյանը:

Խորհրդակցությունն սկսվեց հոկտեմբերի 5-ի առավոտյան պրեսբիտերական համալսարանի դահլիճներից մեկում՝ Հունգարիայի Ավետարանական վերակազմվալ Եկեղեցու Եպիսկոպոս դոկտ. Կարոլի Տոթի և ԱՄՆ-ի Քրիստոսի միացյալ Եկեղեցու նախագահ դոկտ. Էվերի Պոստի նախագահության ներքո: Բացման աղոթքից և ողջույնի կարճ

խոսքերից հետո, հաջորդող երկու օրերում տեղի ունեցան երկու լիագումար նիստեր, որոնց ընթացքում վերոհիշյալ թեմայի շուրջ գլխավոր զեկուցումներով հանդես եկան Արևելյան Եկեղեցիների կողմից՝ Ս. Անտոնի միտրոպոլիտը (Ռումինական Օրթոդոքս Եկեղեցի) և Արևմտյան Եկեղեցիների կողմից՝ դոկտ. Կլեր Ռենդոլլը (ԱՄՆ-ի Քրիստոսի միացյալ Եկեղեցի):

Ապա ներկայացված զեկուցումների շուրջ ծավալվեց մտքերի լայն փոխանակություն: Այս առթիվ ելույթ ունեցավ նաև Ս. Նարեկ Եպիսկոպոս Շաքարյանը՝ «Ըստ խոստման, աչքներս հառած ենք նոր երկնքի և նոր երկրի, որոնցում արդարությունն է բնակվում» (Բ Պետրոս, Գ 10—13) բնաբանով:

Հոկտեմբերի 7-ին հանդիպման մասնակիցները բաժանվեցին չորս առանձին խմբերի՝ չորս նիստերի ընթացքում քննարկելու խորհրդակցության առաջ դրված հիմնական հարցերը և պատրաստելու համապատասխան զեկուցագրեր: Հետագայում այդ զեկուցագրերի հիման վրա կազմվեց խորհրդակցության արդյունքներն ամփոփող պաշտոնական մի հաղորդագրություն, որը ներկայացվեց հանդիպման մասնակիցների քննարկմանն ու հաստատմանը: Հանդիպման վերջին օրը, հոկտեմբերի 8-ի լիագումար նիստում, հետ քննարկման, հաստատվեց «Կարլովի Վարի Ե»-ի պաշտոնական փաստաթուղթը և ապա խմբագրվեց մի նամակ՝ ուղղված ՍՍՀՄ Գերագույն սովետի նախագահության նախագահ Լ. Բրեժնևին և ԱՄՆ-ի պրեսիդենտ Ռ. Ռեյգանին:

Հաղորդագրության մեջ մտահոգություն էր



«ԿԱՐԼՈՎԻ-ՎԱՐԻ Ե» ԽՈՐՀՐԴԱԿՑՈՒԹՅԱՆ ՄԻ ԽՈՒՄԲ ՄԱՍՆԱԿԻՑՆԵՐ

հայտնվում այն մասին, որ մեր օրերի աշխարհում քաղաքական այնպիսի իրավիճակ է տիրում, որ խաղաղության սրբազան գործը պետք է լինի անհետաձգելի: Սուրբզրական հասկացությամբ, նշված էր փաստաթղթում, «խաղաղությունը պետք է ներկայանա արդարության և ճշմարտության հիմքի վրա և ոչ թե անհանդուրժողության, որ հակառակ է մեր Եկեղեցիների կոչումին և ոգուն»:

Հաղորդագրության մեջ շեշտված էր նաև այն միտքը, որ միջազգային բոլոր հարցերը պետք է լուծվեն մարդասիրական որոշումներով կամ երկխոսությամբ: Այս ելակետից էլ, «Մենք,—ասված էր փաստաթղթում,—որպես Եկեղեցիներ և ժողովուրդ, մերժում ենք սպառնալիությունների մրցավապքը և դատապարտում համայն մարդկությանը վտանգ և կործանում բերող ամեն տեսակի անարդար որոշում»:

Պրինստոնի սույն հանդիպման փաստաթղթի հեղինակները հույս էին հայտնում նաև, որ ՍՍՀՄ-ն ու ԱՄՆ-ը, երկու մեծ տերություններ, կկարողանան հաջողությամբ իրենց ավարտին հասցնել Ժնևում և Վիեննայում միջուկային զենքի սահմանափակման


վերաբերյալ իրենց սկսած բանակցությունները, ինչպես նաև լուծել մյուս հարցերը՝ կապված գինված ուժերի կրճատման հետ:

Հաղորդագրության վերջում խորհրդակցության մասնակիցները կոչ էին անում բոլոր պետություններին՝ ընդունել «ՄԱԿ-ը առավելագույնս օգտագործելու սկզբունքը, որպես ամբողջ աշխարհում վեճերը լուծելու, ճշմարտությունն ու խաղաղությունը պահպանելու կոչված բարձր ամբիոն»:

Նույն օրը, հոկտեմբերի 8-ի երեկոյան, Պրինստոնի Աստվածաբանական համալսարանի տնօրենությունը քաղաքի «Նասսաու Ինն» ռեստորանում տվեց պաշտոնական ճաշկերույթ, որին, բացի «Կարլովի Վարի Ե»-ի խորհրդակցության մասնակիցներից, ներկա էին նաև այլ բարձրաստիճան հոգևոր և ներկայացուցիչներ ԱՄՆ-ի ազգային Եկեղեցիներից:

Ճաշկերույթն անցավ ջերմ, եղբայրական մթնոլորտում:

«Եւ եղիցին գործք արդարութեան խաղաղութեամբ և կայցի արդարութիւն զհանգիստ և յուսացեալք եղիցին մինչև յալիտեան» (Եսայի ԼԲ 17):



ՀԱՅՐԵՆԱԿԱՆ ՄՇԱԿՈՒՅԹԻ ՊԱՇՏՊԱՆ ՀԱՅ ԿԱՆԱՅՔ

Խ Ա Թ Ո Ւ Ն

Ապրել է 13-րդ դարի սկզբներին Անի մայրաքաղաքում: Դուռնըն է Անիի մեծ հեջուր Վահրամի, ամուսինն է Նոր բերդի իշխան Վասակը:

Խաթունը և Վասակը զավակ չեն ունեցել: Հոգեկան հանգստության և հիշատակի համար Խաթունը իր ծախսով նորոգել է Հռոմոսի եկեղեցին¹⁹¹:

Կատարված շինարարական աշխատանքների մասին եկեղեցու պատերին մի շարք արձանագրություններ են փորագրվել 1231—1235 թվականներին:

Լ Ա Լ Խ Ա Թ Ո Ւ Ն

Ապրել է 15-րդ դարի կեսերին Եկեղյաց գավառում, ամուսինն է Ֆռանգը:

1439 թվականին Լալխաթունը Եկեղյաց գավառի Լուսավորչի վանքի կրոնավոր Սիմեոն գրչին պատվիրում է Հայսմավուրք ընդօրինակել:

Սիմեոն գրիչը կատարել է բարեսեր կնոջ պատվերը և իր կատարած աշխատանքի դիմաց ստացել 150 դրամ: Չեռագրի 606բ էջին գրված գլխավոր հիշատակարանում Սիմեոն գրիչը գրել է. «Յիշեցեք զպարոն Ֆռանկին, խաթուն վլախաթունին, որ ճԾ (150) դրամ երես Յայսմաուրացս ի գրեւն»¹⁹²:

Հայսմավուրքը մի սովոր հատոր է, կապված է ավելի քան 610 էջերից: Գրված է գեղեցիկ բոլորգրով:

¹⁹¹ Ստորագրություն կաթողիկե, էջ 269:

¹⁹² Յա. Տաշեան, Ցուցակ, էջ 49:

Հիշատակարանի շարունակությունից երևում է, որ Հայսմավուրքի ընդօրինակման ընթացքում երկու անգամ թշնամու բանակները մտել են Եկեղյաց գավառ և ամենուր ավեր, ավար սփռել, մարդկանց քջել գերության: Այդ ծանր օրերին Սիմեոն գրիչը թողնում է Լուսավորչի եկեղեցին և տեղափոխվում Ավագ գյուղի վանքը: Այստեղ էլ նա 1439 թվականի ապրիլի 20-ին ավարտում է ձեռագրի արտագրությունը:

Գրիչը հետագա սերունդներին տեղեկացնում է, որ Հայսմավուրքի ընդօրինակությունից երկու տարի առաջ կորցրել է տեսողությունը և համեստորեն խնդրում է. «Ամենդադիր լերուք սղալանաց և խոշորութեան սորա, քի կար մեր այս չափ էր»:

Լալխաթունի պատվիրած Հայսմավուրքն այժմ պահվում է Վիեննայի Մխիթարյանների մոտ:

Մ Ա Ր Գ Ա Ր Ի Տ

Ապրել է 15-րդ դարի երկրորդ կեսում Խարբերդում, ամուսինն է Վարդը:

1469 թվականին Խարբերդի Սուրբ Սարգիս պորավարի եկեղեցու քահանա Հակոբ գրիչը Հովհաննես քահանայի, նրա ծնողների՝ Շահպարտի և Լուսիսաթունի հիշատակին Ավետարան է ընդօրինակում: Չեռագրի 240բ էջի հիշատակարանից իմացվում է, որ Ավետարանը քրտնաջան աշխատանքով ընդօրինակել, մանրանկարել ու կապմել է ինքը՝ Հակոբ գրիչը, և սերունդներից խնդրել է բարի հիշել իր ծնողներին՝ Գրիգորին և Թանսուխին (տես հաջորդը):

Հակոբ գրչի հիշատակարանի տակ նոտորգրով ավելացված հիշատակագրությունից

երևում է, որ Ավետարանը Հովհաննես քահանայի փոխարեն գնել է Մարգարիտ տիկինը: Նրա անունից գրված է. «Յիջեցէք ի Քրիստոսս զհաւատարիմ տանտիկինն զՄարգարիտն, և զիւր որդին զԷմին պէկն, և զաղջիկն իւր զԳոռարն, և զՍիմատունն, և զՎարդըն, և զԿեսան, և զհամօրէն ննջեցեալքն, որ ստացաւ զՍուրբ Աւետարանս»¹⁹³: Մարգարիտ տիկինը Ավետարանը նվիրում է սուրբ Սարգիսս զորավարի եկեղեցուն:

Մեկ տարի անց մեծ դժբախտություն է պատահում Մարգարիտ տիկնոջ ընտանիքին: Դժբախտ խորջակի զոհ են դառնում որդին, դուստրը, թոռները: Եվ դժբախտ կինը, ի հիշատակ զավակների, նույն Հակոբ գրչին նոր Ավետարան ընդօրինակելու պատվեր է տալիս: Հակոբը կատարում է տարաբախտ կնոջ խնդրանքը: Նա իր հիշատակարանում միաժամանակ հայտնում է, որ ընդօրինակությունը կատարել է խիստ ծանր պայմաններում, քանի որ մահտարածամը շուրջ մեկ տարի իջել էր Խարբերդ քաղաքի վրա «եւ շատ դրունք փակեցան, և շատ հայր անորդի արար, եւ շատ քոյր՝ անեղբայր, շատ քահանայ անորդի մնաց, եւ շատ ծղծկան տղայ անհայր, անմայր մնաց»:

Հենց այս մահտարածամին էլ զոհ են գընացել Մարգարիտ տիկնոջ զավակները: Այդ մասին Հակոբ գրիչը գրում է. «Արդ, յայսմ ամի փոխեցաւ առ Քրիստոսս որդին և դուստրն և թոռներն այս հաւատարիմ կնոջս Մարգարտիս: և ինքն միայն մնաց՝ լալի և ողորմելի, վասն որոյ ետ գրել զՍուրբ Աւետարանս յիշատակ իւր, և ծնաւորացն, և որդւոյն, և դստերացն, և ամենայն արեան մերձաւորացն»¹⁹⁴:

Մարգարիտ տիկինը երկրորդ Ավետարանը ևս նվիրում է Սուրբ Սարգիսս զորավարի եկեղեցուն:

Անցնում են տարիներ, դարեր: Անօրեն թշնամու ձեռքով տեղահան ու տարաջխարհիկ դարձած հայերի նման աշխարհե-աշխարհ են ընկնում ու գաղթական դառնում նաև նրա հոգևոր գանձերը: Գաղթականի դառը ճակատագիրը բաժին է ընկել նաև Մարգարիտ տիկնոջ 1469 թվականին գնած և 1470 թվականին պատվիրած Ավետարաններին: Այս ձեռագրերը հասել են Լոնդոն և հանգրվանել Բոդլեյան գրատանը, որտեղ գտնվում են մինչև օրս անհատական արխիվների 120-րդ թղթապանակում, 61 և 62 թվահամարների տակ:

ԹԱՆՍՈՒՆ

15-րդ դարի կեսերին ապրել է Խարբերդում, ամուսինն է Գրիգորը, որդին՝ գրիչ, մանրանկարիչ Հակոբը:

Թանսուխի անունը ժամանակին ինքնատիկ էր ու մեզ է թողել Հակոբը: Նա 1469 և 1470 թվականներին ընդօրինակած երկու Ավետարանների հիշատակարաններում էլ սերունդներից խնդրել է հիջել նաև իր մորը՝ Թանսուխին:

Հակոբ գրչի, մանրանկարչի արտագրած Ավետարանները եզակի ճակատագրով գնվել ու Խարբերդ քաղաքի Սուրբ Սարգիսս զորավարի եկեղեցուն են նվիրվել քաղաքի բնակիչ Մարգարիտ տիկնոջ ձեռքով և հետո, դարեր անց, առանց իրարից բաժանվելու ու իրար կորցնելու հանգրվանել են Լոնդոնի Բոդլեյան գրատանը:

Հակոբ գրիչը 1466 թվականին Խարբերդի Սինամուտ թաղում գրիչ Պողոս սարկավագի հետ ընդօրինակել է նաև ձառնոց: Ձեռագրի հիշատակարանում կարդում ենք. «Գրեալ ի թվ(իս) ԶԺԵ (1466), ձեռամբ Բ (2) գրչաց՝ Յակոբ քահանայի և Պաղոս սարկավագի ի Խարբերդ քաղաքի, ի թաղն Սինամուտ, ի կաթողիկոսութեան տեառն Սարգսի և յեպիսկոպոսութեան տեառն Յոհաննիսի, և ի ամիրայութեան Հասան խանի, ի խնդրոյ տէր Յոհաննէս եպիսկոպոսի, ընդ հովանեաւ Սուրբ Սարգսի վարավարին... ի յիշատակ իւր ծնողացն՝ Լիպարիտին և Մանանային»¹⁹⁵:

Այս ձեռագիրը 19-րդ դարի երկրորդ կեսին Զինքուշի Սիրահայաց Սուրբ Աստվածածին վանքում տեսել ու հիշատակարանն արտագրել է Գարեգին եպիսկոպոս Սըրվանդույանը¹⁹⁶:

Թանսուխի որդի, գրիչ, մանրանկարիչ Հակոբի ընդօրինակած այս ձեռագրին բախտ չի վիճակվել հասնելու մեր օրերը:

ՄԱՐԻԱՍ

Մարիամ ապաշխարողն ապրել է Քաջաթաղի Խանածախ գյուղում: 1647 թվականին նա իր հորեղբոր՝ Մարկոս եպիսկոպոսի խնդրանքով ընդօրինակել է Ներսես Շնորհալու «Բանք չափաւ» երկը:

Ձեռագրի համար օգտագործվել է միջին մեծության 261 թղթե թերթ, գրված է միայլուն, բոլորգրով:

¹⁹³ ԺԵ դարի հիշատակարաններ, մասն Բ, էջ 292—293:

¹⁹⁴ Նույնը, էջ 297—298:

¹⁹⁵ Նույնը, էջ 250—251:

¹⁹⁶ Թորոս Աղբար, Բ, էջ 479:

Մարիամ գրչուհու երախայրիքն անցել է դարերի միջով, կիսել իրեն ստեղծած ժողովրդի բախտը և ի վերջո թավրիպաբնակ Սոդոմոն Մելիք-Աբրահամյանին պատկանած ուրիշ 13 ձեռագրերի հետ 1910-ական թվականներին մուտք գործել Էջմիածնի Մայր տաճարի Մատենադարանը, իսկ այժմ մըտնում է Երևանի Սուրբ Մեսրոպ Մաշտոցի անվան Մատենադարանի ֆոնդը, 4281 թղվահամարի տակ¹⁹⁷:

ԵՂԻՍԱԲԵԹ

Ապրել և գործել է Հալիձորում:

1654 թվականին Եղիսաբեթն ընդօրինակել է Զարակնոց: Չեռագրի համար օգտագործված են 363 մագաղաթյա փոքր չափի թերթեր: Զարակնոցը պարզարված է տերունական մեկ պատկերով, պարզ կիսախորաններով, լուսանցավարդերով, գրված է բոլորգրով: Չեռագիրը պատվիրել ու ստացել է Միքայել Միայակեցը:

Զարակնոցն այժմ գտնվում է Երևանի Սուրբ Մեսրոպ Մաշտոցի անվան Մատենադարանում¹⁹⁸:

ՀԵՂԻՆԵ

Ապրել է 17-րդ դարի կեսերին:

1656 թվականին Հեղինե կույսը եղբոր՝ Մարինոս վարդապետի հետ ընդօրինակել է Գրիգոր Տաթևացու Քարոզգիրքը:

Չեռագրի համար օգտագործվել է միջին մեծության 530 թղթե թերթ, գրված է երկայուն, բոլորգրով, ունի մանրանկար կիսախորաններ և լուսանցավարդեր: Քարոզգիրքը ստացել է Մեսրոպ վարդապետը:

1900-ական թվականներին Քարոզգիրքը գտել է Խաչիկ վարդապետ Դադյանը և մտցրել իր հավաքածուի մեջ, որտեղից էլ այն մտել է Էջմիածնի Մայր տաճարի Մատենադարան:

Երջանիկ պատահականության շնորհիվ ժամանակի ամենակալ երախից ու թշնամիների հրից ու սրից փրկվել է Հեղինե գրչուհու ձեռքով ընդօրինակված Քարոզգրքի ևս մեկ օրինակ: Այս ձեռագիրը նախորդի նման մեծ չէ, գրված է միջին մեծության ընդամենը 21 թղթե թերթերի վրա, երկայուն, բոլորգրով: Չեռագրի հիշատակարանից իմացվում է, որ Հեղինեն այն մենակ է արտագրել:

Այս ձեռագիրը Էջմիածնի Մայր տաճարի Մատենադարան է մուտք գործել 1910-ական թվականներին:

Այժմ Հեղինե կույսի ընդօրինակված երկու ձեռագրերը պահվում են Երևանի Սուրբ Մեսրոպ Մաշտոցի անվան Մատենադարանում, 3879 և 4043 թվահամարների տակ¹⁹⁹:

ԳՈՀԱՐԱԶԻԶ

Ապրել է 17-րդ դարի կեսերին, ամուսինն է պարոն Թորոսը, որդին՝ Ոսկան վարդապետ Երևանցին:

Գոհարապիկ տիկնոջ որդին՝ Ոսկան Երևանցին, հայ տպագրության երախտավորներից է, և նրա երախայրիքը՝ 1666—1668 թվականներին հուլանդական Ամստերդամ քաղաքում տպագրած Աստվածաշունչը՝ հայկական տպագրության թագուհի, ինչպես Աստվածաշնչի Սահակ-Մեսրոպյան թարգմանությունը՝ թարգմանությունների թագուհի:

Այդ ամենը սկսվել է այսպես: 1656 թվականին Հակոբ Ջուղայեցի կաթողիկոսի հրամանով Էջմիածնի միաբանության դպիր Մատթեոս Ծարեցին տպագրական գործերով մեկնում է Եվրոպա: Նրա նպատակը Աստվածաշնչի տպագրությունն էր: Հոռում հենարան և օգնություն չգտնելով Ծարեցին գրնում է Հոլանդիա՝ Ամստերդամ: Մեծ դժվարություններով Ծարեցին 1660 թվականին ստեղծում է տպարան, բայց չի ապրում անգամ այնքան, որ տեսնի իր սկսած առաջին գրքի՝ Ներսես Շնորհալու «Յիսուս Որդի» երկի տպագրված օրինակը: Թվում էր, որ մեծ դժվարությամբ ստեղծված տպարանը կբռնագրավի պարտքատերերի կողմից, բայց այդ ժամանակ առևտրական գործերով Ամստերդամում գտնվող Նորջուղայեցի վաճառական Ավետիս Ղիճեցը վճարում է պարտքատերերին, գնում է տպարանը և ավարտին հասցնում «Յիսուս Որդու» տպագրությունը:

Ահա այս Ավետիսն էլ Եվրոպա՝ Ամստերդամ է կանչում իր եղբորը՝ Ուշիի Սուրբ Սարգիս Վորավարի վանքի վանահայր, կրթված, պարզացած մտավորական Ոսկան վարդապետ Երևանցուն, որը երապում էր Աստվածաշնչի հայերեն տպագրության մասին և տարիներ շարունակ աշխատել էր Աստվածաշնչի հայերեն բնագրի պատրաստման ուղղությամբ: Հակոբ Ջուղայեցի կաթողիկոսը հավանություն է տալիս այդ ընտրությանը:

Ոսկան Երևանցին Ամստերդամ է հասնում 1664 թվականին: Մինչ այդ Ամստերդամ էր հասել նրա աշակերտ Կարապետ Անդիանացին և տպել չորս գիրք՝ երկու ժամագիրք, երկու սաղմոսարան: Հինգերորդը՝ Զարակ-

¹⁹⁷ Ցուցակ ձեռագրաց, հ. Ա, էջ 1184:

¹⁹⁸ Նույնը, հ. Բ, էջ 463:

¹⁹⁹ Նույնը, հ. Ա, էջ 1102, 1136:

նոցը, Կարապետ Անդիանացին և Ոսկան Երևանցին տպագրում են միասին: Աստվածաշնչի տպագրությունը սկսելուց առաջ Ոսկան Երևանցին, որպես վերջին փորձ, տրպագրում է մի այբբենարան և իր հեղինակած «Քերականությունը»:

1666 թվականի մարտի 11-ին սկսվում է Աստվածաշնչի տպագրությունը: Ոսկան Երևանցին և իր օգնականները՝ Կարապետ Անդիանացին և Օհան Երևանցին, գրքի տրպագրությունն ավարտում են 1668 թվականի վերջին: Հայ գրքի մեծ գիտակ, բանասիրական գիտությունների դոկտոր Ռաֆայել Իշխանյանը վերջերս հրատարակած «Հայ գիրքը» արժեքավոր աշխատության մեջ գրել է. «Մեծածավալ (1462 էջ կամ 2924 սյունակ, 159 պատկեր) և բարդ բնագիր ունեցող այս գիրքը հայ տպագրիչ վարդապետները լույս են ընծայել օրինակելի, բարձր արվեստով: Կարևոր էին Ոսկան Երևանցու և Կարապետ Անդիանացու անձնական արժանիքները՝ գրքի բնագիրը մանրակրկիտ նախապատրաստելու, սրբագրելու և տպագրությունը մաքուր ու որակով անելու գործում»²⁰⁰:

Հայ մարդու, որդու երախտագիտությամբ, իր արածի հարկը իմացողի արժանապատվությամբ Աստվածաշնչի 834 էջի «Յիշատակարանում» Ոսկան Երևանցին սերունդներից խնդրել է հիշել նաև «պիայրն իմ պապուն Թորոսն. և պայրն իմ պոռհարապիպն, և պեղբայրն իմ պոռհաննէսն պիոխեցեալն առ ՔՍ., որոյ ընչիւքն մտի ես ի գործս յայս, այլ և պիաւ եղբայրն իմ վԱնտիսն, որոյ գրովն սկսաւ գիրքս»:

Մինչև այժմ ընդունված էր ասել, որ Ոսկան Երևանցու Աստվածաշունչը Եվրոպայից Հայաստան չի հասել, որ ճանապարհին տրպաքանակը բերող նավը ենթարկվել է նավաբեկության և խորտակվել՝ իր հետ ծովի հատակը տանելով անգնահատելի բեռը: Սակայն վերջերս Ապարան ավանի բնակիչ Ղ. Հակոբյանի տանը պահվող ոսկանյան Աստվածաշնչի վերջին՝ 834 էջում հայտնաբերվել է խիստ մաշված, կողքերից կտրտված հիշատակագրություն, որ նոր լույս է սփռում այդ առեղծվածի վրա: Ահա այն. «Յիսուսի Քրիստոսի ծառայ Յոհան վարդապետ և ըսպասաւոր Մեծի Աթոռոյ Սրբոյն Էջմիածնի, որ հրամանաւ տեառն Հակոբայ սրբապան կաթողիկոսի տուայ վԱ[ստուա] ծաշունչ գրեանսն վաճառելոյ: Էկի արիւնեալ գնողն (2 բառ ջնջված) Ա[ստուա] ծաշունչս Մկրտիչ, Ասատուր, Տօղլոթգար, Սարգիս հանգուցեալ առ

անվանիկ եղբարք: Ստացան վԱ[ստուա] ծաշունչս վայս յիշատակ հաւիտեանց...: Գրեցաւ իմով ձեռամբ թվին ՌՃԻԸ (1679)»²⁰¹: Հետևում է, որ Աստվածաշնչի միայն որոշ քանակությունն է տարերքի վոհ դարձել, որ մի մասը հասել է հայրենիք և Հակոբ կաթողիկոսի բարեհաճ թույլտվությամբ վաճառվել հավատացյալներին:

Ամստերդամում Ոսկան Երևանցին ևս տասը անուն գիրք տպագրեց: Այնուհետև նա տպարանը փոխադրում է Իտալիա՝ Լիվոռնո: Այստեղ տպագրվում է երեք գիրք: Այստեղից ևս տպարանը տեղահանվում է և 1673 թվականին հաստատվում Ֆրանսիայի Մարսել քաղաքում: Մարսելում էլ հաջորդ տարվա՝ 1674-ի փետրվարի 4-ին իր մահկանացուն է կնքում Գոհարապիկ տիկնոջ որդին՝ հայ տպագրության երախտավոր Ոսկան Երևանցին: Նրա աճյունը թաղվում է Մարսելի գերեզմանոցում:

Ոսկան Երևանցու մահվանից հետո անցել է ավելի քան երեք դար: Բայց ո՛չ նրա և ո՛չ էլ նրան ծնող մոր՝ Գոհարապիկի անունները չեն խոնացել: Նրանց՝ մորը և որդուն միշտ կհիշեն, քանի որ երկուսի անուններն էլ հավերժորեն դաշված են անմահ Աստվածաշնչի էջին:

ՄԱՐԻԱՄ

1673 թվականին Մարիամ գրչուհին Ղափանի Շնհեր գյուղում արտագրել է Գրիգոր Տաթևացու Ոսկեփորիկը և Քարոսները:

Ձեռագրի համար օգտագործվել է միջին չափի 509 թղթե թերթ, գրված է միասյուն, բոլորգրով, ունի մանրանկար կիսախորաններ: Գրքի պահպանակի համար օգտագործված են մագաղաթյա չորս թերթեր, որոնց վրա բոլորագիծ երկաթագրով վետեղված են Պողոսի թղթերը:

Մարիամ գրչուհու ընդօրինակած ձեռագիրը պահվում է Երևանի Սուրբ Մեսրոպ Մաշտոցի անվան Մատենադարանում²⁰²:

ԳԱՐԻԱՆԵ

Գարիանե ապաշխարողը 1679 թվականին կապվել է Բարսեղ եպիսկոպոսի ընդօրինակած Ավետարանը:

Ավետարանի ընդօրինակությունը դեռևս ԺԱ դարում սկսել է Հովհաննես գրիչը: Սակայն նա չի ավարտել արտագրությունը և միայն

²⁰⁰ Ռ. Իշխանյան, Հայ գիրքը, 1512—1920: Ե., 1981, էջ 63:

²⁰¹ Վ. Պետրոսյան, Ապարանի շրջանի ձեռագրերը, էջ 164:

²⁰² Յուզակ ձեռագրաց, հ. Ա, էջ 555:

17-րդ դարում Բարսեղ եպիսկոպոսը ավարտին է հասցնում նրա սկսած գործը:

Ավետարանի համար օգտագործվել են 383 բավականին մեծ ($42 \times 32,5$ սմ) թղթե թերթեր: Չեռագիրը նկարկեն է, ունի տերունական 12 և ավետարանիչների 4 մանրանկարներ, 10 խորան և կիսախորաններ:

Գարիանեն վարպետորեն է կապմել գիրքը, կապի համար օգտագործել է թավիշ: Հավանաբար նրա ձեռքով են կապմերին փակցվել նաև արծաթե քանդակները, որոնց վրա կան տերունական բարձրաքանդակներ:

Գարիանեի կապմած ձեռագիրը գտնվում է Երևանի Սուրբ Մեսրոպ Մաշտոցի անվան Մատենադարանում²⁰³:

ՍԱՆԴՈՒՆՏ

Սանդուխտ կրոնավորը գործել է 17-րդ դարի վերջերին: 1690 թվականին նա ընդօրինակել է Խորհրդատետր: Չեռագիրը կապմված է միջին մեծության 24 թղթե թերթերից, գրված է երկայուն, բոլորգրով, ունի մանրանկար կիսախորաններ և լուսանցավարդեր: Չեռագիրը ստացել է մի ուրիշ կրոնավորուհի՝ Հռիփսիմեն, որի հիշատակարանը գրված է 22բ էջում:

Այժմ Խորհրդատետրը պահվում է Երևանի Սուրբ Մեսրոպ Մաշտոցի անվան Մատենադարանում²⁰⁴:

²⁰³ Նույնը, հ. Բ, էջ 600:

²⁰⁴ Նույնը, հ. Բ, էջ 614:

ԳՈՀԱՐ

Հայ գրչության համեստ մշակներից մեկը՝ Գոհարը, 1719 թվականին Սուրբ Աստվածածին եկեղեցում ընդօրինակել է աղոթագիրք: Չեռագիրը բաղկացած է 159 մագաղաթյա թերթերից և ունի փոքր չափ ($10,8 \times 8,5$), գրված է միասյուն, բոլորգրով:

Չեռագրում տեղ են գտել Եփրեմ Ասորու, Վարդան վարդապետի և այլոց աղոթքները: Գոհար գրչուհին աղոթագիրքն արտագրել է Մարթա կույսի պատվերով:

Այս ձեռագիրն այժմ պահվում է Երևանի Սուրբ Մեսրոպ Մաշտոցի անվան Մատենադարանում²⁰⁵:

ԹԵԿՂԻ

Թեկղի Ջիջոյանցն ապրել է 19-րդ դարի սկզբներին Ղպարում:


1809 թվականին Թեկղի կույսն Ավետարան է ընդօրինակել: Չեռագրի համար նա օգտագործել է միջին մեծության 198 թղթե թերթեր, գրել է երկայուն, նոսրագրով: Չեռագրի մեջ գտնվող չորս ավետարանիչների մանրանկարները ևս հավանաբար Թեկղին է նկարել:

Ավետարանը գտնվում է Երևանի Սուրբ Մեսրոպ Մաշտոցի անվան Մատենադարանում²⁰⁶:

²⁰⁵ Նույնը, հ. Բ, էջ 473:

²⁰⁶ Նույնը, հ. Բ, էջ 904:





ՀԱՅԱԳԻՏԱԿԱՆ ՀՐԱՏԱՐԱԿՈՒԹՅՈՒՆՆԵՐ

ԳՐԱԿԱՆԱԳԻՏԱԿԱՆ ՆՈՐ ԺՈՂՈՎԱԾՈՒ

Երևանի պետական համալսարանի հրատարակչությունը վերջերս լույս ընծայեց պրոֆ. Մ. Մկրյանի «Գրականության պատմության հարցեր» ժողովածուն, որն ընդգրկում է շուրջ երկու տասնյակ հոդվածներ և ուսումնասիրություններ՝ նվիրված հայ գրականության դասականներին, գրականության պատմության և տեսության խնդիրներին:

Ժողովածուն բացվում է Մովսես Խորենացուն նվիրված ուշագրավ ուսումնասիրությամբ, որտեղ հանգամանորեն լուսաբանված են մեր պատմահոր կյանքն ու ստեղծագործությունը: Մ. Մկրյանն այստեղ տալիս է պատմա-գեղարվեստական գրականության ծագման նախադրյալները, բացահայտում Խորենացու մեծությունն իբրև «պատմագետի և մտածողի, իբրև ժամանակի հասարակական մտքի ու գիտակցության և էթետիկական ճաշակի ամենախոր կրողի»:

Խորենացին շատ բարձր է կանգնած եղել ժամանակի մտածողությունից իր աշխարհըմբռնումներով: Այս մասին հեղինակը գրում է. «Խորենացու հումանիզմի ամենացայտուն արտահայտություններից մեկը, որով նա վեր է բարձրանում ֆեոդալական մտածողության շրջանակներից, մարդու նկատմամբ դասակարգային խտրականության մերժումն է: Նա մարդուն գնահատում է որպես մարդու՝ իր արժանիքների համապատասխան»:

Իր ուսումնասիրությունների շարքում Մ. Մկրյանը առանձնակի վերաբերմունք է ցուցաբերել դեպի Գրիգոր Նարեկացին՝ նրան ներկայացնելով որպես մեծ մտածողի, գեղագետի և հումանիստի:

Լուրջ ներդրում է «13—18-րդ դարերի հայ աշխարհիկ գրականությունը» ծավալուն հոդվածը, որտեղ վեր են հանված մեր միջնադարյան տաղերգուների ստեղծագործությունների համամարդկային արժեքը, հումանիստական էությունը: Առանձնակի շեշտված են երկու խոշոր քերթողների՝ Նահապետ Քուչա-

կի և Սայաթ-Նովայի ստեղծագործությունները:

Ժողովածուում հատուկ լրջությամբ շարադրված է «Հայ գրականությունը 1870—1920 թվականներին» ծավալուն հոդվածը, որտեղ առանձնակի շեշտված է մեր դասական գրականության հարուստ ժառանգությունը և նրա բարերար նշանակությունը հայ գրականության հետագա շրջանի վարձացման համար: Անվանի գրականագետը խոր և համուլիկանորեն է վերլուծել և ներկայացրել Մ. Նալբանդյանին, Հ. Պարոնյանին, Գ. Սունդուկյանին, Դ. Դեմիրճյանին, հատկապես՝ Հովհ. Թումանյանին և Ավ. Իսահակյանին:

Մ. Մկրյանի սույն աշխատությունը լուրջ ներդրում է հայ գրականության պատմության հետապոտության բնագավառում:

ԱՆԱՆՈՒՆ ԵՂԵՍԱՅՈՒ «ԺԱՄԱՆԱԿԱԳՐՈՒԹՅՈՒՆԸ»

Հայկական ՍՍՀ գիտությունների ակադեմիայի հրատարակչությունը «Օտար աղբյուրները Հայաստանի և հայերի մասին» մատենաշարով վերջերս լույս ընծայեց Անանուն Եղեսացու «Քաղաքական ժամանակագրություն» շուրջ 200-ամյա ժամանակաշրջան ընդգրկող աշխատության վերջին մասը՝ Լևոն Տեր-Պետրոսյանի թարգմանությամբ, որը նվիրված է սելջուկ թուրքերի տիրապետությանը և խաչակրաց արշավանքներին: Գրքի հավելվածում ամփոփված են հայերին վերաբերող այն տեղեկությունները, որոնք տեղ են գտել «Քաղաքական ժամանակագրության» նախորդ գլուխներում և եկեղեցական ժամանակագրության պահպանված հատվածներում:

Հայերի մասին տեղեկությունները ցրված են գրքի տարբեր գլուխներում և ընդգրկում են հնագույն ժամանակներից մինչև Եղեսացու ապրած ժամանակները: Այստեղ կան մի շարք տեղեկություններ, որոնք հայտնի են դառնում բացառապես շնորհիվ Եղեսացու

աշխատության, որ մեծապես բարձրացնում է գիտական այդ երկի արժեքը:

Ուշագրավ են հեղինակի վկայությունները Եղեսիայի թագավորների հայկական ծագման, բյուզանդա-արաբական՝ պատերազմների ընթացքում աչքի ընկած հայ պորավարներ Մանվելի, Գրիգորի և Դավթի գործունեության, ինչպես նաև խալիֆաթի ջրջանի Հայաստանի հայտնի անցողարձների մասին:

Աշխատությունը մանրամասն տեղեկություններ է պարունակում Հարավային Կապադովկիայի և Հյուսիսային Ասորիքի հայկական իշխանությունների՝ Անտիոքի, Եղեսիայի, Մարաշի, Քեստուի, Կարկառի և Մելիտենեի մասին, իշխանություններ, որոնք ԺԱ—ԺԲ դարերի սահմանագլխին մեկը մյուսի ետևից զոհ գնացին խաչակիրների դավերին ու բռնություններին:

Շատ արժեքավոր են Անանուն Եղեսացու տվյալները Սասունի հայկական իշխանության մասին, քանի որ, ինչպես հայտնի է, վերջինիս վերաբերյալ քիչ տեղեկություններ է պահպանվել հայկական սկզբնաղբյուրներում:

ՀԱՅ ԲԱՆԱՍՏԵՂԾՈՒԹՅՈՒՆՆԵՐԻ ԱՆԹՈՂՈԳԻԱ ՌՈՒՄԻՆԵՐՆԵՆ

Վերջերս Ռումինիայում լույս է տեսել «Հայ դասական և ժամանակակից բանաստեղծության անթոլոգիա» գիրքը, որտեղ ընդգրկվել են 91 հայ բանաստեղծներ՝ Մեսրոպ Մաշտոցից մինչև մեր օրերը: Գրքի թարգմանիչներն են ռումին բանաստեղծ Դումիտրու Մ. Իոնը, նրա կինը՝ Կարոլինա Իլիկան, և բանաստեղծ, թարգմանիչ Հարալամբիե Գրեմեսկուն: Ռումինահայ Սարգիս Սեյանը

գրել է ժողովածուի ընդարձակ առաջաբանը, կապմել ծանոթագրությունները և յուրաքանչյուր բանաստեղծությունների շարքից առաջ պետեղել տվյալ հեղինակի համառոտ կենսագրությունը: Գրքի հրատարակությանն իր գործոն մասնակցությունն է բերել նաև Ռումինիայում հայտնի «Միներվա» հրատարակչության «Գրադարան» բոլորի համար» մատենաշարի խմբագիր Նիկոլաե Թեյկան:

Ըստ ժողովածուի կառուցվածքի, բանաստեղծները ներկայացված են ժամանակագրական կարգով: Առաջինը, բնականաբար, ներկայացված է Մեսրոպ Մաշտոցը: Այնուհետև հաջորդաբար ներկայացված են մեր մյուս բանաստեղծները, մինչև մեր ժամանակակից երիտասարդ հեղինակները:

Գրքում տեղ են գտել մեր գրականության նշանավոր դեմքերը՝ Գրիգոր Նարեկացի, Ներսես Շնորհալի, Ֆրիկ, Նահապետ Քուչակ, Սայաթ-Նովա, Ղևոնդ Ալիշան, Ռավայել Պատկանյան, Պետրոս Դուրյան, Միսաք Մեծարենց, Սիամանթո, Դանիել Վարուժան, Հովհաննես Թումանյան, Ավետիք Իսահակյան, Վահան Տերյան, Եղիշե Չարենց, Պարույր Սևակ և ուրիշներ:

Թարգմանիչ Դումիտրու Մ. Իոնը ժողովածուի հրատարակության մասին ասել է.

«Կարծում եմ, բուն թարգմանական առումով այս ժողովածուն հիմնականում հաջողվել է, իսկ դա առաջին հերթին արդյունք է այն մտերմիկ ու թանկ հարապատության, որ մենք՝ այս գրքի թարգմանիչներս, տածել ենք հայ ժողովրդի կենսասեր ու ապատանջ ոգու և նրա սքանչելի արտահայտության՝ հինավուրց ու նոր հայ բանաստեղծության հանդեպ»:



Յ Ո Ւ Ց Ա Կ

ՄԱՅՐ ԱԹՈՒ Ս. ԷԶՄԻԱԾՆԻ ՆՈՐ ՍՏԱՅՎԱԾ ՁԵՌԱԳՐԵՐԻ*

ԺՈՂՈՎԱԾՈՒ

№. 550

(Հայերեն և հայատառ տաճկերեն)

ԲՈՎԱՆԴԱԿՈՒԹՅՈՒՆ

Թերթերը՝ 47:—Պրակները՝ Ա և Գ՝ 12, Բ՝ 10, Դ՝ 13 թերթից են:—Մեծությունը՝ 21×11×0.8 սմ.:—Նյութը՝ դեղնած և կեղտոտած հաստ թուղթ:—Կապը՝ կաշի, երկու երեսի վրա գծեր քաշված են ճնշումով:—Պահպանակները՝ սկզբում և վերջում մեկական հասարակ թուղթ:—Վիճակը՝ բավարար, սակայն մի քանի թերթ կտրված է:—Գրությունը՝ միասյուն:—Դատարկ թղթերը՝ 1ա, 10ա, 10բ, 17ա, 17բ, 22բ, 25բ, 31բ, 38ա, 39բ, 41բ, 47ա և 47բ:—Տողերը՝ անհամաչափ:—Գծումները՝ ճնշումով:—Գիրը՝ նոտրգիր:—Ձարդագրություն՝ չկա:—Գրիչը՝ անհայտ:—Պատվիրատուն՝ անհայտ:—Ժամանակը՝ 19-րդ դար:—Վայրը՝ անհայտ, սակայն շատ հավանաբար Թուրքիա:—Ծանոթագրություն՝ սույն ձեռագիր մատյանը Մայր Աթոռի Ձեռագրատան նվեր է ուղարկված Բուենոս Այրեսից Ս. Մատթեոս քահանա Գույումճյանը: Այս ստացված է 7 հունիսի 1982 թ. ձեռամբ Արգենտինայի Հայրապետական Պատվիրակի փոխանորդ Ս. Գրիգորիս վարդապետ Բուենիայանի:

* Ծարո. նակված «Էջմիածին» ամսագրի 1984 թվականի № № Ը—Թ-ից, ԺԲ-ից, 1985 թվականի № № Ը—Ժ-ից, 1988 թվականի № Է-ից, 1970 թվականի № № Դ—Ե-ից, Ժ-ից, ԺԲ-ից, 1971 թվականի № № Ե—Ը-ից, ԺԱ—ԺԲ-ից, 1972 թվականի № № Ա—Բ-ից, Դ-ից, 1973 թվականի № № Ա—Գ-ից, Ը-ից, 1974 թվականի № № Գ-ից, Է—Ը-ից, 1975 թվականի № № Ա-ից, Գ-ից, ԺԱ—ԺԲ-ից, 1976 թվականի № № Բ—Ե-ից, Է—Թ-ից, ԺԲ-ից, 1977 թվականի № № Գ—Ժ-ից, 1978 թվականի № № Ա-ից, Դ-ից, 1979 թվականի № № Բ-ից, Դ-ից, Զ—Է-ից, ԺԲ-ից, 1980 թվականի № № Բ—Գ-ից, Ը-ից, Ժ—ԺԲ-ից, 1981 թվականի № № Ա—Դ-ից, Է-ից, Թ—ԺԲ-ից, 1982 թվականի № № Ա-ից և Գ-ից:

Ձեռագիր մատյանը հոգևոր երգերի մի ժողովածու է, մեկ մասը գրված հայերենով, մյուսը՝ հայատառ տաճկերենով: Հայարենով կան քիչ քանակությամբ մեղեդիներ և տաղեր, իսկ տաճկերենով՝ բազմաթիվ շարքիներ, բեյաթիներ և գազելներ: Այստեղ կան նաև վանազան այլ ոտանավորներ:

(Ստորև տրվում է ինքնագիր ոտանավորներից մեկը որպես նմուշ):

Թ. 45ա.—Գովեստ առ ինքնակալ թզրն Օսմանեան Երկնի և երկրի թագաւոր անճառ.

Կացո՞ մշտայաղթ վարձայն մեր արդար.

Արքայից արքայս տիեզերակալ.

Ոպ բիբ ական պահե՛ա բարերար:

Ձխոսրով շահնշահ ի վեհից կաճառ.

Փայլեցո՞ փառօք արև մշտափայլ:

Ձնոր Աղէկսանդորն քաջ աշխարհակալ.

Պահպանեա՞ հպօր աջով քով բարձրել:

Սողոմօն երկրդ զմերս թագակալ.

Գերապանծ շքով կացո՞ վարդարել:

Ձարծիւս կորովի սրաթև սաւառնել.

Բարձրացո՞ կարօղ ճախրել գեղապար:

Ձառիւծս արի ահընկեց յաշխարհ.

Յաւե՛ծ յաղթուր վօրացո՞ իսպառ:

Եօթնեկի բաժնից լիցի պարսաքար.

Յանուն քո օրհնել ի մարտից պայքար:

Թ. 45բ.—Եղջուր դիմակալ սուսեր յեսանել.

Տիրօղ ատեւեաց արա անդադար:

Ժողովք թշնամեաց գումար վայրապար.

Ի հպօր բազկէ պարտեցին հերքեալ:

Թոչունք փքացել ի վեր ամբարձեալ.

Ի ճանք բազէիս անկցին կորացեալ:

Տիեզերեօք ողջոյն ը ձկանց գումար.

Ցանցեցին յուռկան յորտոյիս ճարտար:

Ահեղ վորուր տերամբ յաջողել.

Ծովու ցամաքի տիրեցէ իսպառ:

Փող յաղթանակի՝ բարեբաղդ բարբառ

Ի լուր աշխարհի հնչեցէ յամայր:

Արացես սիրով պիտի օրն հապար.
Բնջ առողջ կենօք միշտ բարգաւաճել:
Եւ մեք մատուցուք պիտաւ անդադար
Միտք Այ յերկիր խոնարհեալ:

Ն Ք Ր Տ

Սուլթան Մահմուտ խան պնծ ինքնակալ.
Բազմամեայ աւուրքք պարգևե՛ա մեզ կե(ա)լ:

<ԻՇԱՍԱԿԱՐԱՆ

Թ. 1բ.—<Հատընտիր գումարք եղանակաց:
(51 անգամ էջի կամ երգի վերջում կրկնվում են
ՆՔՐՏ չորս տառերը, որոնք շատ հավանաբար ներ-
կայացնում են ձեռագիրը գրողի անվան և ազգան-
վան սկզբնատառերը):

<ԻՇԱՍԱԿԱԳՐՈՒԹՅՈՒՆ

Թ. 47ա.—Սոյն մատենը
Նուիրում է Մ. Աթոռ Ս. Էջմիածինի
Բ. Այրեսից Տ. Մատթեոս քինյ.
Գույումճեանը (բնիկ Պոլսեցի):
Գրիգորիս վրդ. Բունիաթեան
6.6.1982 թ.
Ս. Էջմիածին:

№. 551
ԱՄՍԱՅԻԼ

Թերթերը՝ 1:—Մեծությունը՝ 198.2×7.3 սմ.:—Նյու-
թը՝ դեղնած և կեղտոտած հաստ թուղթ:—Պահպա-
նակներ չունի:—Վիճակը՝ անբավարար, սկզբից թերի
է:—Գրությունը՝ միասյուն:—Դատարկ թղթերը՝ 1բ:—
Տողերը՝ 260:—Գծումներ՝ չունի:—Գիրը՝ նոտրգիր:—
Չարդագրություն՝ համայնում կա երկու սրբապատ-
կեր, որոնք շատ նախնական ձևով են նկարված: Ա-
ռաջինը իբր թե Ս. Գրիգոր Նարեկացին է: Այս կա
7 սմ. տրամագիծ ունեցող 10 շրջանակներ, որոնց յու-
րաքանչյուրի մեջ 7—8 տողանոց գրություն կա:—
Գրիչը՝ անհայտ:—Պատվիրատուն՝ անհայտ:—Ծաղ-
կոյուն՝ անհայտ:—Ժամանակը՝ 1722 թ.:—Վայրը՝ ան-
հայտ:—Ծանոթագրություն՝ համայնիլը պատկանել է
Ապարան շրջկենտրոնի (Ս. Հայաստան) բնակիչ
Վիկտոր Մնացականի Պետրոսյանցին, որ մեջից ծը-
նողների պավակ է: Նա ձեռագիրը նվիրել է Մայր
Աթոռի Չեռագրատան 12 հունիսի 1982 թ.:

<ԻՇԱՍԱԿԱՐԱՆՆԵՐ

... Եղիցի պայպան ծոս Այ Մարիամին. ամեն:
(Երկու անգամ կրկնվում է):
... դիմաց ծառայիս Այ Մարիամի. ամեն:
... դիմաց ծոս Այ (երկու անգամ):
... և ամ բանի աջի լինիցի ի ծառայիս Այ:
... պծառս Այ Մարիամս:

Ծոյիս Այ Մարիամես. ամեն:

... ծառայիս Այ Մարիամ. ամեն:
... ծառս Այ Մարիամին այտորիկ. պայպան ամի Բս
աջ քո յովանի լիցի վրյ ի մի տւէ և զիշերի:
... ծառայիս Այ:
... եղիցի պայպան ծոս Այ (երկու անգամ):
... լեր օգնական և պայպան ծոս Այ:

Փառաւորեալ Տր ընկալ պաղաւտան ծոս Այ և կա-
տարեալ ի բարի վիտորվածս իմ բարեխօսութեւ սբյու
Ածածին և Հօվանտու Կարպտին և սրբյն Ստեփան-
նոսի Նախայկային և ամ սբ քոց Տր Յս Բս Ած եղի-
ցիս պայպան ծոս Այ (երկու սմ. բաց տեղ է թողնե-
լված) գրեցաւ համայիս ի թվականիս ՌՃՀԱ (1722)
ամեն: Հայր (մեր):

<ԻՇԱՍԱԿԱԳՐՈՒԹՅՈՒՆ

(Համայիլի կոնակի վերջի ծայրում գրված է)
Մեծագույն սիրով այս համայիլը նվիրում եմ
Մայր Աթոռի ձեռագրատանը:

Վիկտոր Մնացականի Պետրոսյանց
Ապարան
12 հունիսի 1982 թ.:

№ 552
ԽԱՋԱԿԱԳՐՈՒԹՅՈՒՆ

Թերթերը՝ 143:—Պրակները՝ 14, յուրաքանչյուրը
10-ական թերթից է, բացի Ա և ԺԴ՝ 4, ԺԱ՝ 6:—Մե-
ծությունը՝ 30.5×20.6×1.6 սմ.:—Նյութը՝ գծավոր,
միջակ բարակությամբ թուղթ:—Կազմը՝ սև լաթակալով
ստվարաթուղթ: Երեսին քնարի մի նկար կա կպած
(14×10 սմ.), իսկ դրա ներքևում մի պիտակի վրա
ձեռագիր գրված է «Տնոր Յարութեան հարցերու»:—
Պահպանակները՝ սկզբում և վերջում կա մեկական
բաց կանաչավուն բարակ մի թուղթ:—Վիճակը՝ լավ:
—Գրությունը՝ միասյուն:—Դատարկ թղթերը՝ 1ա—3բ,
4բ, 100ա—104բ, 107բ—110բ, 130բ—134բ:—Տողերը՝
21—22:—Գծումները՝ թուղթն ինքնին գծավոր է:—
Գիրը՝ շղագիր և հայկական նոր խաղեր:—Չարդա-
գրություն՝ չունի:—Գրիչը՝ Հակոբ քահանա Մխճյան
(1889—1954):—Ժամանակը՝ 10 մայիսի 1931 թ.:—
Վայրը՝ Մարսել (Ֆրանսիա):—Ծանոթագրություն՝ ձե-
ռագիրն ստացված է Նոր Վեհարանի գրադարանից
17 նոյեմբերի 1982 թ.:

ԲՈՎԱՆԴԱԿՈՒԹՅՈՒՆ


(Ձեռագիրը բովանդակում է Հարության 113 հար-
ցերի հայկական նոր խաղերով նոթագրությունն և
տեքստը):

Թթ. 5ա—99բ.—Հարության հարցերի խաղերն ու
տեքստը:

Թթ. 105ա—107ա.—Ցանկ գրութանոց:

Թթ. 111ա—130ա.—Շռաձայն Ս. Պատարագ (ըստ
Լևոն Չիլինկիրեանի):

(Ծարուհակեղի)



«ЭЧМИАДЗИН»
ОФИЦИАЛЬНЫЙ ЖУРНАЛ ЭЧМИАДЗИНСКОГО КАТОЛИКОСАТА
(ОКТЯБРЬ 1982)

1. Проповедь Верховного Патриарха в Кафедральном соборе 10 октября 1982 г. (стр. 3—5).

2. Слово Католикоса Всех Армян Вазгена I, произнесенное 11 октября 1982 г. по случаю открытия «Сокровищницы Алек и Мари Манукян» (стр. 6—9).

3. Слово Верховного Патриарха, произнесенное по случаю открытия памятника-родника, посвященный памяти Хримяна Айрика 12 октября 1982 г. (стр. 10—11).

4. Прием в Совете Министров Армянской ССР 4 октября 1982 г. (стр. 12).

5. Торжества в первопрестольном св. Эчмиадзина, посвященные открытию здания «Сокровищница Алек и Мари Манукян» и памятника-родника, увековечивающий память Хримяна Айрика 2—13 октября 1982 г. (стр. 16—28).

6. Сообщение из армянской патриархии Иерусалима. О посещении армянского Высокопреосвященного Патриарха Иерусалимского Егишэ в Ватикан по приглашению Святейшего Папы Римского Иоанна—Павла II с 30 сентября по 7 октября 1982 г. (стр. 29).

7. Завершающее годовое торжество Духовной семинарии армянской патриархии Иерусалима и 50-летнее священническое юбилейное торжество Его Высокопреосвященного Патриарха Егишэ 19 июня 1982 г. (стр. 30—31).

8. Церковная жизнь. Сведения о совершен-

ных литургиях, проповедей, церковных мероприятиях в Эчмиадзинском Кафедральном Соборе за октябрь месяц (стр. 32—33).

9. Представители ВСЦ в первопрестольном св. Эчмиадзине 12—15 октября 1982 г. (стр. 34—35).

10. Архимандрит Акоп Глнджян. Наследственное грехопадение Адамово. (Исследование) (стр. 36—39).

11. Священник Карен Ктапян. Краткие проповеди (стр. 40—42).

12. Епархиальная жизнь. а) Встретившись из армянской епархии Румынии. б) Священническое рукоположение в армянской западной епархии в США (стр. 43—44).


13. Отрывок из лекции архиепископа Шагэ Аджемяна, произнесенный в Экуменическом центре св. Ириней в Лione в мае 1982 г. (стр. 45—49).

14. Совещательная встреча «Карловы Вары—5» в г. Принстоне 5—8 октября 1982 г. (стр. 50—51).

15. Виктор Петросяни. Армянские женщины—защитницы отечественной культуры в 13—19 вв. (Исследование) (стр. 52—56).

16. Володя Абрамян. Арменоведческие издания в Армении и за рубежом (стр. 57—58).

17. Нубар Микаэлян. Список новых рукописей, полученные в первопрестольном св. Эчмиадзине (№№ 550—552). (стр. 59—60).



„ETCHMIADZIN“
OFFICIAL JOURNAL OF HOLY ETCHMIADZIN
(OCTOBER 1982)

1. The sermon of His Holiness in the Holy Cathedral, 10th october 1982 (pages 3—5).

2. The speech of His Holiness spoken on the occasion of the inauguration of „Alex and Mary Manoogian“ museum, 11th october 1982 (pages 6—9).

3. The speech of His Holiness spoken on the occasion of the inauguration of monument-fountain devoted to the memory of deceased Catholicos Mekertich Khrimian, 12th october 1982 (pages 10—11).

4. Reception given by the Armenian SSR's government on the 4th october 1982 (page 12).

5. Festivities in the Holy See devoted to the 27th anniversary of the enthronement of His Holiness, to the inauguration of the new building of „Alex and Mary Manoogian“ museum and of the monument-fountain which perpetuates the memory of the deceased Catholicos Mekertich Khrimian, 2—13th october 1982 (pages 16—28).

6. Communiqué of Jerusalem Armenian Patriarchate, concerning the invitation of His Holiness Pope John Paul II to His Beatitude Yeghishe, the Armenian Patriarch of Jerusalem, from 30th september to 7th october 1982 (page 29).

7. The feast at the end of the school year of the Theological Academy of Jerusalem Armenian Patriarchate and jubiliary festivity devoted to the 50th anniversary of His Beatitude Patriarch Yeghishe's priesthood, 19th june 1982 (pages 30—31).

8. Divine liturgy services and sermons delivered in the Holy Cathedral and description of Church festivities in the Holy See during the month of october (pages 32—33).

9. The representatives of the World Council of Churches in the Holy See, 12—15th october 1982 (pages 34—35).

10. Reverend Hagop Kelendjian—About the problem of transmission of the original sin (study) —(pages 36—39).

11. Father Garen Gedanian—Short sermons (pages 40—42).

12. Diocesan life.
(A) News from the Armenian diocese of Roumania.
(B) Ordination of priest in the western diocese of the Armenians in the United States of America (pages 43—44).


13. An extract from Archbishop Shahe Ajamian's lecture delivered in the st. Irenius Ecumenical Center on may 1982 (pages 45—49).

14. „Karlov Vary V“ consultative meeting in Princeton, 5—8th october 1982 (pages 50—51).

15. Victor Petrossiantz—Armenian ladies who have been defenders of the Armenian culture, XIII—XIX centuries (pages 52—56).

16. Volodya Abrahamian—Armenological publications in Armenia and abroad (pages 57—58).

17. Nubar Mikaelian—The list of the newly received manuscripts of the Mother See of Holy Etchmiadzin under the numbers of 550—552 (pages 59—60).



„ETCHMIADZINE“
ORGANE OFFICIEL DU SAINT-SIEGE D'ETCHMIADZINE
(OCTOBRE 1982)

1. Homélie de Sa Sainteté Vasken Ier prononcée le 10 octobre 1982 dans la cathédrale de Saint-Etchmiadzine (pages 3-5).

2. Allocution de Sa Sainteté prononcée le 11 octobre 1982 à l'occasion de l'inauguration du Musée „Alex et Marie Manoukian“ (pages 6-9).

3. Allocution de Sa Sainteté prononcée le 12 octobre 1982 à l'occasion de l'inauguration du monument-fontaine érigé dans l'enceinte de Saint-Etchmiadzine à la mémoire du bienheureux catholicos Mekertitch Khrimian (pages 10-11).

4. Le 4 octobre, réception au Conseil des Ministres de la R.S.S. d'Arménie (page 12).

5. Festivités au Saint-Siège d'Etchmiadzine consacrées au 27^e anniversaire de l'Intronisation de Sa Sainteté et à l'inauguration du Musée „Alex et Marie Manoukian“ et du monument-fontaine érigé à la mémoire du feu catholicos Mekertitch Khrimian. Les festivités ont eu lieu du 2 au 13 octobre 1982 (pages 16-28).

6. Communiqué du patriarcat arménien de Jérusalem concernant la visite officielle au Vatican de Sa Béatitudo Yéghiché Tertérian, patriarche des Arméniens de Jérusalem, du 30 septembre au 7 octobre 1982 (page 29).

7. Le 19 juin 1982, festivités au patriarcat arménien de Jérusalem consacrées à la clôture de l'année scolaire 1981-1982 de l'Académie de théologie dudit patriarcat et au 50^e anniversaire de l'activité sacerdotale de Sa Béatitudo le patriarche Yéghiché Tertérian (pages 30-31).

8. Brèves informations concernant la célébration des saintes messes, les sermons prononcés à cette occasion et d'autres cérémonies religieuses

qui ont eu lieu dans la cathédrale de Saint-Etchmiadzine au cours du mois d'octobre 1982 (pages 32-33).

9. Visite au Saint-Siège d'Etchmiadzine des représentants du Conseil Oecuménique des Eglises du 12 au 15 octobre 1982 (pages 34-35).

10. Père Hakob Kelendjian—„Sur le problème de la transmission du péché originel, (étude)—(pages 36-39).

11. Père Karen Kelendjian—„Brefs sermons“ (pages 40-42).

12. Vie diocésaine:

a) Nouvelles du diocèse des Arméniens de Roumanie.

b) Ordination de prêtre dans le diocèse des Arméniens des U.S.A. (région occidentale)—(pages 43-44).

13. Extrait d'une conférence de l'archevêque Chahé Ajamian faite en mai 1982 à Lyon, dans le Centre Oecuménique Saint-Irénée (pages 45-49).

14. Réunion consultative „Karlov Vary V“ tenue à Princeton du 5 au 8 octobre 1982 (pages 50-51).

15. Victor Pétrossiants—„Les femmes arméniennes connues en Arménie aux XIII^e—XIX^e siècles sous le nom de „défenseurs du patrimoine culturel des Arméniens, (étude)—(pages 52-56).

16. Volodia Abrahamian—„Publication des études arménologiques en Arménie et dans la Diaspora“ (pages 57-58).

17. Noubar Mikaélian—Index des manuscrits reçus à Saint-Etchmiadzine et placés sous les numéros 550-552 (pages 59-60).



ԲՈՎԱՆԴԱԿՈՒԹՅՈՒՆ

Վեհափառ Հայրապետի քարոզը Մայր տաճարում	3
S. S. Վազգեն Ա Ամենայն Հայոց կաթողիկոսի խոսքը՝ արտասանված «Ալեք և Մարի Մանուկյան գանձատան» բացման առթիվ	6
Վեհափառ Հայրապետի խոսքը՝ արտասանված Խրիմյան Հայրիկի աղբյուր-հուշարձանի բացման առիթով	10
Ընդունելություն Հայկական ՍՍՀ Մինիստրների խորհրդում	12
Հանդիսություններ Մայր Աթոռում նվիրված «Ալեք և Մարի Մանուկյան գանձատան» նորակառույց շենքի և Խրիմյան Հայրիկի հիշատակը հավերժացնող աղբյուր-հուշարձանի բացմանը	16
Հաղորդագրություն Երուսաղեմի հայոց Պատրիարքարանի	29
Ամավերջի հանդես Երուսաղեմի հայոց Պատրիարքության Ալեքս և Մարի Մանուկյան Ժառանգավորաց վարժարանի և ընծայարանի և 50-ամյա քահանայական հորելիսական հանդիսություն Նորին Ամենապատվություն S. Եղիշե Սրբազան Պատրիարք Հոր	30
ՄԱՅՐ ԱԹՈՌՈՒՄ—Եկեղեցական բեմ, լուրեր	32
Եկեղեցիների Համաշխարհային Խորհրդի ներկայացուցիչները Մայր Աթոռում	34
ՀԱԿՈԲ ՎԱՐԴԱՊԵՏ ԳԸԼԸՆՃՅԱՆ—Աղամական ժառանգական մեղքը	36
ԿԱՐԵՆ ՔԱՀԱՆԱ ԿՏԱՆՅԱՆ—Կարճ քարոզներ	40
Թեմական կյանք	43
Էկումենիկ դասախոսություն Լիոնում	45
«Կարյովի Վարի Ե» խորհրդակցական հանդիպումը Պրինստոնում	50
ՎԻԿՏՈՐ ՊԵՏՐՈՍՅԱՆՑ—Հայրենական մշակույթի պաշտպան հայ կանայք	52
Հայագիտական հրատարակություններ	57
Ցուցակ Մայր Աթոռ Ս. Էջմիածնի նոր ստացված ձեռագրերի	59
«Эчмиадзин» официальный журнал Эчмиадзинского Католикосата	61
„Etchmiadzin“ official journal of Holy Etchmiadzin	62
„Etchmiadzine“ organe officiel du Saint-Siege d'Etchmiadzine	63



**ԽՐԲԱԳՐՈՒԹՅԱՆ ՀԱՍՑԵՆ
ՀԱՅԿԱԿԱՆ ՍՍՀ, ԷՋՄԻԱԾԻՆ
«ԷՋՄԻԱԾԻՆ» ԱՄՍԱԳՐԻ ԽՐԲԱԳՐՈՒԹՅՈՒՆ**

Армянская ССР, Эчмиадзин, Редакция журнала «Эчмиадзин».
Redaction de la revue «Etchmiadzine», Etchmiadzine. Arménie, URSS

Հանձնված է տպագրության 22.11.1982 թ.: Ստորագրված է տպագրության 11.01.1983 թ.
Տպագրական 4 մամուլ + 13 ներդիր, թուղթ 60×84¹/₈ պատվեր 892:

Մայր Աթոռ Ս. Էջմիածնի տպարան, 1982 թ.